

112-3

700

Jul 215
w 145

PLANTAE
SELECTAE

QVARVM IMAGINES

AD EXEMPLARIA NATVRALIA

LONDINI IN HORTIS CVRIOSORVM NVTRITA

MANV ARTIFICIOSA DOCTAQVE PINXIT

GEORGIVS DIONYSIVS EHRET

GERMANVS

OCCASIONE HAVD VVLGARI COLLEGIT

NOMINIBVS PROPRIIS NOTISQVE SVBINDE ILLVSTRAVIT

ET PVBLICO VSVI DICAVIT

D. CHRISTOPHORVS IACOBVS TREVV

MEDICVS NORIMBERGENSIS

IN AES INCIDIT

ET VIVIS COLORIBVS REPRAESENTAVIT


IOANNES IACOBVS HAID

PICTOR ET CHALCOGRAPHVS AVGVSTANVS

* * * *

DECVRIA I

A.R.S. MDCCL.





LECTORI BENEVOLO

S. & O.

D. CHRISTOPHORVS JACOBVS TREVV.



Uæ a teneris summa voluptate animum affecit meum plantarum cognitio, eam pro virium & temporis ratione nunquam non augere studui, eademque postea me officii publici curis defatigatum sæpius recreavit & adhuc dum recreat. Quamdiu vitæ generis conditio id permittebat, itineraque præcipue favebant, nullam prætermisi occasionem, ex campis & hortis innumerabilis ferme horum naturæ productorum copię tantam acquirendi notitiam, quantum circumstantiæ offerebant. Pedem denique Norimbergæ figens, cura ægrotorum demandata, impeditus quidem fui, quo minus fertilissimi agri nostri divitias ulterius scrutari possem; sed exoptata mihi contigit occasio varias multasque raras in hortulo domestico quotannis plantas alendi. Et quemadmodum semper curam gessi, plantarum acquisitarum memoriam exemplaribus naturæ ficcatis conservare: ita etiam postmodum concessis a DEO propitio viribus, ad earundem vivam faciem, quæ alias facta exsiccatione evanescit, picturis idoneis supplendam animum applicui. Peropportune primum ad manus mihi fuit pictor ex Bohemia ortus & hic locorum per plures annos commoratus, D. ANDREAS IGNATIVS MAIERVS, qui mira facilitate & promptitudine plantarum imagines adeo saltem naturæ similes effingendi artem callebat, ut citra errorem cognosci & a congeneribus distingui possent. Paullo post occasio mihi nata est commercium, ejusdem scopi obtinendi causa, cum D. GEORGIO DIONYSIO EHRET ineundi. Hic a patre, Sereniss. Electoris & Comitis Palatini Rheni hortulano aulico, topiariæ arti pariter destinatus & informationi D. AVGVSTI GVILIELMI SIEVERTI, celeberrimi horti principalis Carlsruhensis olim præpositi, traditus ab hoc simul plantas pingere in parergum a scopo primario non alienum didicit, hocque studium postea omni industria excoluit, occasione præsertim singulari favente, dum forte fortuna a. 1730. Ratisbonam venit. Hic namque locorum a D. WEINMANNO, tunc temporis iconum pro edendo opere suo botanico colligendarum studiosissimo, mercede conducebatur, ut per integrum annum his pingendis solummodo animum adjungeret; ibidemque deinde easdem occupationes per sesquiannum adhuc continuabat, D. LOESCHENKOHLO, mercatori & horti florentissimi possessori, eadem officia præstans. Interea temporis & horis succisivis sibi ipsi quoque confecit plures plantarum, tum indigenarum tum hortenſium, imagines vivas &, quum earum collectio ad numerum 600. iam accederet, eam amicorum cuidam meorum æstumatissimo vendidit, cujus benevola concessione obtenta, eandem ut supra memoratus MAIERVS imitaretur, curavi; qua facta accessione numerus picturarum Maierianarum mihi comparatarum ad 1700. excrevit. Sed de præstantia laudati FHRETI certior factus, petii insuper ab eo, ut meum etiam in usum rariores plantas sibi obviam factas ad ipsa naturæ exemplaria super charta majore & nitidior pingere: cui desiderio quum per tres ferme annos satisfacisset, atque præterea, itinere per Helvetiam, Provinciam Galliamque instituto, subinde aliquas icones, plurimas autem, Londini denique pedem figens, quotannis mittere continuaret & adhuc continuat, numerus earum 300. iam excedit. Quilibet autem facile prævidet, posteriores Londino acceptas, & indicati numeri duas tertias ferme partes constituentes, reliquis longe esse præferendas, tum ob plantarum, quas repræsentant, raritatem, tum ob artificis, qui perpetua & indefessa industria per tot annos huic exercitio soli se denique consecravit, perfectionem. Ad eam porro haud exiguum contulit, quod celeberrimo LINNAEO interea familiaris factus fuit ab eodemque characteres plantarum genuinos ad normam Botanicorum systematicorum repræsentare didicit: id quod ipsæ delicatissimæ HORTI CLIFFORTIANI figuræ plurimæ, ut & omnes hujus generis, quæ utrique tomo splendidissimi itinerarii RICHARDI POCOKE additæ sunt, EHRETI nomine subscripto abunde iam testatum fecerunt; omnium autem maximæ illæ, quas ipsemet aeri incidere (nam artem hanc pari successu felici simul iam diu exercet) & vivis coloribus illustrare ab aliquot iam annis cœpit, nunc autem continuare atque præterea junctis concinna copula in una eademque tabula pluribus plantis additisque papilionibus rarioribus exornare denuo aggressus est; ceu earum tabularum octo ad meas iam pervenerunt manus. Ne autem viva facies earum quoque rariorum plantarum, quas ex seminibus ab amicis benevole mecum communicatis in horto domestico educare contigit, memoria excideret, pictorem hujus loci, D. NICOLAVM FRIDERICVM EISENBERGERVM excitavi, ut vires in hoc picturæ genere pariter exerceret, id quod eo usque feliciter cessit, ut nunc in eo solo occupatus meam collectionem ad 150. icones adaugeret, non computatis floribus ita dictis coronariis, tulipis nempe, hyacinthis, narcissis, ranunculis, anemonis similibusque anthophilorum potissimum deliciis, quorum imagines sigillatim ultra numerum 200. ascendunt, ex quibus plurimæ sunt imitationes earum, quas supra laudatus SIEVERTVS ad naturæ normam in horto Carlsruhensi, ejusmodi quoque plantarum generibus instructissimo, olim elaboravit & amicus quidam, possessor illarum factus, mecum communicavit, nonnullæ etiam factæ sunt ad exemplaria, quæ iam satis ubique celebris Virgo nostras, BARBARA REGINA DIEZSCHIA, pinxit. Quum

);(

autem

autem EISENBERGERVS in imitando & amplificando opere Blackvelliano nunc potissimum desudet, & propter ea non semper ipsi otium sit, meis ultra curis satisfaciendi, excitavi porro alios hujus loci pictores, nimirum D. MAGNUM MELCHIOREM PAYERLEIN & D. GEORGIVM GVILIELMVM BAV-RENFEIND, adeo felici successu, ut hi quoque eidem studio se nunc dicarent & venustas plantarum imagines pro mea collectione augenda iam pararent, spes vero haud vana ex speciminibus plus quam 50. iam elaboratis nasceretur, ambos egregios futuros esse in hoc picturae genere artifices, cum primis quia satis iam comprobarent, se non tam panis lucrandi quam laudis obtinendae gratia vires suas intendere, idque etiam fortunae eorum conditio permittit. Tandem duplici ex capite silentio praeterire nequeo alium adhuc ex nostratibus eidem studio praecipue deditum pictorem, nempe D. NICOLAVM GABLERVM. Primum namque hujus dotes singularem attentionem merentur non solum propterea, quod omnino totum plantarum habitum aequae, ac characteres partium fructificationis, accurate repraesentare valet, verum etiam ideo, quod huic occupationi reliquum ejus vitae genus plane contrarium videtur, dum coriarii filius unicus eidem opificio tanquam primario scopo exercendo addictus est; deinde cum hoc quoque nunc commercium ineundi occasio mihi facta est, adeoque spes affulget, collectionis hactenus indicatae augmentum hujus adminiculo, Deo volente, pariter futurum esse.

Haec omnia, Lector benevole, non vanae ostentationis gratia, sed eum tantum in finem paullo prolixius exposui, ut de proposito mox indicando aequum ferre possis judicium. Hanc enim oculorum mentisque oblectationem, aequae jucundam ac utilem, mihi soli comparare vel reservare nunquam cogitavi; in votis potius semper habui, ut aliquando communis fieret. Jam dudum ergo plurimas harum imaginum, easque praecipue, quae telluris nostrae vel etiam hortorum vulgares alumnas repraesentant, illis destinavi, quibus operi WEIN-MANNIANO supplementum haud supervacaneum addere forsitan placeret; reliquas vero atque illas imagines, quae plantas rariores atque ex his multas haud pridem ex remotissimis orbis terrarum regionibus in Europam translatas, singulari praeterea artificio pictas sistunt, condendo opere peculiari dignas censui. Accidit igitur a. 1748., ut celebris Augustanorum pictor atque chalcographus, D. JOANNES JACOBVS HAID, ex voto Norimbergam veniret & harum imaginum collectionem attentus perlustraret, tandemque de pulchritudine earum certior factus consilium caperet, ex iisdem illas, quae vel raritate vel formosa specie praeter reliquis sese commendant, omnes vero laudati EHRETI manu artificiosissime pictae sunt, omni studio & accuratione in aes incidendi, vivis coloribus super charta maxima nitidissimaque repraesentandi & singulis semestribus intervallis decuriam in publicum edendi, hacque ratione, si Deus vitam ac vires concefferit, tamdiu continuandi, quam id ipsi ex emtorum numero commodum erit.

Ne autem suspicio oriatur, hoc opus cum illo, quod D. EHRETVS ipse modo supra indicato evulgare coepit, esse unum idemque, monendum duxi, si vel etiam quaedam plantae in utroque compariturae sint, non una tamen eademque ratione id futurum esse, de quo tabulae ejus iam editae satis testantur; id quod pariter valet de nonnullis, quarum similes iam prostant in splendidis operibus IOANNIS MARTYN, MARCI CATESBY & Societatis Hortulanorum Londinensium: omnes enim, qui haecce opera cum nostro collaturi sint, facile deprehendent, illas etiam imagines, quas denuo & plerumque magis completas publicamus, haud esse supervacaneas; ut taceam, multa opera per Angliam publicata nostris in regionibus ignota manere, vel saltem pretio multo majori redimenda esse.

Hisce praemissis iungendae nunc porro sunt rationes, quibus hujus operis editionem, divino aspirante auxilio, prosequi constitutum est.

I. Quum forma & magnitudo naturalis in plantarum imaginibus servata notionem perfectiorem reddat: ea in nostris semper conspicienda erit vel circa integram plantam, si chartae normam non excedat, vel circa ejus partes, si contrarium obstat.

II. Ordinem certum, sive alphabeticum sive systematicum, nemo expectabit, utpote in ejusmodi collectionibus nec necessarium, nec jucundum, nec possibilem, nec denique commodum. Non necessarius quippe est, quoniam, si per Dei gratiam nostra collectio ad eam molem pervenerit, ut juvandae memoriae causa alphabeti ordinem exposcat, hic indicis adminiculo facile suppeditari potest, systematicus vero ordo ab aliis ad cujusvis lubitum jam concinnatus prostat; non jucundus, quia & generum & specierum imagines saepissime longa serie iungendae essent minus formosae; non possibilis, quia ejusdem generis specierum imaginibus post priorum evulgationem paratis locus praeccluderetur; non commodus denique est, quia auctores atque emtores legibus adstringit forti & voluntati humanae mutabili contrariis. Quamvis autem omnem ordinem studio neglecturus sim, eum tamen observabo, ut rariores & haud ita pridem nostris in regionibus visae, aut accuratius saltem examinae, reliquas praecedant, magis jam notae vero, ceterum tamen singulari formositate sese commendantes, non nisi parcius & quasi ornamenti vel oblectationis tantum gratia compareant.

III. Characteres partium fructificationis genericos omnibus jungere plantis, scopus praefixus haud magis requirit. Hic namque in eo tantum versatur, ut plantarum, quas repraesentare contigit, facies habitusque sistatur naturali adeo similis, ut non solum iis, qui miris & infinitis ferme naturae in hisce productis variationibus se delectare amant, verum etiam illis, qui de speciebus generi cuidam vel iam adscriptis vel adhuc adscribendis certiores fieri cupiunt, sufficere queat. Ceterum, mea quidem sententia, labor supervacaneus haud est, singulis speciebus characteres, ex quibus de genere earum judicium ferri solet, appingere: sed quamvis lubenter ista, majoris utilitatis gratia, in opere hoc semper praestitissim; obstat tamen, quod non omnes alienigenae plantae singulas fructificationis partes ubique ad perfectionem perducunt, & quod praeterea earum repraesentatio in his, quas nunc producimus, ab artificis voluntate dependet. Nihilominus tamen ejusmodi characteres saepius reperientur, quarum delineatio ab aliis hucusque nondum facta est.

IV. Historia

IV. Historia singulis plantis commentarii instar addenda eandem ob rationem pariter in opere nostro absolute necessaria non est: & si etiam talem conficere voluisssem, una tamen ex parte graviores instantioresque occupationes impedimento sunt, quo minus illi debitas curas impendere valeam, & altera ex parte ad ejusmodi laborem insciendum is tantum idoneus est, cui ipsas plantas vivas observandi & examinandi occasio contingit, qua careo circa plerasque in opere hoc comparituras, utpote quas nostra tellus nondum aluit.

V. Omne ergo, quod me singulis imaginibus additurum, divina fretus gratia, spondere possum, est nominis adscriptio. Quum vero plantas, quas repræsentant, classici auctores vel jam recenseant, vel adhuc taceant, hæc etiam nomina vel jam approbata vel ulteriori scrutinio demum approbanda aut corrigenda sunt. Ex illis, quæ pluribus classicis auctoribus iam in usu sunt, elegi brevitatis causa ea tantum, quæ sufficere videbantur ad indicandos auctores reliqua synonyma jam recensentes, vel integram plantæ historiam, vel characteres saltem ejus generis exponentes, ut simul illis, qui plura scire desiderant, fontes, unde ea haurire queant, indicarem. Quod ad nomina mihi ipsi nondum satis probata attinet, iis tamdiu uti liceat, usque dum accuratius plantæ examen meliora & aptiora doceat. Huc pertinent illa, quibus indicantur plantæ quædam, quarum characteres generici a nemine, quantum mihi saltem constat, hucusque satis examinati sunt, itemque illæ, de quibus dubius adhuc hæreo, num ullo nomine jam indicatæ sint: de omnibus enim quo minus certior fieri queam, obstant otii huic studio dicati limites perquam angusti, licet fontes forsân ad manus essent. Ceterum ex nominibus genericis approbatis illud semper primo loco posui, quod mihi aptissimum videtur. Vt autem hujus delectus rationem reddam, meam opinionem de nominibus plantarum in genere brevibus declarare liceat. Singula genera, secundum regulas cujusvis systematis formanda, peculiari nomine distinguenda, & omnes plantas iisdem characteribus gaudentes ejusdem generis nomine appellandas esse, nemo de commodis ejusmodi systematis informatus amplius dubitat, neque eorum conatum reprobat, qui nomina a veteribus, imo etiam recentioribus, botanicis usurpata in alia novaque mutant, quoties ipsorum regulis contraria sunt. Id unicum tamen mihi persuadere nequeo, discentium commodo fieri, ut more nunc invalescente plura genera, quibusdam fructificationis partium notis satis distincta, ob reliquarum similitudinem indeque derivandam naturalem affinitatem ad unum idemque genus reducantur, unico propterea nomine generico comprehendantur, tanquam species vero notis ab iisdem partibus derivatis distinguantur. Est namque hæcce affinitatis inquisitio quidem laudanda & ad methodum quandam naturalem struendam necessaria; sed ejusmodi methodum non nisi summos & exercitatissimos viros ex crebra attentaque generum comparatione assequi, recte jam monuit cl. LVDWIGVS. Methodi ergo artificiales, quas vocant & quales sunt omnes hucusque expositæ discentiumque præcipue causâ excogitatæ, a naturali distinguendæ sunt; propterea vero in illis minus opportune formantur regulæ in hac tantummodo observandæ. Quum autem in methodis artificialibus, præcipue illis nostro ævo approbatis, iisque ipsissimis, quæ sæpius memoratam affinitatem commendant observandam, præcipiatur, generum notas a solis fructificationis partibus desumendas, ab iisdem vero reliqui habitus notas excludendas hasque solummodo ad specierum distinctionem adhibendas esse: sequitur, metuendam esse tyronum confusionem, nisi a notis specificis vicissim excludantur omnes illæ, a quibus genericæ deduci solent. Porro, si hæcce affinitatis norma circa omnia genera observanda esset, nonnullæ classès amplissimæ, e. gr. plantarum umbelliferarum, flore cruciato, papilionaceo, liliaceo &c. ad perpauca essent reducenda genera; sed multa nomina accurate definita distinctæ & perfectæ notioni formandæ minus obstant, quam pauca amplioris significationis, ut propterea hic quoque valeat antiquus canon: qui bene distinguit, bene docet. Quoniam ergo cujuslibet methodi usus primarius ille est, ut discentes ad facilem plantarum nondum cognitarum notitiam manu ducantur, illa sane difficilis redditur, quæ in definitione notarum genericarum exceptiones & limitationes respectu fructificationis partium observandas injungit, ut taceam injuriam quæ nominibus accurate jam definitis eorum deletionem sine causâ urgente suscepta infertur. Puto autem, nullam causam urgere, ut plantæ nominibus genericis jam distinctæ fructificationis partibus differentes propterea uno nomine generico jungantur & reliqua nomina recepta deleantur, quia nonnullæ harum partium inter se conveniunt, ideoque mutuam affinitatem indicant: quum, licet nominibus distinguantur, nihilominus, manuductionis ad methodum naturalem causâ, maior minorve earum affinitas indicari queat, quando in systematico ordine unum genus affine proxime sequitur alterum simulque affinitatis nota additur, vel classès secundum hanc affinitatem in ordines, hi autem denique in genera dividuntur. Quod ad nova nomina generica formanda attinet, ea tanto majori pretio habenda esse, quanto magis simplicia & linguæ eruditorum accommodata sunt, omni dubio caret; sed nomen alicujus generis distinctum & a classico quodam auctore jam receptum, præterea latinæ linguæ flexioni non penitus contrarium, propterea tantum esse mutandum, quia compositum sit, vel linguæ hujus puritati non respondeat aut etymon ejus lateat, pariter nondum convictus sum: nomina namque barbara notioni formandæ non magis obstant, quam illa, quæ a nomine proprio celeberrimorum botanicorum usu approbato derivantur, vel quorum, ut ut purissimorum, etymon aliis commune est. Vt taceam latinam linguam etiam indeclinabilia non penitus abhorrere. Nomina denique composita, quandoque etiam hybrida, præcipue si cognationem cum alio genere affini indicant, potius conservanda quam reprobanda esse, autumo: quia omnium nominum primarius usus consistit in sublevanda memoria, omnes autem eorum innovationes præcipue eo in casu, ubi pristina nomina historiæ causâ nihilominus conservari necessum est, eandem aggravant. Iisdem ex rationibus eandem quoque sententiam teneo de nominibus specificis. Si novæ occurrunt cujusdam generis species, vel etiam jam cognitæ alii generi adscribendæ, specifica nomina rectius omnino a propria qualitate vel forma, quam comparatione cum aliis, aut circumstantiis accidentalibus, desumuntur; ceterum vero, ut memoriæ parcamus, recepta jam nomina, nisi omni ex parte imperfecta sint, haud excludenda multoque minus ob levem tantum notam corrigenda aut mutanda esse, puto: alias namque nominum horum formatio perpetuæ ferme obnoxia esset mutationi. Species, quæ colere aut magnitudine partium solummodo differunt, vel ordinariam faciem ex causis occasionalibus mutant, licet mutatam retineant, imo interdum pro-

pagent, varietates omnino sunt: & si species, quæ multis totius habitus partibus inter se conveniunt, uno eodemque nomine specifico conjunguntur, memoria multum levatur, præcipue iis in generibus, quæ specierum copiam habent; si vero differentia unius vel alterius partis in singulis his plantis non simul notetur & reliquis nominibus sigillatim addatur, sed omnes solo varietatis nomine indicentur, confusio facile oriri potest, & distinctum nomen varietatis citandæ deficit, ut taceam, normam, ad species a varietatibus distinguendas unam eandemque, omnibus vix applicabilem & proinde incertam esse. Nomina veteribus medicis & hodie adhuc pharmacopolis usitata esse conservanda, illis quidem concedo, qui hoc non sine ratione urgent; propterea tamen regulas systematicorum botanicorum communes negligere, necessarium mihi saltem non videtur: nam, conservato etiam nomine medicis & pharmacopolis noto, nondum tamen notio plantæ hoc nomine intelligendæ conservatur, nec error omnis evitatur illis in generibus, quæ plures hodie comprehendunt species, nisi illa medicinalis hac nota sigillatim distinguatur. Quis e. gr. inter tot *Veronica* species cognoscet illam a pharmacopolis asservari solitam propterea, quod toti generi nomen hoc conservatum est? Omnibus hinc satis fieri posse, puto, si plantæ iisdem fructificationis partibus gaudentes eodem quidem nomine generico appellarentur, medicinalis vero simul a reliquis nomine suo antiquo & simplici distingueretur: referantur ergo a botanicis omnes e. gr. *Veronica* & *Becabunga* species ad unum *Veronica* genus, distinguantur etiam species medicinales æque ac reliquæ, notis suis specificis, v. gr. secundum LINNAEVM H. Clif. p. 8. ita, ut altera nominetur ***Veronica caule repente, scapis spicatis, foliis ovatis ferratis strigosis***; altera ***Veronica foliis oppositis lævibus crenatis, floribus laxe spicatis ex alis***: addatur tantum his notis simul, quod prior sit *Veronica*, posterior vero *Becabunga officinarum*. Hoc eodem facili & nulli systemati contrario modo conservari etiam possunt alia nomina plantarum celebria: recensentur quidem illa inter synonyma ab iis, qui eadem novis suis nominibus delent; sed hac methodo longe difficilius memoriæ mandantur, præsertim ab istis, qui non, ut ajunt, ex professo rei herbariæ operam navant. Hæc autem ad normæ, quam in hisce elegi, rationem reddendam sufficiant.

VI. In selectione terminorum, approbatis auctoribus receptorum & a vaga significatione liberatorum, minus scrupulosus fui, quum accuratam distinctionem systemata tantum requirant. Neminem ergo offendant, rogo, quod floris masculini & staminei, feminini & pistillati, hermaphroditi seu androgyni & perfecti seu completi i. e. staminibus & pistillo simul instructi, pistilli & styli, calycis & perianthii, corollæ & petali, fructus & pericarpium &c. nominibus, ceu omnibus rite definitis, promiscue usus fuerim. Vt calycis & corollæ distinctio sæpius dubia evitetur, lubens quidem utrumque simplici perianthii nomine salutassem secundum normam & rationes, quas in Commercio litterar. physico-thechnico medico Norimb. a 1744. p. 358. seqq. fusius exposui, præcipue quum postea cognovi, cl. WACHENDORFFIUM in horti Ultrajectini indice a 1747. publicato eosdem terminos ad condendum novum systema suum in usum vocasse: sed quum omnes innovationes absolute haud necessarias, tanquam a scopo præfixo alienas, studio præterii, hanc quoque neglexi. Ubi necessitas urgebat, novas specierum definitiones proponere, cl. LINNAEVM pressius sequutus sum, præcipue in foliorum figuris nominandis, vel saltem propterea, quod nomen ab omni dubio liberant figuræ ab ipso additæ.

VII. Quæ sub nominum collectione quandoque sigillatim monenda in mentem venerunt, quæque de nonnullis plantis singularia accepi relata, aut ipsemet observavi, ea notis adjectis indicare haud supervacaneum duxi. Ubi & in his reliquis ab aliorum sententia dissentio, id neutiquam contradicendi pruritu omnibus merito exoso, sed solummodo cogitationes libere exponendi animo nemini in senso factum, omniaque proinde rectius sentientium iudicio subiecta esse, moneo.

VIII. Ubi denique mentionem feci auctorum nostro ævo meritis suis celebrium, nuda tantum eorum nomina sufficere propterea ratus sum, quod illa ipsa omnibus encomiis superiora habeam.

Jam vero nil reliquum est, quam ut huncce conatum de publica utilitate merendi cupidum sincero voto comiter. Faxit DEVS T. O. M. ut ille in ipsius gloriam amplificandam cedat, hujus studii cultoribus gratus utilisque existat, eorumque applausu ulterius provehatur.

Dabam Norimbergæ pridie Nonas Martii A. R. S. clolcccL.





CEDRVS foliis rigidis acuminatis non deciduis, conis
subrotundis erectis.





ANANAS aculeatus,
fructu ovato, carne albida
Plumerii, Tournef. Inst. p. 650.
Plum. Cat. Spec. p. 20.



257171



ANANAS folio vix serrato. Boerh. Ind. alt. P. II. p. 83. Rand. Hort. Chelf. p. 16. Mill. Gard. dict.





a. totus flos nondum apertus, b. b. calycis duo folia caduca, c. c. stamina, quæ, calyce delapso, sponte sua deorsum inflectuntur, d. ovarium, e. stylus, f. stigma duplex, g. capsula seminalis, quæ, maturo semine, in duas valvas ovales concavas h. resolvitur et annulum ovalem i. relinquit cum stylo persistente k. continuum, qui continet unicum semen nigrum splendens l. substantia molli succulenta rubra m. innixum et, solutis valvis, ex anulo propendens n.

BOCCONIA racemosa sphondylii folio tomentoso Plum. N. G. p. 35. tab. 25.



HERBARIUM
MUSEUM




ANONA fructu lutescente, laevi, scrotum arietis referente Catefb. J. II. tab. 85.



HERBARIUM
UNIVERSITATIS SEVILLAE

a. Flos cum calyce nondum apertus, b. flos pentapetalus expansus a facie anteriori, c. idem a facie posteriori cum calyce, d. pistillum cum ovario; e. fructus immaturus, f. idem maturus ex latefco opere mutatus, g. radix recens effossa, h. flos alterius speciei in magnitudine aucta, i. bina semina unius baccae matura, k. unum a latere cum altero contiguo.



1. *ARALIASTRUM* foliis ternis quinquepartitis, Ginseng et Ninzin officinarum.

2. *ARALIASTRUM* foliis ternis tripartitis et quadripartitis.

PLANTARVM HVIVS OPERIS BREVIS RECENSIO.

TABVLA I.

CEDRVS foliis rigidis acuminatis non deciduis, conis subrotundis erectis.

Cedrus magna sive *Libani conifera* *I. Baub. Hist. I. Libr. IX. p. 277.*

Cedrus conifera foliis *Laricis* *C. Baub. pin. p. 490.*

Larix Orientalis, fructu rotundiori obtuso *Tournef. Inst. p. 586.*

Abies foliis fasciculatis acuminatis *Lin. Hort. Cliff. p. 449. Wachend. H. Ultraj. p. 279.*

Nota. *Cedrus* & *Larix* iisdem characteribus gaudent, quos vide apud *LVDWIGIVM* *defin. gen. plant. emend. n. 884.* ergo uno eodemque nomine appellantur; sed *Cedrus* est nomen antiquissimum & celeberrimum: rectius ergo *Larix* adscribitur speciebus *Cedri*; *Cedrus TOVRNEFORTII* autem hoc nomine præter meritum exaltata est & *Iuniperi* speciebus recte adnumeratur a *LINNÆO* *Gen. plant. Ed. I. no. 764. Ed. II. no. 917. van ROYEN Flor. Leyd. Prodr. p. 89. LVDWIGIO l. c. no. 919. Wachend. Hort. Ultraj. p. 295.*

TAB. II.

ANANAS aculeatus, fructu ovato, carne albidâ *Plumerii* *Tournef. Inst. p. 650. Plum. Cat. spec. p. 20.*

Bromelia foliis spinosis, fructibus coalitis caulem cingentibus *Lin. Hort. Cliff. p. 129. van Royen Pr. Fl. Leyd. p. 24. Wachend. Hort. Ultraj. p. 310.*

Nota. *Coronæ* fructuum foliosæ maiores minoresve non sunt constantes, sed pro varia caldarii temperatura calida humidaque variant: eas apud nos latius, quam in Indiis, excrescere, annotavit *DILLENIVS* *Hort. Elth. p. 26.* sed nostris quoque in regionibus easdem sæpius parvas manere, in maioribus præcipue fructibus, ipsimet observavimus.

TAB. III.

ANANAS folio vix serrato *Boerb. Ind. alt. P. II. p. 83. Rand. Hort. Chelf. p. 16. Mill. Gard. Dict.*

Nota. *Ananas* lucide virens, folio vix serrato *Dill. Hort. Elth. p. 25. tab. 21. & 22.* secundum descriptionem multum convenit cum nostra; sed *RANDIVS* & *MILLERVS* utramque sigillatim recensent. Colorem cinnabarinum fructu augmentum capiente in viridem, & tandem eodem maturefcente in aureum mutatum fuisse, de sua planta annotavit *DILLENIVS*. Ex *MARGRAVIO* *Hist. rer. nat. Brasil. L. I. cap. XVI. p. 33. & PISONE de re Indicæ utriusque natural. & med. L. IV. cap. XXXVII. p. 195.* discimus, colorem hunc primo cinnabarinum, tandem flavescentem, pluribus speciebus esse communem: unde colligere licet, illum accidentalem tantum esse.

TAB. IV

BOCCONIA racemosa *Sphondylii* folio tomentoso *Plum. N. Gen. p. 35. tab. 25.*

Bocconia *Lin. Gen. Ed. I. n. 88. Ed. II. n. 500. Hort. Cliff. p. 202. Wachend. H. Ultraj. p. 102.*

Chelidonium maius arboreum foliis quercinis *Sloan. Cat. Jamaic. p. 82. Itiner. I. p. 196. tab. 125.* sed absque fructu.

Cocoxihuitl seu *Herba acris* *Hernand. Mexic. p. 158.*

Character. *a.* totus flos nondum apertus, *b. b.* calycis duo folia caduca, *c. c.* stamina, quæ calyce delapso sponte sua deorsum inflectuntur, *d.* ovarium, *e.* stylus, *f.* stigma duplex, *g.* capsula feminalis, quæ, maturo semine, in duas valvas ovals concavas *b.* resolvitur & anulum ovalem *i.* relinquit cum stylo persistente *k.* continuum, qui continet unicum semen nigrum splendens *l.* substantiæ molli succulentæ rubræ *m.* innixum, & solutis valvis, ex annulo propendens *n.*

Nota. *PLUMERII* figuræ citatæ nostris non accurate respondent. Secundum illas indicavit characteres *LINNÆUS* *Gen. Pl. Edit. I.*, eosdem quoad floris partes correxit. *Edit. II.* sed inter hos numerat petala quatuor angustissima, quorum in nostris figuris vestigium nullum reperitur, & stamina plurima (circiter duodecim) quorum hic sex tantum indicantur: an error observatoris, an varietas naturæ?

TAB. V.

ANONA fructu lutescente lævi scrotum arietis referente *Catesb. T. II. tab. 85.*

Nota. Alium, præter citatum auctorem, huius speciei mentionem fecisse, nos latet. Imaginem hanc non ad vivum exemplar, sed ad illud, quod in spiritu vini asservatum *D. CATESBY* ex America Londinum secum attulit, se pinxisse, *D. EHRETVS* ipse monuit; *Catesbyanam* vero figuram ad eundem quoque ductum factam esse, ex formæ similitudine facile patet: differt tamen hæc petiolo florifero & fructifero ex uno eodemque ramo simul prodeunte, floribus paullo minoribus, fructibus e contrario longioribus, superius crassioribus, inferius angustioribus, itemque colore eorum paullo viridiori (quem ante plenam maturitatem, teste descriptione, ostendunt) nec non feminis figura. Ceterum interna quoque fructus facies seminumque dispositio nostræ imagini adpicta est.

TAB. VI.

Fig. I. **ARALIASTRVM** foliis ternis quinquepartitis, *Ginseng* & *Ninzin* officinarum.

Araliastrum *Quinquefolii* folio maius, *Ninzin* vocatum, *D. Sarrafin Vaill. Serm. de struct. flor. p. 43. no. 1.*

Aureliana *Canadensis* *R. P. Lafiteau, Ginseng Chinesium* *Catesb. App. p. 16.*

Panax foliis ternis quinatis *Gronov. Flor. Virginic. Clayt. P. II. p. 147. Wachend. H. Ultraj. p. 14.*

Character. *a.* flos cum calyce nondum apertus, *b.* flos pentapetalus expansus a facie anteriori, *c.* idem a facie posteriori cum calyce, *d.* pistillum cum ovario, *e.* fructus immaturus, *f.* idem maturus ex *CATESBY* opere mutuatus, *g.* radix recens effossa, *i.* bina semina unius baccæ matura, *k.* unum a latere cum altero contiguo.

Nota. *Panax nominatum est hoc genus a LINNÆO Pl. Gen. Edit. II. no. 246.*, unde *GRONOVIVS* nominis novi rationem petiit. Radix huius speciei, ob virtutem medicam in Europa quoque nostro ævo celebratissima, *Ginseng* & *Ninzin* vel *Nisy* nomine in officinis pharmacopolarum prostat. Quemadmodum autem *Ginseng* est nomen Chinense, *Ninzin* seu *Nindsin* & *Nisji* vero Iaponicum: ita etiam plantæ, quæ hoc nomine in China & Japonica notæ sunt, penitus inter se differunt. Radicis Chinesis seu Coreanæ & Japonicæ differentiam solide iam exposuit *BREYNIVS* *diff. de radice Ginseng seu Nisi &c.*; ipsas autem plantas perro etiam ut species non solum unius, verum etiam diversi generis, distinguendas esse, tunc demum innotuit, quum *P. IARTOUX* plantæ Chinesis (*Lettres édifiantes & curieuses &c. X. Recueil p. 159. & dans la description de l'Empire de la Chine &c. par le P. du HALDE p. 150.*) Japonicæ vero *KÆMPFERVS* (*Amoenit. exoticar. fasc. V. p. 818.*) exactam descriptionem & figuram cum publico communicarunt: conf. cum his, quæ leguntur in *Commerc. litt. Norimb. A. 1742. p. 388.* & locis ibidem citatis. His demonstratis, ulteriori probatione haud opus est, *Ginseng* Chinesium & *Nindsin* Japonensium virtute quoque differre, adeoque consultum esse, utriusque radicem, in officinis promiscue haud raro occurrentem, secundum characterem, citatis locis sufficienter expositum, sollicite explorare. Nostra effigies est illa planta Chinesis, sed secundum plantam ex Pennsylvania Londinum in hortum celeberrimum *PETRI COLLINSON* delatam ibique cultam facta, de qua iterum conf. *Commerc. litt. Norimb. l. c. p. 391. GRONOVII Flor. Virginic. CLAYTON P. II. p. 147. & CATESBY l. c.*

Fig. II. **ARALIASTRVM** foliis ternis tripartitis & quadripartitis.

Araliastrum *Fragariæ* folio minus *Vaill. Serm. de struct. flor. p. 43. no. 3.*

Aralia foliis ternis ternatis *Gronov. Flor. Virginic. Clayt. P. I. p. 35.*

Panax foliis ternis ternatis *Eiusd. P. II. p. 147. Wachend. H. Ultraj. p. 14.*

b. flos eius in magnitudine aucta.

A

PA-

TAB. VII.

PAPAYA fructu oblongo Melonis effigie

Tournef. instit. p. 659. Plum. Cat. spec. p. 20.

Character. a. flos androgynus, b. flos femininus, c. fructus rudimentum discissum, d. calyx exiguis, e. semen pellicula sua candida adhuc inclusum.

Nota. Hoc plantarum genus a LINNÆO vocatur Carica *Gen. Pl. Ed. I. no. 719. Ed. II. no. 913.*, cuius speciem recenset in *Horto Cliffort. p. 461.* illam, quæ, ut ipsemet inter synonyma indicat, est Papaya fructu Melopeponis effigie *Plum. & Tournef. l.c.*, & reliquorum consensu eadem, quam figuris repræsentarunt CLVSIVS *Cur. post. p. 42. MARGGRAVIVS Hist. rer. nat. Bras. p. 103. PISO de Indiæ utriusque re nat. p. 159. BONTIVS hist. nat. & med. utriusque Indiæ p. 96. BOYM Fl. Sinens. lit. A. PLUKENET Phytogr. tab. cclxxviii. fig. 1. HORT. MALABARICVS T. I. tab. 15. MERIAN Insect. Surin. tab. 40. 62. 64. & RVMPHIVS Herb. Amboin. T. I. tab. 50. 51* Quemadmodum autem horum omnium figuræ earumque descriptiones in eo conveniunt, quod sint hujus speciei 1.) folia frequentius & profundius divisa, eorumque singuli lobi multo angustiores atque præterea per totum ambitum insigniter serræ in modum incisi, 2.) fructus rotundiores seu ovati atque præterea coloris flavi vel ex flavo virentis, 3.) floris figura quidem eadem, sed color flavus nōtante MARGGRAVIO & PISONE, imo prorsus albus, monente BOYM & H. Malab. Auctore: ita ex hisce nostræ speciei differentia satis superque patet, cum qua sola PLUKENETI *fig. 2. tab. cit.* aliquam similitudinem, quoad foliorum saltem figuram, habet. Ceterum flos eius androgynus lit. a., hoc in plantarum genere a nemine hucusque observatus, peculiarem adhuc meretur attentionem.

TAB. VIII.

CORALLODENDRON triphyllum

Americanum non spinosum, foliis magis acuminatis, flore pallide rubente *Houftoun Cat. MSST. Mill. Gard. Dict.*

An Corallodendron Americanum, foliis acutioribus *Houftoun Cat. MSST. Rand. Hort. Chelf. p. 59. no. 8?*

Nota. Hoc plantarum genus a DILLENIO appellatur Coral *Hort. Elth. p. 20.*, a LINNÆO vero Erythrina *Gen. plant. Ed. I. no. 571. Ed. II. no. 688.* cuius plures species, non autem nostram, recenset *Hort. Cliff. p. 354.*

TAB. IX.

MAGNOLIA Lauri folio subtus albicante

Catesb. T. I. p. 39. Dill. H. Elth. p. 207. Mill. Gard. Dict.

Magnolia foliis ovato-lanceolatis *Linn. Hort. Cliff. pag. 222. Gronov. Flor. Virg. Clayt. P. I. p. 61. van Roy, Pr. Fl. Leyd. p. 493. Wachend. H. Ultraj. p. 110.*

TAB. X.

LIRIODENDRUM foliis angulatis truncatis.

Liriodendrum Linn. Hort. Cliff. p. 223. Gen. Plant. Ed. I. Corollar. no. 960. Ed. II. no. 545. Gronov. Flor. Virg. Clayt. P. I. p. 60. van Roy, Pr. Fl. Leyd. p. 494. Wachend. H. Ultraj. p. 110.

Tulipifera arbor Virginiana Herm. Ind. Hort. Lugd. Bat. p. 612.

Tulipifera Virginiana, tripartito Aceris folio, media lacinia, velut abscissa, Pluck. Almag. p. 379. Phytogr. tab. CXVII. fig. 5. CCXLVIII. fig. 7. Catesb. T. I. p. 48.

TAB. XI.

LILIVM foliis sparsis, multiflorum, floribus reflexis, fundo aureo, limbo aurantio, punctis nigricantibus, pedunculis singulis unico folio instructis.

Lilium foliis sparsis, floribus reflexis, pedunculo floris uno folio notato Gronov.

Nota. Convenit hæc species floris magnitudine, figura & colore

cum illa, cuius effigies ad manus quoque iam est & vocatur Lilium-Martagon Canadense maius maculatum, foliis longioribus *Mill.* Sed illius pedunculi binis foliis gaudent, atque hanc præterea florum numerus, scapi altitudo, pedunculi in pyramidem digesti speciosissimam reddunt. Pro ulteriori explicatione EHRETVS ipse sequentia retulit: Hoc Lilium primum floruit mense Augusto a. 1738. in horto instructissimo PETRI COLLINSON, Botanophili egregii, ubi ipsum delineavi. Excreverat in altitudinem 6. pedum cum dimidio, caule pereleganti purpureo coniformi, a basi ima ad verticem usque circumcirca folia emittente. Planta hæc, quantum scio, necdum descripta, nec delineata est. Natale eius solum est Pensylvania, ut mihi indicavit celeberrimus GRONOVIVS, qui & rogatus datam descriptionem concessit.

TAB. XII.

MEADIA foliis oblongis serratis, floribus reflexis purpureis.

Meadia Catesb. App. p. 1. tab. 1.

Character. a. flos integer, b. unum segmentorum separatim, c. tubus cylindraceus, d. locus, cui segmenta corollæ adherent, e. stamina conniventia, f. eadem diducta cum tubo concreta, g. filamentum breve, h. anthera lanceolata, i. ovarium e tubo protractum, k. stylus cum stigmate simplici, l. staminibus longior, m. persistens & augmentum capiens, n. calyx semiquinquefidus persistens, o. capsula ovata unilocularis, p. horizontaliter, q. verticaliter diffecta, r. placenta libera cum seminibus adherentibus, s. femina.


Nota. Elegans hæc planta pariter floruit in laudato horto Collinsoniano a. 1744. mense Septembri, nata ex seminibus ex Virginia acceptis. CATESBY l. c. iam eius effigiem descriptionemque suppeditavit, novam inde genus constituit & a RICHARDO MEAD, Archiatro Regio & Viro de orbe litterato dudum iam optime merito, Meadium salutavit, simulque anonymus characteres eiusdem, sed ex sicco tantum exemplari desumptos, & absque figuris, fusius exposuit. Secundum hos antheræ sunt didymæ, stylus staminum longitudine, capsula bivalvis apice dehiscens; num autem tubus sit staminum coalitus, an ad corollam pertineat, in dubio relinquitur propterea, quod in aliis deprehenfa est corolla a tubo separata & diversa, in aliis cum illo arcte connexa. Secundum nostras figuras antherarum quidem structura satis distingui nequit, stylus autem staminibus longior est, & capsula in ipsa CATESBY descriptione dicitur membranacea quadrifariam in apice dehiscens, cui etiam nostra figura respondet. Quod ad tubum attinet, is omnino ex staminum coalitu producitur & corollæ segmentis fulcrum præbet. Cum hac planta penitus convenit Auricula Vrsi Virginiana, floribus albis, Borraginis instar rostratis, Cyclaminum more reflexis D. Bannisteri *Pluck. Almagest. p. 62. Phytograph. tab. cxxix. fig. 6.* quum vero flores dicuntur albi & folium figuræ additum delineatur integrum: si non pro specie distincta, pro varietate saltem agnoscenda erit. Ceterum cum his conferri quoque meretur Auricula Vrsi Myconi seu Verbascum humile Alpinum villosum Borraginis flore & folio *Tournef. Inst. p. 147. H. L. Bat. p. 619. Boerb. Ind. alt. I. p. 228. n. 10.*, cuius historia atque effigies, sed imperfecta, prostat apud LVGDVNENSES *p. 837. I. B. III. p. 689.* & cuius mentionem, sed pariter imperfectam, etiam fecit CLVSIVS *App. alt. Auct. p. 7.*, ut & HALLERVS *Stirp. Helv. p. 512. n. 6.* nec non HIST. OX. III. *p. 558.*, ubi vero *sect. V. tab. 24.* falsa plane substituitur icon; naturæ propius accedit effigies MVNTINGII *Beschr. der Aardgevv. p. 382. Phytogr. fig. 113.* & bona reperitur in PARKINSONI *Paradis. terrestr. p. 237. fig. 3.*, melior in PIERRE VALLET *Jardin du Roy &c. fol. 14.* cuius viliores imitationes sunt illæ SWERTII *Florileg. P. II. tab. 4.*, de BRY *Antholog. seu Florileg. & MERIAN Florileg. renov. tab. 38.* optima &, si floris fructusque analysin omisfam excipias, perfecta nomine Saniculæ Alpinae foliis Borraginis villosæ inter icones egregias, quas NIC. ROBERTVS & LVD. CHATILLON pararunt (de quibus vid. SEGVIERII *Biblioth. bot. p. 167.*) quarum aliquot specimina ad nostras pervenerunt manus, & citata toto habitu, flore fructuque Meadiæ characteres externa facie adprime repræsentat.

TAB. XIII.



a. Fls hermaphroditus, b. fls femininus, c. fructus rudimentum
dissectum, d. calyx exiguus, e. semen pellicula sua candida ad-
huc inclusum.

PAPAYA
fructu oblongo
Melonis effigie
Tournesf. Infüt. p. 659. Plum.
Cat. Specier. p. 20.





CORALLODENDRON triphyllum Americanum non spinosum,
 foliis magis acuminatis, flore pallide rubente. Houston Cat. MSst.
 Mill. Gard. dict.



COLECCIÓN DE PLANTAS DE LA UNIVERSIDAD DE SEVILLA
N.º 1.000.000




MAGNOLIA *Lauri folio subtus albicante, Catesb. T.I. p. 39. Dill.
H. Eth. p. 207. Mill. Gard. dict.*



HERBARIUM MUSEI HIST. NAT. VIENNAE



LIRIODENDRUM foliis angulatis truncatis.



Л. К. ПЕТРОВИЧ



LILIVM foliis sparsis,
fundo aureo, limbo auran-
pedunculis singulis

multiflorum, floribus reflexis,
tuo, punctis nigricantibus,
unico folio instructis.





MEADLIA foliis oblongis serratis, floribus reflexis purpureis.

a. flos integer, b. unum segmentum, c. tubus, d. locus cui corollae segmenta adherent, e. stamina conniventia, f. eadem diducta, g. filamentum, h. anthera, i. ovarium, k. stylus, l. staminibus longior, m. persistens, n. calyx persistens, o. caputula, p. transverse, q. verticaliter dissecta, r. placenta cum seminibus adherentibus, s. semina.

ВЕРХНЕЙШИЙ
ГОСУДАРСТВЕННЫЙ
УЧЕБНО-НАУЧНЫЙ
ЦЕНТР
ИЗДАТЕЛЬСТВО
УЧЕБНОЙ ЛИТЕРАТУРЫ
МОСКВА

УЧЕБНИК
ПО
МАТЕМАТИКЕ
ДЛЯ
УЧЕНИКОВ
СРЕДНИХ ШКОЛ
И
УЧИТЕЛЕЙ
УЧЕБНИК
ПО
МАТЕМАТИКЕ
ДЛЯ
УЧЕНИКОВ
СРЕДНИХ ШКОЛ
И
УЧИТЕЛЕЙ



УЧЕБНИК
ПО
МАТЕМАТИКЕ
ДЛЯ
УЧЕНИКОВ
СРЕДНИХ ШКОЛ
И
УЧИТЕЛЕЙ

PLANTAE

SELECTAE

QVARVM IMAGINES

AD EXEMPLARIA NATVRALIA

LONDINI IN HORTIS CVRIOSORVM NVTRITA

MANV ARTIFICIOSA DOCTAQVE PINXIT

GEORGIVS DIONYSIVS EHRET

GERMANVS

OCCASIONE HAVD VVLGARI COLLEGIT

NOMINIBVS PROPRIIS NOTISQVE SVBINDE ILLVSTRAVIT

ET PVBLICO VSVI DICAUIT

D. CHRISTOPHORVS IACOBVS TREVV

MEDICVS NORIMBERGENSIS

IN AES INCIDIT

ET VIVIS COLORIBVS REPRAESENTAVIT

IOANNES IACOBVS HAID

PICTOR ET CHALCOGRAPHVS AVGVSTANVS

* * * *

DECVRIA II.

A.R.S. MDCCLI.



1717/18

18th Dec 1717

George's Docks

At the Court of the Admiralty

Present the Honble the Lords of the Admiralty

and the Honble the Judges of the Admiralty

George's Docks

1717/18

At the Court of the Admiralty

Present the Honble the Lords of the Admiralty

and the Honble the Judges of the Admiralty

D. Christoffel's Jacob's Tread


Witnesses

In the Court

At the Court of the Admiralty

Jacob's Tread

Witnesses



DECEMBER II

1717/18



1110-2421-2



LILIO-NARCISSVS *Africanus scillæ foliis, flore niveo lineâ purpurea striato Mill.*



CRISTO

LIBRARY



a. Semen maturum, b. in magnitudine aucta.

CEREVS altissimus gracilior, fructu ex-
tus luteo intus niveo, seminibus nigris ple-
no Sloā. Cat. Jam. p. 197. Itinerar. T. II. p. 158. Raii Hist.
 T. III. dendrol. p. 22. Mill. Gard. dict.



1.17152



PAVIA Boerh. Ind. alt. P. II. p. 260.



Fig. 1.



Fig. 2.



Fig. 1. **BLATTARIA** flore ferrugineo. H. R. Paris. p. 31.
 Fig. 2. **BLATTARIA** flore obsoleto flavescente colore. H. L. Bat. p. 90.



UNIVERSIDAD DE SEVILLA
BIBLIOTECA



MESPILVS Caroliniana, apii folio vulgari similis, maior, fructu luteo Miller.





MUSA caudice viridi, fructu longiore falcato anguloso
 Sloan. Cat. plant. Jamaic. p. 189. Itinerar. J. II. p. 141.



125111



*MUSÆ fructu longiori spadiceis
fructiferi verticillus primus et ex parte se-
cundus tertiusque in naturali magnitudine.*





MVSÆ fructu longiori flores et fructus in naturali magnitudine.

a. flos fecundus (1. petalum exterius ab ovario separatum ut stamina ad receptaculum usque appareant, 2. petalum interius seu nectarium) b. flos sterilis a facie exteriori, c. idem a facie interiori seu spadice verso, d. flos sterilis monstrosus, e. idem explicatus geminatis petalis et nectariis, f. fructus ex verticillis florum steriliū decerptus ad perfectionem non perveniens, g. fructus perfecti et maturi transverse dissecti pars inferior, h. pars superior, i. dimidium fructus per longitudinem dissecti, k. Stylus persistens.

TAB. XIII.

LILIO - NARCISSVS Africanus Scillae foliis, flore niveo linea purpurea striato Milleri *Ehret. tab. V. fig. 2.*

An Lilio-Narcissus Zeylanicus latifolius, flore niveo externe linea purpurea striato *Commel. H. Amst. I. p. 70. tab. 37. Tournef. Inst. p. 386. Boerb. Ind. alt. II. p. 147. Burm. Thes. Zeyl. p. 142. Mill. Gard. Dict. seu Amaryllis spatha multiflora, corollis campanulatis æqualibus, scapo tereti ancipiti; van Royen Prodr. Flor. Leyd. p. 36. van Wachend. H. Ultraj. Ind. p. 321.*

Nota. Lilio - Narcissus nominatur Amaryllis a LINNÆO *Plant. Gen. Ed. I. no. 289. II. no. 321.* In quibus plantæ indicatæ, nempe EHRETI Africana & COMMELINI Ceylanica, quoad imagines valde sibi similes, constanter conveniant an differant, iudicent illi, quibus utramque vivam examinandi occasio suppetit. EHRETI tabula foliis caret nostræ adpictis sed magnitudine immixta, ex qua iudicanda etiam est proportio crassitudinis scapi flores sustinentes, eiusque partis prope foliorum ortum prodeuntis, qui præterea ex angusta & compressa basi mox valde crassescit & teres fit. Ceterum moneamus, unum ex bulbis, quos hoc nomine ipse EHRETVS communicavit cum D. IOAN. GVSTAVO SILBERRAD, J. U. D. Reip. Norimb. Advocato & curioso Botanophilo, anno superiori protulisse scapum florigerum, nosque hac occasione observasse, floris structuram plane recedere a Lilio-Narcissi charactere, dum ex ovario, spathæ fundo immediate adhærente, provenit tubus longissimus (quem manifeste etiam delineat COMMELINI figura citata) stylum solum continens & in amplam corollam demum se explicans, cuius segmentorum basi, non autem ovarii receptaculo, implantantur stamina, quo ordine sane hic flos convenit cum Crino Linnæi, cuius floris structuram delineatam dedimus in Commercio Litterar. Norimb. a. 1744. tab. V. fig. 1, 2. Sed de his alia forsitan occasione plura.

TAB. XIV.

CEREVS altissimus gracilior, fructu extus luteo intus niveo, seminibus nigris pleno *Sloan. Cat. Jamaic. p. 197. Itiner. II. p. 158. Raii Hist. III. dendrol. p. 22. Mill. Gard. Dict.*

a. semen maturum, *b.* in magnitudine aucta.

Nota. Melocacti, Cerei & Opuntiae species solo Cacti nomine comprehendit LINNÆVS *Gen. Edit. I. no. 390. II. no. 466. H. Cliff. p. 181. H. Uss. p. 119.*; sed non omnium applausu. Planta, quam in horto domestico per aliquot annos colimus, quatuor pollices alta pariter ostendit articulum, deinde ad sesquipedem recta ascendit, casu autem in vertice læsa tum ibidem, tum ex angulis infra articulum, plures emisit ramos seu stolones recta itidem ascendentes. Diameter trunci crassissimi sesquipollicem vix superat; angulorum numerantur septem, octo & novem, suntque depressi & a recta via haud parum plerumque deflectunt; lanugo spinæque sunt flavæ, quæ fatis rigida ætate nigrescunt; pellicula glauco illo pulvere, quo plures aliæ species adhuc teneræ teguntur, caret hincque saligna viriditate semper nitet. Nondum nostra planta florem exclusit.

TAB. XV.

PAVIA *Boerb. Ind. alt. P. II. p. 260. Linn. H. Cliff. p. 43.*

Nota. Elegantem huius stirpis iconem & characteris definitionem primus exhibuit BOERHAAVIUS l. c. Effigies picta, sed villor & absque fructu, prostat etiam in Catalogo plantarum, quem Hortulanorum Societas Londini vernacula lingua a. 1730. edidit tab. 19. An Arbor pentaphyllos Virginiana floribus spicatis monopetalis *Raii Hist. II. p. 1800. & Saamouna Pif. Ind. utriusque Hist. p. 175. Pluck. Phytogr. tab. LVI. fig. 4.* sit eadem planta, omni dubio nondum caret.

TAB. XVI.

Fig. I. VERBASCVM caule ramoso, spica laxa, foliis inferioribus petiolatis oblongo-acutis, denticulatis glabris, flore obsoleto fusco.

Blattaria folio lato vix laciniato, flore obsoleto fusco, apice pistilli purpureo *Boerb. Ind. alt. I. p. 226.*

Blattaria flore ferrugineo *H. R. Paris. p. 31.*

Fig. II. VERBASCVM caule ramoso, spica laxa, foliis inferioribus petiolatis oblongo-acutis dentatis glabris, flore obsoleto flavo venis purpureis variegato.

Blattaria folio lato vix laciniato, flore obsoleto flavo, apice pistilli purpureo *Boerb. Ind. alt. I. p. 226.*

Blattaria obsoleto flavescente colore *H. L. Bat. p. 90.*

Nota. Blattaria differt quidem a Verbasco præter habitum peculiarem fructu rotundiori; nihilominus tamen, ob reliquam fructus & floris conformationem penitus eandem, a recentioribus ad Verbasci genus recte refertur. Figuram secundam nomine Blattariæ flore ferrugineo misit EHRETVS; sed floris picti color cum nominato non conveniebat, & huius nominis genuinæ planæ imaginem nobiscum benevolę communicavit HEISTE-RVS ab Ehretiana non nisi florum colore differentem, quare eius spicam florentem illustrationis gratia fig. I. addimus. Utraque ergo planta est varietas tantum unius speciei, quæ foliis etiam propius ad Verbasci quam ad Blattariæ species accedit, adeoque externo iam habitu suo harum limites excedit.

TAB. XVII.

MESPILVS Caroliniana Apii folio, vulgari similis, maior, fructu luteo *Miller.*

Nota. Europææ vulgaris stirpis varietas fructu luteo videtur hæc Caroliniana, quam neque inter Carolinas CATESBY plantas, neque alibi, indicatam reperimus, si excipias ramuli imaginem ad hanc EHRETI ipsam factam, quam eodem nomine propositam sistit opus illud preciosissimum, quod variorum curis papiliones Anglicos collectos stirpiumque iconibus decoratos exponit & a pictore BENI WILKES editum prostat Londini hoc titulo: *the English Moths and Butterflies 4 reg. p. 40. no. VII. tab. 83. seu L. I. cap. II. Class. I. sect. b. tab. 7.*

TAB. XVIII.

MVSA caudice viridi, fructu longiore falcato anguloso *Sloan. Cat. pl. Jamaic. p. 189. Itinerar. II. p. 141.*

Musa fructu cucumerino longiori *Plum. Nov. Gen. p. 24.*

Musa racemo simplicissimo *Linn. H. Cliff. p. 467. van Roy. Pr. Fl. Leyd. p. 10. van Wachend. H. Ultraj. p. 322.*

Musa Serapionis *Lob. Hist. p. 639. Musa Seraphionis seu Ficus Indica Herm. Mus. Zeyl. p. 70. Burm. Thes. Zeyl. p. 164.*

Dudaim *Ludolph Hist. Aethiop. L. I. cap. 9. §. 21. eiusd. commentar. p. 139. §. 72. Scheuchz. Phys. sacr. T. I. p. 108. tnb. 89 --- 91.*

Pifang & Pyfan *Meisters oriental. Gärt. p. 80. Piflang. Rumph. Herb. Amboin. Part. V. L. VIII. cap. 1. seqq. quæ omnino conferri merentur.*

TAB. XIX.

MVSÆ fructu longiori spadiceis seu racemi fructiferi verticillus primus & ex parte secundus tertiusque in naturali magnitudine.

TAB. XX.

MVSÆ fructu longiori flores & fructus in magnitudine naturali.

Explic. a. flos fecundus, 1. petalum exterius ab ovario separatum, ut stamina ad receptaculum usque appareant, 2. petalum interius seu nectarium. *b.* flos sterilis a facie exteriori, *c.* idem a facie interiori seu spadicem versus

fus, d. flos sterilis monstrosus, e. idem explicatus geminatis petalis & nectariis, cuiusmodi flores plures inter verticillos florum sterilium reperiuntur, f. fructus ex verticillis sterilium florum decerptus, quales ad perfectionem non perveniunt, g. fructus perfecti & maturi transverse dissecti pars inferior, h. pars superior, i. dimidium fructus per longitudinem dissecti, k. stylus persistens.

Nota. Planta, ad cuius exemplar naturale hæc effigies factæ sunt, floruit a. 1736. Londini in caldario Domini Baronetti IOSEPHI AYLOFFE, ubi ad summam perfectionem pervenit fructusque LXI. maturos protulit. Eodem anno Hartecampi prope Harlemum floruit eadem species, quam LINNÆVS sub nomine Musæ Cliffortianæ in peculiari libello delineatam & descriptam in publicum edidit, simulque accuratam huius vegetabilis historiam exhibuit, quam postea in Horto Cliffortiano pag. 467. supplevit. Quæ nos ipsi observavimus, cum primis circa floris structuram variam, in *Commerc. Litterar. Norimbergensi* a. 1739. p. 42. 49. 106, & a. 1741. pag. 385. 393. exposuimus & figuris illustravimus. Hucusque annotata ad examen revocavit BREYNIUS *Act. Ac. Cæs. N. C. Vol. VIII. app. p. 180.*

TAB. XXI.

MVSA caudice maculato, fructu recto rotundo brevior odorato *Sloan. Cat. pl. Jam. p. 192. Itinerar. II. p. 147.*

Musa fructu cucumerino breviori *Plum. N. G. p. 24.*

Cenorins Lusitanorum *Acoft. cap. IX. p. 57. Clus. exot. L. IX. cap. XLII. p. 283. Rumph. Herb. Amboin. Part. V. L. VIII. cap. II. p. 130.*

TAB. XXII.

MVSÆ fructu breviori spadix floriger in magnitudine naturali.

Expos. a. a. pedunculus folii, b. spadix, c. c. involucrum spathe una cum floribus coërens vi illorum disruptum & decidens, d. d. d. spathe revolutæ a facie interiori, e. e. spathe flores involventes a facie exteriori, f. f. f. florum verticilli.

TAB. XXIII.

MVSÆ fructu breviori spadice fructiferi verticilli tres priores in magnitudine naturali, cum fructibus nonnullis ex maturitate dehiscenibus.

Nota. Hæc species a. 1739. primum in Anglia floruit in caldario Ducis de RICHMOND, ut & in horto Chelseano eodem anno. Flores steriles seu masculini, qui in altera specie persistunt, in hac deciderunt.

TAB. XXIV.

Fig. I. LYCIVM foliis linearibus, flore fructuque minore.

Lycium foliis linearibus *Linn. H. Cliff. p. 57.*

Hauslegi angustissimo folio, flore purpureo *Vaill. Cat. H. R. Paris. MSt.*

Rhamnus secundus *Weimm. p. 216. tab. 864. b.*

Rhamnus alter foliis salis, flore purpureo *C. B. pin. p. 477.*

Rhamni I. species altera *Clus. Hisp. p. 66. 68. Hist. p. 109. 110. I. B. I. p. 32.*

An Iasminoides Africanum Iasmini aculeati foliis & facie *Nissöle Ac. Reg. Sc. Paris. a. 1711. p. m. 317. tab. 12. fig. I. Dill. nov. pl. gen. p. 159. Mill. Gard. Dict., Mich. nov. pl. gen. p. 224. no. 3.*

Expos. a. flos integer, b. corollæ particula cum adhærente stamine, c. quinque stamina separata, d. ovarium cum stylo, e. calyx, f. fructus maturus integer cum umbilico depresso & baccam quasi duplicem referente, g. bacca a facie superiori cum umbilico integro b in magnitudine aucta, i. eadem transverse dissecta, k. semen magnitudine auctum.

Nota. Hunc fruticem primus descripsit eiusque iconem exhibuit CLVSIVS l. c.; sed fructus nullam mentionem fecit. Quæ LOBELIVS *obs. p. 598. ic. 180. DO-* DONÆVS *p. 754. LVGDVNENSES pag. 141. & IO. BAVHINVS l. c. de hoc frutice protulerunt, ea a CLVSIO mutuati sunt. COLVMNA ex p. 38. eundem Spinæ sanctæ nomine describens fructum*

rotundum parvum pifo parem definit. Effigiem nostram ab EHRETO iam 1732. Ratisbona accepimus, sed absque fructu, quem nos in seminario asservatum adpingi curavimus COLVMNÆ descriptioni omnino respondentem. Icon fruticis eiusque floris, quam NIS- SOLE l. c. accurate delineatam exhibuit, cum nostra satis convenit, si excipias fructus feminisque magnitudinem maiorem, conf. *Dillen. l. c. tab. 12.*; sed ipse non nisi dubius affirmat, suam speciem esse Rhamni prioris alteram Clusii. Ceterum tam exiguum magnitudinis differentiam clima solummodo vel fruticis vigor producere potest.

Fig. II. LYCIVM foliis linearibus, flore fructuque maiore.

Rhamnus Afer spinis longis, cortice albo, fructu cœruleo *Boerb. Ind. p. 246. Ind. alt. II. p. 212.*

Rhamnus primus *Weimm. p. 216. tab. 864. a.*

Expos. a. corollæ dissectæ & explanatæ interiora cum quinque staminibus tubo adhærentibus, b. stamen separatum, c. ovarium cum stylo filiformi eiusque stigmate bifido, d. fructus cum umbilico prominente, e. idem transverse dissectus, f. idem maturus & exsiccatus cum calyce persistente, g. axis seu placenta, cui semina adhærent, h. semen maturum, i. idem in magnitudine aucta

Nota. Hanc effigiem EHRETVS Londini paravit adscripto nomine BOERHAVII iam allegato. Ex colore fructus adpicti primum quidem suspicio nobis orta est, num sit potius Iasminoides aculeatum, humile, Hallimi minoris folio, flore maiori violaceo, fructu crassiori per maturitatem flavescente *Mich. p. 224. tab. 105. fig. 2.*; sed non solum huius corollæ tubus adhuc amplior & magis flexus, verum etiam fructus pentagonus eiusque umbilicus depresso pingitur. Omne præterea dubium movit fructus maturus a laudato EHRETO communicatus, quem omnino ex cœruleo purpurascens & post macerationem in aqua fuscum (fig. f. g. quas nos addidimus) deprehendimus, indeque concludimus, eius picturam esse factam ante plenam maturitatem, coloris differentis causam. Ceterum ipse BOERHAAVIVS dubius fuisse videtur, num hæc ut species, an saltem ut varietas, a priori distinguenda sit. Postquam enim l. c. no. 3. Rhamni primi alteram speciem CLVSII recensuit & addidit, huic eundem vel sane quam simillimum adesse, qui in Africa crescit: no. 8. sigillatim indicat eundem Afrum, eidemque idem CLVSII nomen allegatum, ut synonymum. Iungit monens tamen, huic folia longiora floremque atro-purpureum esse. WEINMANNI figuræ nostris apprimè similes sunt.

TAB. XXV.

EHRETIA foliis alternis oblongis acuminatis, spica florum sparsa, petalis reflexis albis.


Calaba folio Citri splendens Plumerii *Rand. H. Chelf. p. 38. Mill. Gard. Dict., van Royen Prodr. Fl. Leyd. p. 476. van Wachend. Ind. H. Ultraj. p. 103.*

Expos. a. flos adhuc clausus, b. idem expansus a facie laterali c. posteriori d. superiori e. quinque stamina & pistillum, f. calyx, g. fructus h. transverse dissectus, i. semen.

Nota. Elegantis huius stirpis effigiem a 1746. accepimus Calabæ nomine supra indicato, sed character eius adpictus & cum illo Calabæ *Plum. nov. gen. p. 39. & tab. 18.* exposito collatus statim declarabat huius nominis errorem. PLVMIER namque, qui non nisi unicam novit huius generis speciem, citato nomine specifico indicatam, characteris delineatione repræsentat calycem quadrifidum; petala quatuor, duo maiora & duo minora alternatim posita, ex angusta basi subrotunda & ob reflexos margines excavata; stamina plurima; fructum pollicem crassum, sphericum carnosum, officulum unicum cum simplici nucleo includentem. VAILLANT *Acad. R. Sc. Paris. a. 1722. p. m. 207.* idem genus, sed novo Kalophyllodendri nomine, describens eundem characterem confirmat atque præterea addit, ex nervo, folia in duas partes per longitudinis medium dividente, ad latera excurrere nervos simplices pinnis similes, ex qua eleganti compage nominis rationem petiit, quam etiam, atque simul folia ex adverso bina seu opposita, omnino manifestant omnes figuræ, quas ut species huius generis citat, quarum tres recenset: prima ipsi audit Kalo-



MUSA caudice maculato, fructu recto rotundo brevior odorato Sloan. Cat. Jam. p. 292. Itinerar. T. II. p. 147.






12. III.



MS. E. fructu brevioris spadix floriger in magnitudine naturali.

*a. a. pedunculus folii, b. spadix, c. c. involucrium spadix unicum fructus cernens dissectum, d. d. d. spadix revoluta a facie interiori, e. e. spadix
flora involuta a facie exteriori, f. f. f. florum verticilli.*





MVSÆ fructu breviori spadici fructiferi verticilli tres priores in magnitudine naturali, cum fructib⁹ nonnullis ex maturitate dehiscentibus.



BIBLIOTHECA UNIVERSITARIA
SEVILLA



Fig. 1. **LYCIVM** foliis linearibus, flore fructuque minori.

a. flos integer, b. corallae particula cum adherente stamine, c. quinque stamina separata, d. ovarium cum stylo, e. calyx, f. fructus maturus integer, g. a facie superiori, h. in magnitudine aucta, i. transverse dissectus, x. semen in magnitudine aucta.

Fig. 2. **LYCIVM** foliis linearibus, flore fructuque majori.

a. corallae dissectae et explanatae interiora cum quinque staminibus, b. stamen separatum, c. ovarium cum stylo, d. fructus, e. idem transverse dissectus, f. idem maturus et exsiccatus, g. placentae cui semina adherent, h. semen maturum, i. idem in magnitudine aucta.




LIBRARY OF THE UNIVERSITY OF PADOVA
DEPARTMENT OF BOTANY
PADOVA, ITALY



EHRETIA foliis alternis oblongis acuminatis, spica florum sparsa, petalis reflexis albis .

a. flor adhuc clausus, b. explicatus a facie superiori, c. a tergo, d. explanatus, e. stamina cum pistillo, f. calyce, g. fructus, h. transverse dissectus, i. semen .



PLANTAE
SELECTAE

QVARVM IMAGINES

AD EXEMPLARIA NATVRALIA

LONDINI IN HORTIS CVRIOSORVM NVTRITA

MANV ARTIFICIOSA DOCTAQVE PINXIT

GEORGIVS DIONYSIVS EHRET
GERMANVS

OCCASIONE HAVD VVLGARI COLLEGIT

NOMINIBVS PROPRIIS NOTISQVE SVBINDE ILLVSTRAVIT

ET PVBLICO VSVI DICAUIT

D. CHRISTOPHORVS IACOBVS TREVV
MEDICVS NORIMBERGENSIS

IN AES INCIDIT

ET VIVIS COLORIBVS REPRAESENTAVIT

IOANNES IACOBVS HAID

PICTOR ET CHALCOGRAPHVS AVGVSTANVS

* * * *

DECVRIA III.

A.R.S. MDCCLII.



PLATE

SECT

OF THE

LIBRARY

OF THE

UNIVERSITY

OF OXFORD

1851

OF THE

LIBRARY

OF THE

UNIVERSITY

OF OXFORD

1851

OF THE

LIBRARY

OF THE

UNIVERSITY

OF OXFORD



B. H. MUSEI NAT.



PALMIFOLIA fructu clavato polypyreno.

a. clava seu spica femine per axis longitudinem dissecta, b. flos femineus separatus cum semine utrinque adherente, c. clava seu spica maris pari modo dirisa, d. flos masculinus cum squamis utrinque pluribus adherentibus in magnitudine naturali, e. aucta, f. squama separata.

Kalophyllodendron Americanum folio oblongo, cui, tanquam synonymum, iungit non solum Calabam folio Citri splendente *Plum. l. c.* (quam plantam sine dubio ex plantis Plumerianis sicis recognovit) sed etiam Anonam Americanam foliis oblongis ex adverso binis, plurimis conspicuis venis in parallelos secundum latitudinem venuste discurrentibus *Pluk. Phytogr. tab. CXXXV. fig. 3.* Secundam speciem nominat Kalophyllodendron Indicum folio subrotundo, cuius synonymum facit Punnam *H. Malab. T. IV. fig. 38.* & tertiam appellat Kalophyllodendron Indicum folio & fructu minori, quod ipsi idem est cum Tsjerou-Punna *H. Malab. T. IV. fig. 39.* Hunc foliorum textum peculiarem, tanquam characterem huius generis aequae, ac fructificationis partium reliquos, communem etiam consideravit BVRMANNVS *Tbes. Zeyl. p. 130.* dum a similitudine cum fibris cuiusdam muscoli per longitudinem dissecti idem genus Inophyllum salutavit: cuius duas recenset species: prima est Inophyllum flore quadrifido, quam eleganter delineat, & non solum cum tertia Vaillantii specie & Tsjeru-Punna *H. Malab.*, verum etiam cum Calaba Plumerii eandem declarat, licet eius figurae tum folia ab illis figurae PLVKENETII a VAILLANT citatae, tum floris magnitudo & ab hac H. Malabarici & ab illa PLVMERII longe recedant, ut taceam calycem, quem hic exacte delineat BVRMANNVS vero in descriptione expressis verbis negat. Altera species est Inophyllum flore octifido, quam Vaillantii secundam speciem, Punnam *H. Malab.* (ubi etiam octo petala & depinguntur & in descriptione numerantur) itemque Arborem indicam Mali medicae amplioribus foliis Maderaspatanam *Pluk. Phyt. tab. CXLVII. f. 3.* & Bintangormaritimam *Rumph. Herb. Amb. P. II. L. III. c. XXVI.* (ubi elegans eius icon tab. 71. reperitur, sed, ut docet descriptio, & florum & foliorum magnitudine imminuta, sola fructus sigillatim adiecti magnitudine naturali servata) esse asserit. LINNAEVS *Pl. Gen. Edit. I. no. 436. II. no. 511.* huius generis nomen, a VAILLANTIO excogitatum, in Calophyllum mutavit & eius characterem exponens definit; *calycem quadripartitum deciduum, petala quatuor, stamina plurima; stylum simplicem cum stigmate capitato & fructum unilocularem*, cuius unicam speciem, nomine Calophylli foliis ovatis obtusis, striis parallelis transversalibus *H. Cliff. 206.* recenset, & cum specie tertia Vaillantii, prima Burmanni & ab his citata figura *H. Malab.* coniungit, in Flora eius Zeylanica vero no. 202. Calabam Plumerii etiam ut synonymum addit, ibidemque no. 201. speciem secundam Vaillantii & Burmanni seu Punnam *H. Malab.* nomine Calophylli foliis ovalibus recensens, huius quoque florem tetrapetalum, calycem vero magnitudine petalorum esse monet: conf. RVM-
PHIVS l. c., qui p. 211. seq. flores non solum illis malorum *Europearum* maiores, verum etiam ita describit, quod *compositi sint ex 9. vel 10. albis, subrotundis, semicavalis & integris petalis, formam minoris rosae retinentibus, quorum bina externa maxima sint, his vero opposita bina alia cruciata inque horum medio quinque vel sex alia minora extrorsum flexa* (ex quibus octo procul dubio sunt ordinaria, reliqua vero extraordinaria, qualis plures stirpes luxuriosae excludunt) quorum cavitas iterum erigatur &c. quae de staminibus, pistillo & fructu addit a communi Calabae descriptione non recedunt. Calophylli generis definitionem retinet porro VAN ROYEN *Flor. Leyd. Prodr. p. 476.* VAN WACHENDORFF *H. Ultraj. Ind. XIII. 103.* & LVDWIGIVS *Defin. G. Pl. emend. no. 455.* qui vero Calabae nomen revocavit.

Ut ut autem recentiores hi auctores systematici in definiendo huius generis characterem & distinguendis eius speciebus non omnes penitus consentiant: nihilominus tamen ex iisdem satis intelligitur, nostram effigiem & toto suo habitu & characterem generico ab omnibus indicatis & hucusque notis penitus differre, quo excitati ex EHRETO quaesivimus, annon in nomine adscripto error commissus fuerit? Sed respondit, hoc ipso nomine eam, non aliam, stirpem in horto Chelseano coli: unde certiores etiam facti sumus, nec illam, quam RANDIVS *Hort. Chelf. Ind.* & MILLERVS in *Gardeners Dictionary* eodem nomine recensent, aliam esse, licet hic characteris de fini-

tionem ex PLVMERIO addiderit, procul dubio antequam illum ipse observare potuerit: quare & reliqua, quae idem de eius propagatione per nuces ex America partibus calidioribus venientes, de cultura in caldariis uti arboris Coffeae perpetuae, & de gummi mastichis simili (unde Anglorum vernacula *Mastick-tree* appellatur) ex hac stirpe colligendo monet, de genuina Plumerii Calaba intelligenda esse, constat. Esse autem nostram stirpem omnino aliam, observarunt iam VAN ROYEN & VAN WACHENDORFF, utpote qui, licet Calophylli speciem *H. Cliff.* locis citatis indicaverint, nihilominus Calabam Citri folio splendente Plumerii sigillatim recensent, & quidem hic p. 387. inter plantas nondum definitas, ille p. 534. inter stirpes vagas, claro testimonio, eandem hanc stirpem eodem nomine falso ipsis quoque oblatam esse. Quum ergo huius stirpis character nec cum illo Calabae PLVMERII & LVDWIGII, seu Kalophyllodendri VAILLANTII, aut Calophylli LINNAEI & Inophylli BVRMANNI, neque cum alio, quantum ego quidem reperire potui, conveniat: illa novum genus novo nomine distinguendum constituit. Et quum laudatus EHRETVS eius non solum effigiem, verum etiam characterem primus in publicum produxerit, atque praeterea singulari sua industria atque virtute botanicorum scholae se diu iam commendaverit: ab eius nomine generis huius appellationem derivare minus dubitavimus. Sit ergo eius nomen EHRETIA, hoc characterem ab aliis stirpibus distinguenda:

CALIX: Perianthium regulare, monophyllum, semisextidum, segmentis acutis *a. f.* persistens *g. b.*

COROLLA regularis, hexapetala; petala oblongo-lanceolata *d. reflexa b. c.*

STAMINA: filamenta sex, petalorum longitudine, antherae oblongae *b. c. d. e.*

PISTILLUM: Ovarium globosum *d. e.* stylus simplex *b. c. d. e.* persistens *g.*, stigma bifidum, *d. e.*

RECEPTACULUM: ad basin ovarii, *d. e.*

PERICARPIMUM: bacca globosa *g.* carnosa, tetrapyrena *b.*

SEMINA: quatuor exigua, oblonga *i.*

Ut autem plenior huius stirpis historia exstet & characteris nonnulla ab omni dubio liberentur, sequentia idem EHRETVS, a nobis interrogatus, suppeditavit. Flos est vere hexapetalus. Styli extremum seu stigma, microscopio praecipue consideratum, est duplex. Fructus deprehenditur carnosus, talis etiam permanet & non dehiscit: ille, quem delineavi, ad plenam maturitatem non pervenit. De numero seminum semper quaternio e multiplici examine certus sum. Lineam, quam per medium ductam indicat imago *b.* talem etiam sistunt naturae exemplaria. Stirps ipsa in fruticem excrevit 4. ad 7. pedes altum, cuius habitum imminutum figura adiecta declarat; viret semper, & folia iunioris rami talem obtinent magnitudinem, structuram & colorem, qualem a facie eorum superiori & inferiori adpinxi. Per aestatem libero aeri exponitur & mense Maio floret; quandoque vero iam Martio mense in caldario, in quod brumali tempore transfertur, ibidemque fovetur eo caloris gradu, quo Aloës species conservantur. Educatus est hic frutex ex fructu, quem beatus nunc MILLAR, Chirurgus, Carthagine nova misit nomine Calabae indicato, quo hucusque hic locorum gaudet. Ceterum frutex hic nullum fundit gummi, neque etiam cortex eius foliaque masticata ullum produnt peculiarem saporem vel odorem, quo pariter flores, quantum memini, carent.

TAB. XXVI.

PALMIFOLIA femina.

Palmae folio planta acavlos, fructu clavato polypyreno *Houft.*

Expos. a. clava seu spica feminae per axis longitudinem dissecta, ubi diviso & insertio fructificationis partium feminearum conspicitur; *b.* eiusmodi pars separata, cuius petiolus tegitur capitulo oblongo-quadrato & (ut videtur) fungoso, utrinque grano seminifero feto, introrsum seu interiori eius superficiei adnato; *c.* clava seu spica maris pariter per axis longitudinem dissecta, ubi diviso & insertio fructificationis partium masculinarum apparet; *d.* una ex his partibus separata in magnitudine naturali *e.* aucta, ubi capitulo fungoso, pyramidaliter inverso utrinque adherent plures squamulae, procul dubio masculino polline refertae; *f.* eiusmodi squamula separata.

Nota. Rarissimam hanc & novi generis plantam alibi iam descriptam vel depictam esse, nondum reperire licuit. Mas & femina, separatam constituit plantam, quae utraque educata & ad fructificationis partium perfectionem perducta est Londini in Domini

Baronis PETRI (Lord PETERS) horto; sed quum hic peregrinis plantis refertissimus & ad easdem alendas instructissimus, post obitum Perillustis huius Viri prematurum, triste ulterius cultura fatum expertus sit, hæc quoque planta periit, nec amplius nunc Londini reperitur, quare ex D. EHRETO momenta characteris plura, quam quæ figurarum harum ope nobiscum communicavit, expiscari haud potuimus.

TAB. XXVII.

PANCRATIVM foliis ensiformibus, spatha multiflora, floribus magnis candidis fragrantibus.

Pancratium Americanum floribus albis, odore balsami Gileadenfis *Rand. H. Chelf. p. 150.*

Nota. Huius plantæ effigies valde similis est illi, quæ vocatur *Narcissus* totus albus, latifolius, polyanthos maior, odoratus, staminibus sex e tubi ampli margine extantibus *Sloan. Cat. pl. Jamaic. p. 115. Itinerar. l. p. 244.* seu *Narcissus Americanus*, flore albo multiplici, odore balsami Peruviani *Tournef. Inst. p. 358.* & *Pancratium Americanum* floribus niveis odore balsami Peruviani *Mill. Gard. Dict. cuius imago prostat apud Martyn. Plant. rar. hist. p. 27.* sed foliorum florumque figura & magnitudine multum differt.

TAB. XXVIII.

PANCRATIVM foliis amplis ovatis acutis petiolatis, spatha multiflora floribus minoribus candidis fragrantibus.

Pancratium Americanum, folio latissimo, floribus albis odoratis *Rand. Hort. Chelf. p. 150.*

An *Narcissus Amboinensis* folio latissimo rotundo, floribus niveis inodori *H. Amstel. I. p. 77.?*

Nota. Horti Amstelodamensis icon foliis multum convenit cum nostra, floris autem figura & odoris absentia minus: forsan in naturæ exemplaribus differentia tanta non occurrit. Recensetur a MILLERO l. c. *Pancratium Americanum* foliis latissimis, floribus niveis maioribus, odore balsami Peruviani, quod idem cum nostro erit, si nulla differentia in floris magnitudine reperitur.

TAB. XXIX.

PODOPHYLLVM lobis foliorum truncatis & laciniatis, flore expanso polypetalo.

Anapodophyllum Canadense *Catesb. T. I. p. 24.*

An *Podophyllum* *Lin. H. Cliff. p. 202. Gronov. Flor. Virg. Clayt. I. p. 57.*

Anapodophyllum Canadense Morini *Tournef. Inst. p. 239. Bærb. Ind. alt. II. p. 72. Rand. H. Chelf. p. 16. Mill. dict.*

Dentaria monophylos, *Anapodophyllum Parisiensibus* *Morif. H. R. Blef. auct. p. 258.*

Aconitum humile bifolium, sive *Aconitifolia* flore albo unico *Leucoii* campanulato, fructu *Cynosbati* *Menz. pugill. pl. rar.*

Aconitifolia humilis flore albo unico campanulato, fructu *Cynosbati* *Ejusd. tab. 11.*

Herbæ Paris affinis bifolia, *Pomum maiale* *Londinensibus* *Raii Hist. I. p. 671.*

Papaveri affinis montana Aconitifolia, *Ranunculi nemorensis* radice *H. L. Bat. p. 478.*

Ranunculi facie planta peregrina *H. R. Paris. p. 153.*

Nymphææ congener Alpina, *Anapodophyllum Canadense* *Morini Pluk. Almag. p. 267.*

Solanum pomiferum monophyllum umbilicifolium in sex plus minus profundas lacinias divisum *Banisteri Cat. MSt. Pluk. l. c.*

Solano congener monophyllum aut diphyllum, *Aconiti folio*, flore albo *Hist. Ox. III. p. 533.*

Expos. a. flos integer a facie posteriori, *b.* fructus integer maturitati proximus *c.* transverse *d.* secundum longitudinem dissectus cum placenta, cui adherent seminum rudimenta, *e.* semen maturum a facie laterali *f. g.* a facie utraque lata,

Nota. P. MORIN in libello, cui titulus: *Remarques nécessaires pour la culture de Fleurs &c. à Paris 1667.* 12. huius plantæ non nisi nudo *Anapodophylli* nomine mentionem facit p. 33. & 52. Num eius patriam alio in opere idem indicaverit vel descriptionem eiusdem dederit, nos latet. Primam eius, sed adhuc mancā, descriptionem invenimus in MORISONI *H. R. Blef. l. c.*, accuratiorē vero postea, unacū integræ plantæ primi, secundi & tertii anni (ubi demum florere incipit) omniumque fructificationis partium effigie exhibuit MENZELIVS l. c. secundum quem flos pendulus seu nutans est, campanulatus & hexapetalus (quem numerum nec reliquorum auctorum descriptio superat) duodecim staminibus præditus, fructus vero per maturitatem flavescit parumque rubescit. Ab hoc historiam eiusdem plantæ mutuati sunt RAIVS & BOBARTVS, Partis III. Hist. Ox. auctor, quibus adhuc accedit brevis BANISTERI descriptio a PLVKENET l. c. evulgata. Figuræ floris fructusque, quas TOVRNEFORT *Inst. tab. 122.* deinde produxit, cum Menzelianis proxime conveniunt, ceterum autem maiori industria elaboratæ sunt. Demum iterum comparuit huius plantæ effigies in opere Catesbiano cum brevissima & mutila eius descriptione, cui figuræ, bina tantum folia cum flore a facie anteriori ex sinu eorum prodeunte repræsentanti, prorsus similis est nostra; differt autem a Menzeliana & Tournefortiana foliorum lobis non bifidis, fructu maiori, flore pariter maiori expanso & polypetalo, itemque staminum numero, quorum 20. sæpe numeravit LINNAEVS *Gen. Pl. Ed. I. no. 426. II. no. 498.* Ceterum aliam speciem recenset TOVRNEFORT l. c. p. 665. nomine *Anapodophylli Canadensis Ricini folio Saraceni*; sed hæc cum altera eadem est, teste VAILLANT a BOERHAVIO l. c. allegato. Quum ergo flos, fructus & folia Catesbianæ & nostræ figuræ nonnihil differant ab illa Menzeliana & Tournefortiana, dubii sumus, numne constans varietas huius plantæ reperiunda, & secundum illam synonyma supra indicata distinguenda sint. Id unicum adhuc monendum est, florem ante expansionem involutum esse calyce spathiformi caduco, monente LINNAEO l. c., quem etiam, imperfecte tamen, iam adumbravit MENZELIVS tab. cit. in flore nondum aperto: huius involucri delapsi vestigium repræsentare videtur nostra fig. a. pone petalorum insertionem.

TAB. XXX.

CEREVS teres multangularis spinosissimus articulus ramosus serpens, flore purpurascēte diu noctuque aperto, fructu exiguo rubente.

Cereus minimus scandens polygonus, spinosissimus flore purpureo *Milleri Ebret. tab. II. fig. 3.*

Cereus minimus, articulatus, polygonus, spinosus *Bærb. Ind. Alt. I. p. 294. no. 12. H. Carlsruh. a. 1747. edit. p. 15. no. 173.*

Expos. a. flos integer, *b.* idem per longitudinem dissectus, *c. c.* ovarium, *d. d.* perianthii seu calycis segmenta ima pilosa, *e.* stylus staminibus multo brevior, *f.* eius capitulum in magnitudine aucta antherarum pulvere oblitum, *f.* idem ab hoc pulvere purgatum in naturali & aucta magnitudine, *g. b.* idem alius conformationis in naturali & aucta magnitudine, *i. i.* aliquot stamina eorumque nexus cum corolla, *k.* staminis apex seu anthera in magnitudine aucta, *l.* caulis crassitudo, *m.* novus caulis propullulans, *n.* fructus immaturus, *o.* maturus in magnitudine naturali, *p.* transverse sectus cum seminum ordine, *q.* semen separatum, *r.* in magnitudine aucta.

Nota. Quamprimum hanc Cerei speciem pinxit EHRETVS, illam etiam ipse æri incidit & vivis coloribus illustratam publicavit, a tribus vero annis eandem tabulam, additis aliis more postea cepto plantis, operi suo continuando no. II. inseruit hac subiuncta historia ex Anglico idiomate traducta: *curiosis digna hæc planta ex horto regio Parisiensi cum horto medico Chelseano a. 1740. communicata elegantissimum suum florem produxit mense Aprili a. 1745. Perianthium compositum est ex segmentis variis ac irregularibus, flos autem constat ex duodecim petalis regularibus externe & interne egregii coloris purpurei. Ex centro floris surgit stylus pariter purpureus, copiosissimis staminibus circumdatus, quorum fila iterum purpurea, apices vero lutei sunt. Hic flos interdum se explicat & per tres quatuorve dies apertus manet, quo a reliquis huius generis speciebus se distinguit, quarum omnium flores non nisi noctu se aperiant & nunquam ultra octo vel decem horas vigorem suum conservant. Hactenus illè. Ceterum quum idem singulis tribus operis sui tabulis addat aliam, qua floris fructusque partes characteristicas repræsentat, harum loco tab. IV. tres tantum huius stirpis alabastris seu floris nondum explicati globos ætatis magnitudine & figura differentes sistit. Effigies, quam nos producimus, facta est ad exemplar authenticum, ut loquuntur, seu primum picturæ, quam laudatus Auctor super membrana nitidissime repræsentavit & paullo post nobiscum communicavit, cui deinde, occasione favente, manu PAYERLINI addendas cura-*



PANCRATIVM foliis
ensiformibus, spatha multiflora,
floribus magnis candidis fragrantibus.



PAULSEN, W. 1894



PANCRATIUM foliis amplis ovatis acuminatis petiola-
tis, spatha multiflora, floribus minoribus candidis fragrantibus.



PLANTAE



PODOPHYLLUM *lobis foliorum*
truncatis et laciniatis, flore expanso polypetalo.

a. flor integer a facie posteriori, b. fructus integer, c. idem transverse d. secundum longitudinem dissectus cum placenta, cui adherent seminum rudimenta, e. semen maturum a facie laterali, f. exteriori, g. interiori.



ИЗДАНИЕ 1894



CEREVS minimus scandens polygonus spinosissimus, flore purpureo Milleri Ehret Tab. II. fig. 3.

a. flos integer, b. idem per longitudinem dissectus, c. c. ovarium, d. d. calycis segmenta prima pilosa, e. stylus, f. ejus capitulum in magnitudine aucta, g. idem aliis conformationis, h. in magnitudine aucta, i. i. stamina, k. staminis apex in magnitudine aucta, l. caulis crassitudo, m. novus caulis propullulans, n. fructus immaturus, o. idem maturus, p. transverse dissectus, q. semen, r. idem in magnitudine aucta.



CAREX



CEKRA





CEREVS gracilis scandens ramosus
genti atq; fragranti, calyce aureo corol-

plerumq; sexangularis, flore in-
la argentea, fructu e carneo lutescente.

suavimus reliquas figuras superius explicatas, Ehretianam, characteris præcipue intuitu, illustrantes. Coluit namque D. D. SILBERRAD, in expositione Tab. XIII. iam laudatus, Cerei speciem, ex horto Carolsruhano acceptam, tam optato successu, ut iteratis iam vicibus non solum flores excluderet, sed etiam fructus maturos produxerit. Hanc stirpem eiusque florem non solum cum pictura EHRETI, verum etiam cum viva planta (cuius sobolem ipse unacum effigie transmisit, quamque hucusque vegetam conservavimus) conferentes deprehendimus, utramque in essentialibus penitus inter se convenire, in accidentalibus vero paullulum differre. Stirps namque Londino accepit sibi relicta ex uno quasi caudice plurimos interea produxit caules cylindraceos infirmos, quorum longissimi pedem nondum superarunt, ita præterea quasi articulatos, ut ad palmæ circiter distantiam, singulis annis productam, digiti minimi crassitudinem acquirerent, deinde vero ad breve spatium calamum stramineum vix superarent, atque præterea ex ipsis his intervallis haud raro ramos laterales emitterent. Color illorum splendens, seu nullo polline obfuscatus, & nunc intensius viridis nunc magis flavus est. Superficies inæqualis redditur a plurimis (9-12) angulis recta excurrentibus, sed levissime tantum elevatis, qui singuli, alterno tamen ordine, ad minima intervalla exasperati sunt exiguis spinarum ex flavo rubentium & flexibilibus fasciculis seu stellulis ita, ut tota stirps iisdem obsita quasi appareat. Ceterum nullum huc usque excludit florem. Huic stirpi in omnibus annotatis respondet illa Carolsruhana, si excipias spinas magis flaventes, caulis crassitudinem l. & longitudinem: hæc namque quinque pedibus iam maior est, illa pollicem facile æquat. Notandum autem, cultorem ramos eius omnes radicales & laterales, ad floris exclusionem juvandum, sollicitè semper removisse, hocque modo etiam voti sui compotem factum fuisse adeo, ut una stirps 10. & plures flores pedetentim verno tempore, imo æstate vergente novos adhuc, produceret, fructusque altero anno perficeret. His exploratis & cum Ehretiana effigie collatis, observavimus sequentia: 1) flores hi omnes illis Ehretianæ effigiei paullo minores erant; 2) color eorundem, tum in caldario tum sub dio provenientium, deprehendebatur magis dilutus, ceterum ex cærulescente tam amœne purpurascens nitensque, ut omni arti impossibile fuerit, eundem perfecte repræsentare; 3) color, situs & figura segmentorum corollæ & perianthii ægre a se invicem distingui poterant, ut taceamus huius infima segmenta pilosa in figura Ehretiana non observanda; 4) staminum filamenta i. i. non purpurea sed pallida apparebant; 5) stylus e. staminibus brevior erat; 6) eius extremum longe aliter deprehendebatur conformatum, quam in reliquis huius generis speciebus; quarum flores hucusque depicti reperiuntur: in illis namque multifidum & radiorum instar expansum est (conf. tab. nostra XIV. XXXI. & XXXII.) in hac format capitulum simplex oblongum & obscure trigonum, f. f*, cuius vestigium in Ehretiana quoque figura apparet, ut taceamus, idem capitulum in nonnullis floribus solummodo oblongum g. b. repertum fuisse; 7) ovarium c. magis pallescebat; 8) flores quoque diu noctuque per aliquot dies explicati persistebant, tandemque cadentes, ad unum omnes, relinquebant ovarium vegetum viridiorem colorem n. induens, quod altero demum vere, mole interea parum auctum, nova coloris viridis in flavo-rubellum o. mutatione maturitatem indicabat & dissectum p. semina perfecta q. r. exhibebat fusca. Leves hæc differentie, dummodo vel ipsæ sub circumstantiis variis constantes sint, monent, ambas has stirpes non ut species, sed ut varietates maxime affines, esse considerandas: licet namque Bœrhaviana species in RANDII Horti Chelseani indice atque MILLERI dictionario iam recensita reperiatur, antequam altera Parisiensis ut nova ibidem recipiebatur & specifico nomine distinguebatur; nostra tamen opinio confirmatur ex eo, quod in nova Horti Carolsruhani catalogi editione supra indicata citato nomini Bœrhaviano ut synonymum iungitur *Cereus scandens minimus polygonus spinosus* ex H. R. Parisiensis. Omne autem dubium tandem sustulit observatio superiori anno 1751. contingens. Coluit namque interea temporis laudatus D. D. SILBERRAD sobolem stirpis Londino acceptæ eodem modo, quo antea illam ex Horto Carolsruhano missam tractavit, qua ratione non solum illa huic & longitudine & crassitudine immo toto habitu caulium valde similis reddebatur, verum etiam flores protrudebat omnibus notis supra fufus descriptis respondentibus adeo, ut utramque stirpem simul floribus ornatam sollicitè examinentes ne minimam quidem differentiam in omnibus eius partibus deprehendere potuerimus, ex quo liquido constat, differentias seu varietates inter utramque stirpem, si quæ contingant, nonnisi ab ætate, vel cultura, vel etiam tempestate varia produci.

TAB. XXXI.

CEREVS gracilis scandens ramosus plerumque sexangularis, flore ingenti atque fraganti, calice aureo, corolla argentea, fructu ex carneo flavescente.

Cereus scandens minor polygonus articulatus. Herm. Parad. Bat. p. 120. Bœrb. Ind. p. 181. no. 8. Ind. alt. I. p. 293. no. 11. Tilli H. Pis. p. 37. Rand. H. Chelf. p. 84. no. 10. Mill. Dict.

Cereus Americanus maior articulatus, flore maximo noctu se aperiente & suavissimum odorem spirante Volck. Hesp. I. edit. Germ. & Lat. p. 233. tab. 234.

Cactus scandens, angulis quinque Linn. H. Usp. p. 121. no. 11. pluribusve obtusis H. Cliff. p. 182. no. 10.

TAB. XXXII.

CEREI gracilis scandentis &c. flos & maturus fructus.

Expos. Fig. 1. flos penitus expansus a facie anteriori 2. idem iam marcescens per longitudinis medium dissectus, a. ovarium seu fructus rudimentum, b. b. receptaculum seu locus, ubi ovarium cum flore iungitur, c. c. ovarii tubercula pilosa & foliosa, d. eius cavum, e. e. e. e. tubi calycis foliola, f. f. eius segmenta abscissa, g. g. corollæ petala, h. h. i. i. stamina, quorum maxima pars h. h. ex tubi lateribus oritur, reliqua i. i. eius faucibus adnata est, k. k. stylus ex ovarii vertice proveniens & inclinato situ ad corollæ oras ferme pertingens, l. eius extremum in plures fimbrias seu stigmata divisum, fig. 3. eiusdem extremi fimbriæ expansæ cum styli cavitatis orificio, 4. fructus maturus integer cum floris tubi aridi reliquiis, 5. idem fructus per longitudinis medium dissectus, ubi semina matura plurima in gelatina albicante & viscosissima nidulantia apparent, 6. 7. femina matura, 8. 9. quoddam eorum iam germinans, 10. 11. eiusmodi germinis plantula cum duobus cotyledonibus seu foliis feminalibus, singula in magnitudine naturali & aucta.

Nota. Vilissimæ huius stirpis flos ex eo tempore, quo primum in Europa se conspiciendum præbuit, non solum ob singularem suum splendorem & fragrantissimum odorem, verum etiam ob plures alias rationes omnibus semper admirationi fuit. Nec defuerunt, qui eundem & descripserunt & depinxerunt. Unica adhuc huius stirpis pars ad perfectionem perducta pro absolvenda eius historia desiderabatur, fructus nimirum maturus. Felici tandem fidere contigit, ut Gedani in horto D. D. IO. PHIL. BREYNII talis enasceretur. Is namque per 25. annos coluit eiusmodi stirpem quotannis ferme flores excludentem, sed omnes post octiduum unacum fructus rudimento cadentes; anno vero 1748. d. 27. Julii horum quidam prodiit, qui marcescens singulari facto reliquit fructum integro post anno plenam demum maturitatem consequutum. Quamprimum laudatus Vir pro amicitia ultra duo iam lustra humanissime conservata de eodem nos certiores reddidit, accuratam eius descriptionem & imaginem ut nobiscum benevole communicet, petivimus, quarum etiam paulo post nos participes fecit, quare imagines vivis coloribus repræsentatas ipso annuente huius tabulæ XXXII. fig. 4--11. in publicum producimus. Imago, quam tab. XXXI. sistit, a D. EHRETO Londini anno 1746. facta est atque repræsentat tres huius stirpis caules unacum radicibus vel claviculis in libero aëre prorumpentibus: unus horum caulium florem perfecte explicatum, secundus expansioni proximum, tertius alium adhuc imperfectiorem sustinet. Accepimus autem ab eodem iam a. 1734. mense Septembri, dum Parisiis adhuc degebat, aliam huius stirpis florentis imaginem, super charta huius norma ampliore repræsentatam, cum fructu simul adpicto, cuius imaginem Londinensi imagini adpingendam curavimus. Reliquit autem nos incertos, num hæc imago secundum fructum maturum facta fuerit (quia neque litteris hoc testatum fecit, neque interioris structuræ imaginem addidit) usque dum ex collatione cum Breynianis imaginibus hæc cognoscere liceret. Quoniam ergo hæc Breynianæ imagines non solum externam faciem, verum etiam internam compagem seminumque maturorum & ex parte iam vegetantium figuram simul exhibent: huic laudato viro plenam nunc omnium Cerei generis characterum cognitionem debemus. Ut autem floris huius venustissimi interior etiam structura magis cognosci queat, tabulæ XXXII. iunximus figuras 1. 2. 3. quas ad naturæ exemplaria depingendas curavimus: coluimus namque pariter in horto domestico eiusmodi stirpem & plures eius soboles per 20. iam annos, unde nobis harum parandarum occasio enata est. Qui plura de hac stirpe scire avet, adeat Academiæ Cæsareæ N. C. Actorum Vol. IX. Append. p. 175. seqq. ubi non solum sæpius laudatus BREYNIUS fructus maturi, verum etiam nos totius stirpis eiusque floris historiam & descriptionem

variis observationibus & necessariis figuris illustratam, itemque huius generis characteres, fusius exposuimus.

TAB. XXXIII.

MAGNOLIA foliis oblongis subtus ferrugineis, flore amplissimo candido, baccis rubellis.

Magnolia maximo flore, foliis subtus ferrugineis *Rand Hort. Chelf. p. 123.*

Magnolia altissima Lauro - Cerasi folio flore ingenti candido *Catesb. Tom. II. p. 61.*

TAB. XXXIV.

HVRA *Lim. H. Cliff. p. 486. tab. 34. van Roy Prodr. Fl. Leyd. p. 232. Van Wachend. Ind. H. Ultrai. p. 383.*

Hura, the Sand - box tree, *Hughes natural history of Barbados p. 114.*

Hura, the Sand - box tree, Iamaica Walnuts, Warnelia, Havelia *Mill. Gard. Dict. app. secund. edit. Germ. edit. p. 410.*

Hura Americana Abutili Indici folio *Commel. H. Amst. II. p. 131. tab. 66. Rand. H. Cliff. p. 98.*

Baruce ex *Hura* celsa arbore *Chuf. exot. p. 47.*

Baruce fructus ex pluribus nucibus arboris *Huræ I. Baub. Hist. T. I. p. 333. Sloan. Cat. Pl. Iamaic. p. 214. Itinerar. Vol. II. p. 186. n. VIII.*

Qvavhtlatlatzin seu arbor crepitans *Hernand. Hist. Mex. p. 88.*

TAB. XXXV.

Fig. I. **HVRAE** Tab. XXXIV. floris fructusque partes.

Expos. a. floris masculi seu staminei iulus coniformis & squamosus cum suo petiolo in naturali magnitudine & forma, qua primum prope florem femineum in conspectum venit; *b.* idem iulus adultior cum squamis magis iam distinctis atque cum vestigiis coccineorum corpusculorum prorumpentium; *c.* idem iulus integer, ex cuius parte superiori sub squamis magis evolutis iam prodierunt hæc corpuscula; *d.* idem iulus per longitudinis medium dissectus, ubi squamarum & corpusculorum nexus cum petiolo, seu potius receptaculo, apparet; *e.* squama cum adhærente corpusculo separata in magnitudine naturali; *f.* eadem lentis ope aucta, ut clarius appareat fabrica corpusculi ex singulis squamis orientis cylindracei seu potius ovalis, duobus apicem seu antherarum ordinibus onusti & in extremo bifurcati; *g.* squama reflexa auctæ magnitudinis interius concava; *h.* eadem ab exteriori facie visa cum situ apicem in magnitudine aucta *i.* naturali; *k.* eadem ab interiori facie visa; *l.* flos femininus integer a facie superiori *m.* laterali *n.* per longitudinem dissectus; *o.* pedunculus cum calyce; *p.* ovarium a calyce denudatum, *q.* pedunculus & calyx, remoto ovario, per longitudinem dissectus, *r.* locus, ubi ovarium adhæret, *s.* ovarium transverse *t.* longitudinaliter dissectum, *u.* fructus maturus ex multis capsulis compositus a facie superiori cum eius umbone perforato, *v.* capsula separata a facie interiori in duas valvas dehiscens, *1.* una valva a facie interna, *2.* altera a facie externa, *3.* huius superficies plana vicinæ capsulæ contigua, *4.* margo elevatus, *5.* pars libera quadantenus convexa & involucri membranaceo adhuc tecta, *6.* foramen, *x.* eadem valva separata, *7.* eius pars convexa denudata, *8.* involucri membranaceum separatum, *9.* incisura pro formando foramine superiori, *y.* eadem valva a facie interna, *10.* incisura, *11.* margo planus, qui cum altera valva committitur, *12.* nucleus in situ, *z.* utraque valva adhuc conjuncta transverse dissecta, *13.* crassitudo partis convexæ, *14.* margo elevatus, *15.* latera contingentia, *16.* foramen supremum, *a.* vasa seu insignes fibræ involucri externi ad valvarum commissuras, *β.* fulcrum capsularum, *1.* eius corona superior foramina obtegens, *2.* axis, cui capsulæ adhærent, *3.* corona inferior capsulis subiecta, *4.* pedunculus, *γ.* nucleus separatus, *5.* eius corticis margo compressus, *δ.* nucleus transverse dissectus.

Nota. Stirpis huius rarissimæ fructus *Baruce* nomine diu iam Europæis notus & a *CLVSIO* atque ex hoc a *IO. BAVHINO* satis apte descriptus atque delineatus est; ipsius autem stirpis primam descriptionem, sed imperfectam, suppeditavit, & rami simul figuram, sed valde imminutam, exhibuit *HERNANDEZ* absque tamen flore & fructu: hunc quidem satis clare descripsit, illius vero ne quidem mentionem fecit, gemmas tamen in icone leviter indicavit. In Europa ex nucleo enatam stirpem vidit, descripsit & delineavit *CASP. COMMELINVS*, ubi etiam fructus integri, utriusque putaminis capsulæ & nuclei satis laudabilem figuram & exactam descriptionem addidit. Postea huius arboris eius-

demque fructus mentionem etiam fecit *SLOANE*, sed sine descriptione & icone. *PHIL. MILLERVS* unicam vidit stirpem florentem in horto *D. Baron PETERS* alibi iam laudato, ex qua procul dubio desumpsit floris feminini descriptionem in characteris explicatione; sed masculini nullam adhuc fecit mentionem. Addit porro in descriptione, arborem adurgere ad 14. 16. pedum altitudinem, folia æque ac iuniores ramos succo lacteo turgere, patriam eius novam Hispaniam, inde semina in insulam Barbados delata, & ex his arbores prognatas in curiosorum hortis postea cultas esse. Anno 1737. accurata eius delineatio comparuit curante *LINNAEO* in *H. Cliffortiano*, ubi etiam delineati sunt flores feminini eodem anno in arbore 6. pedum mense Octobri primum observati: additur, hanc stirpem ætatis provectionis aculeos assumere, quos etiam icon indicat. Secundum hos flores generis huius characteres definivit idem *Gen. Pl. Ed. I. no. 933. II. n. 1013.* ex hoc *van Royen Pr. Fl. Leyd. p. 232. Ludov. no. 1045.* sed adhuc imperfectos. Anno sequente Londini in horto Chelseano idem flos mense Novembri provenit, quo ipso anno nostram imaginem *EHRETVS* paravit & nobiscum communicavit. Quum hæc, præter flores hos nullis staminibus nulloque stylo præditos, peculiarem adhuc iulum indicaret, statim nos suspicati sumus, flores hætenus observatos femininis affecuros, iulum autem masculinos producturum esse, id quod etiam *D. EHRETO* significavimus, eumque simul excitavimus, ut in hos æque, ac illorum styli, ulterius sollicite inquireret. Feliciter accidit, ut eadem horti Chelseani stirps anno 1745. jam mense Augusto flores excluferit, propterea facilius perfecit & expectationi satisfecerit eousque, ut iuli flores omnino masculinos ad perfectionem quoque perduxerit, quos pariter ab eodem depictos paullo post accepimus, utrosque ipse vero simul in tabula Operis sui XII. publico iam exposuit. Tandem huius stirpis icon & descriptio inserta reperitur operi illi, quod superiori demum anno Londini in folio maiori prodit hoc titulo: *the natural history of Barbados by M. GRIFFITH HUGHES, p. 114. tab. 5.*, quæ continet iconem rami cum unico flore feminino & iulo masculino, ut & fructus integri pariter a nostro *EHRETO*, ut subscriptio docet, delineatam & sculptam, quid? quod secundum exemplar ab ipso publicatum factam, omissa analysi fructus & utriusque floris; cuius descriptio brevis pariter ex *EHRETI* potius quam propria observatione desumpta videtur. Singulare autem est, quod colorem floris masculini rubeolum (*reddish*) feminini vero rubrum (*red*) definiat. Memorabile porro est, quod idem de celeri & ingenti augmento crassitudinis & altitudinis huius arboris, præcipue ad locum umbrosum & udosum plantatæ, refert & tribus exemplis illustrat, ceterum etiam brevium, attamen crassorum aculeorum, quibus truncus copiose oblitus est, meminit. Quod porro ad nostram imaginem attinet, folia eius teneriora & in ambitu minus crispa apparent, quam in tabula Ehretiana citata, procul dubio ob ætatem iuniorem, quare etiam totus caulis viridis adhuc est, cuius maxima pars ibidem fusco iam cortice obducta & a reliqua herbacea parte distincta conspicitur: aculei autem in neutro exemplari apparent, quos tamen *Commeliniana* figura stirpis unius anni iam depinxit, præcipue ad singulos petiolos foliorum, quæ in ista figura laciniata potius quam incisa repræsentantur. An corpusculum, cui adhærent antheræ, primum viride sit, ut monstrat fig. *b. k.* deinde vero rubrum evadat secundum imaginem *e. f.*, ab *EHRETO* explicatum haud accepimus. Tres antherarum ordines indicat *EHRETVS* in descriptione, duos tantum in ipsa imagine, quot etiam numerat *HUGHES*, qui addit, has antheras continere farinam albidam. Femininus flos, referente *EHRETO*, solitarius provenit ex rami vertice, & prope hunc iulus, ambo absque involucri, capituli aciculæ magnitudine; gemmæ vero foliorum obductæ sunt stipulis dilute ferrugineis, quarum duas prope pedunculum floris feminini provenientes indicat tab. XXXIV. Femininum florem omnes pro corolla monopetalâ declarant; quum vero is nullo plane stylo instructus sit, ut certiores nos reddidit *EHRETVS* iterum iterumque interrogatus: tubus hic infundibuliformis, seu potius secundum *TOURNEFORTIUM* hypocrateriformis, nil aliud est quam ipse stylus, adeoque femininus hic flos apetalus. Oras eius in 12. segmenta divisas definit *LINNAEVS*, 13. indicant figuræ Ehretianæ & 15. vel 16. numerat *HUGHES* in descriptione. Fructus capsularum numerus pariter varius videtur: *MILLERVS* & *LINNAEVS* 12. describunt, 12. & plures *HERNANDEZ*, 13. *COMMELINVS*, 14. *EHRETVS*, cuius imago a facie superiori, demta receptaculi corona superiori, *Commeliniana* vero cum hac corona repræsentata est. Quum nobis



MAGNOLIA maximo flore, folius subtus ferrugineis Rand. Hort. Chelf. p. 132.



INSTITUTO NACIONAL DE HISTORIA NATURAL



HVRA Linn. Hort. Cliff. p. 486. tab. 34.






Fig. 1. *HVRÆ* Tab. XXXIV floris fructusque partes.


a. floris masculini iulus, b. idem adultior, c. idem cum staminum corpusculis, d. idem longitudinaliter dissectus, e. squama separata cum adhærente corpusculo in magnit. naturali, f. aucta, cum tribus antherarum ordinibus, g. squama interioris concava, h. exterioris visâ cum sita antherarum in magnit. aucta, i. naturalis, k. eadem interioris visâ, l. flos femininus integer a facie superiori, m. late-
râli, n. longitudinaliter dissectus, o. pedunculus et calyx, p. ovarium, q. pedunculus et calyx longitudinaliter dissectus, receptaculum ovarii, r. ovarium transverse, s. longitudinaliter dissectum, t. fru-
ctus maturus, u. capsula, 1. una valva a facie interna, 2. altera valva a facie externa, 3. superficies plana, 4. margo elevatus, 5. pars convexa involucri adhuc tecta, 6. foramen, x. eadem val-
va a facie externa separata, 7. pars convexa nuda, 8. involucri detractum, 9. incisura, 10. eadem valva a facie interna, 11. incisura, 12. margo planus, 13. nucleus in situ, 14. utraqz valva transver-
se dissecta, 15. crassitudo partis convexæ, 16. margo elevatus, 17. laeva contingentiâ, 18. foramen supremum, 19. fibre involucri ad commissurâs valvarum, 20. filerum capsularum, 21. epus corona superi-
or, 22. axiâ, 23. corona inferior, 24. pedunculus, 25. nucleus separatus, 26. ejus margo, 27. nucleus transverse dissectus.

Fig. 2.



Fig. 2. *MAGNOLLÆ* Tab. XXXIII floris fructusque partes.

1. alabastri gemâ, 2. involucrum commune, 3. alabastri adultioris spatia, 4. alabastri expansioni proximus cum spatia fissâ, 5. spatia separata a facie interna, 6. alabastri denudatus, 7. ovarium cum stylis singulorum loculorum, d. receptaculum staminum, 8. stamen a facie interna, 9. externa, 10. strobilus cum aliquot bacis maturis, 11. loculus separatus cum bacca
ex fibra pendente, 12. loculus baccam continens, c. an stylus persistens, f. epus infertis, g. cavitatis pellicula, 13. bacca semen ab utraqz facie.






AC. 3. 1. 1. 3.



ACACIA non spinosa, flore albo, foliorum pinnis latiusculis glabris, siliquis longis planis
 Houft. Cat. Hort. Chelf. Mill. dict.





YUCCA foliis lanceolatis acuminatis integerrimis
margine filamentosis. Gronov. Flor. Virg. P. II. p. 152.

nobis ad manus sit eiusmodi fructus capsulis suis tamen iam solutis, complementi gratia adpingendam curavimus fig. z. utramque valvam transverse dissectam, nec non petiolum β unacum axi huiusque corona superiori & inferiori, quibus comprehenduntur & firmanur capsulae. Harum putamina crassa & vere lignea fig. z. 13. 13. colligantur membranaceo involucre eadem obducente fig. t. u. 5. x. 8. quae, ubi contiguae inter se sunt capsulae, fibris nervosis & crassioribus gaudent, quarum unam pariter depictam, fig. a. addidimus.

Secundum omnes fructificationis partes nunc observatas characterem huius plantarum generis integrum hisce definimus:

Flos masculinus & femininus in eadem stirpe prope se invicem proveniens.

Flos stamineus seu masculinus.

CALYX: *Fulus conicus squamatus, squamae imbricatae concavae subrotundae, uniflorae.*

COROLLA nulla.

STAM. Sub singulis squamis prodit *corpusculum* ovatum in extremo bifidum coloratum, duobus vel tribus antherarum ordinibus ornatum: *Antherae* minutissimae.

Flos pistillatus seu femininus.

CALYX: *Perianthium* breve monophyllum canaliculatum truncatum integerrimum.

COROL. nulla, nisi stylum pro corolla agnoscas.

PIST. *Ovarium* subrotundum sulcatum, *stylus* magnus infundibuli-seu hypocrateriformis coloratus, corollam referens: *Tubus* oblongus cylindraceus, stigmata plura (12 - 16) foliacea obtusa aequalia breviter plano-convexa, in limbum orbiculatum collecta.

PERIC. *Nux* globosa depressa angulosa, composita ex multis capsulis (12 - 14,) communi involucre membranaceo colligatis & ad utrumque apicem coronatis; *capsulae* totae lignae, lunulatae, extrorsum convexo-obtusae, introrsum compressae uniloculares, superius foramine pertusae, inferius elastice diffilientes in duas valvas.

SEMEN: *Nucleus* solitarius, fere orbicularis magnus compressus marginatus.

Fig. II. MAGNOLIAE TAB. XXXIII. floris fructusque partes.

Expos. 1. Floris gemma, 2. involucre commune totam gemmam involvens cum peculiari lingula, 3. alabastrus post incrementum captum spatha sua adhuc tectus, 4. idem expansioni proximus cum spatha iam fissa, a. rami extremum, quod terminat floris pedunculus, b. foliorum petioli abscissi, 5. eadem spatha separata a facie interna, 6. alabastrus penitus denudatus, a. b. b. eadem indicant ac in 4. figura, 7. ovarium seu fructus rudimentum cum stylis singulorum loculorum & staminum axe d. seu receptaculo, 8. stamen separatum a facie interna cum duobus loculis farinaceis luteis, antherarum vices praestantibus, 9. idem a facie externa, 10. fructus maturus seu strobilus multilocularis cum aliquot baccis maturis adherentibus & stylis c. persistentibus d. receptaculo staminum & e. petalorum ac perianthii, 11. locus separatus & iam hiulus simplicem baccam continens, 12. alius locus cum bacca ex filo suo pendente, c. stylus persistens, f. eius insertio ad basin loculi, g. cavitatis pellicula, 13. bacca semen ab utraque facie.

Nota. Elegantem imaginem speciosissimi huius floris unacum descriptione exhibuit CATESBY l. c., sed absque partium anatome, hac vero auctiorem & totam emendatam aequae pariter incisam & vivis coloribus illustratam anno 1737. publicavit ipse noster EHRETVS, vid. *Commerc. litterar. Norimb. a. 1738. p. 225.* quae ob magnitudinem inter tabulas suas collectas non extat. Nosram imaginem propterea tamen non esse supervacaneam ex collatione satis patebit. Facta autem est ad naturale exemplar, quod D. CAROLI WAGERI hortus in *Parsons Green* prope *Fulham* anno 1737. aluit & cuius mentionem etiam fecit MILLERVS l. c. Floris diametri amplitudinem EHRETVS comparavit undecim pollicibus, & petalorum humeravit decem: CATESBY reperit quandoque undecim & duodecim. Ceterum silentio praeterire haud possumus, in illa specie, quam nos tab. IX. iam representavimus, DILLENIVM *H. Elth. p. 207. tab. CLXVIII* accurate depinxisse & descripsisse praeter petala (octo plerumque) calycem trifolium a petalis hoc potissimum differentem, quod eius partes pallide virides sint & post secundam floris expansionem cadant, dum petala persistunt & arescunt LINNAEVS *Gen. Pl. Ed. II. n. 546.* huic respondet, excepto petalorum numero, quorum novem definit,

CATESBY *T. I. pag. & tab. 39.* eiusmodi calycem pariter, ipsa vero petala clausa depingit & in descriptione eorum caducorum sex numerat, calycis vero nullam mentionem facit. Haec ergo calycis tria folia in nostra citata imagine iam ante delineationem delapsa & propterea non indicata, eorum tamen, seu potius receptaculi, vestigia infra petala conspicienda sunt. Praeterea CATESBY *T. II. pag. & tab. 8.* sistit aliam speciem nomine *Magnoliae* amplissimo flore albo, fructu coccineo, cui petala decem vel undecim tribuit, ex his vero tria exteriora ita distinguit, quod sint pallide viridia & reliqua ante floris expansionem tegant, post eam vero ultra longitudinis dimidium se reflectant atque deorsum pendeant. Num ergo huius tabulae XXXIII. species petalorum parem ex colore, situ, magnitudine, & duratione cognoscendam distinctionem exposcat, affirmare haud possumus, quum neque ex hac neque ex Catesbyana figura, utraque ab anteriori tantum facie representata, id cognosci queat, hic etiam eiusmodi differentiam in descriptione haud indicet. Manifestat autem nostra imago e contrario quasdam partes, involucre nempe illud gemmae commune fig. 1. 2. & spatham floris propriam 3. 4. 5., quas auctores citati silentio praeteriunt, nisi quod DILLENIVS l. c. thecae membranaceae mentionem faciat, quae ab initio albicans, dein ubi abscedit fusca, tam folia quam flores, ubi primum prodeunt, obvolvunt, quacum comparanda erit nostra fig. 1. 2. atque etiam gemma ferruginea suprema tabulae antecedentis XXXIII. folia tantum, uti videtur, includens. Quid sit fibra ista ex loculo fig. 11. 12. c. sursum porrecta atque etiam ad singulos loculos fig. 10. conspicienda, dubii sumus: si stylus persistens sit, uti primo aspectu videtur, figurae hae docent, eam imo loculi fundo f. implantatam esse & cum fructu, qui peculiari filo alligatus ex loculo suo, relicta hac fibra, tandem cadit, non coherere. Illustrationis causa examinavimus duos strobilos ficos, quos ad manus habemus, atque invenimus non solum has fibras pari modo in omnibus loculis praesentes, verum etiam easdem duras rigidas & omnino ligneas, paullulum tamen flexiles, ceterum autem non tam ex loculis, quam ex ipso eorum receptaculo seu axe provenientes & hinc vere continuas, id quod styli officio neutiquam respondet: an ergo potius pro loculi valvarum fibula habendae? Dolendum sane, D. EHRETVM non examinasse & depinxisse styli loculorumque adhuc tenerorum conditionem, quam ab externa tantum facie & in nexu inter se fig. 7. representavit. Addimus his, examen hoc praeterea nos edocuisse, loculorum substantiam duram quidem, sed potius fungosam & suberis cortici similem, quam ligneam, ipsam vero eorum cavitatem pellicula dura polita splendente & facile separabili vestitam esse, quam fig. 11. 12. g. indicat. Baccam siccam pariter examinautes reperimus in illa contentum semen unicum durum & cortice polita atque splendente vestitum ea magnitudine & forma, quam fig. 13. 14. ab utraque facie sistit. Tandem ex CATESBY huius stirpis descriptione monemus, folia adultiora tantum subtus ferruginea reddi, iuniora vero ab utraque facie viridia esse.

TAB. XXXVI.

ACACIA non spinosa, flore albo, foliorum pinnis latiusculis glabris, filiquis longis glabris Houst. Cat. *Micropt. Hort. Chelf. p. 3. n. 11. Mill. Gard. dict.*

Nota. Ab aliis iam depictam aut descriptam esse hanc stirpem, nos latet.

TAB. XXXVII.

YVCCA foliis lanceolatis acuminatis integerrimis margine filamentosis *Gronov. Flor. Virg. P. II. p. 152.*

Yucca flore albo, foliorum marginibus filamentosis. *Silkgrafs Clayt. ibid.*

Yucca foliis ferrato-filamentosis *Linn. Spec. plant. p. 319. n. 4.*

Yucca Virginiana foliis per ambitum apprimè filatis *Pluk. Almag. p. 396.*

Yuca foliis filamentosis *Morif. Hist. Ox. T. II. p. 419. sect. IV. tab. 23. Mill. Gard. dict.*

Yuca Americana filamentosa *Munt. Besch. der Aardgevo. p. 663.*

Nota. Scapum florigerum quinque ferme pedes altum produxit haec stirps in sapius celebrato horto Collinsoniano. Flos decerptus & sigillatim in magnitudine naturali depictus studio expansus, alias, ut in reliquis speciebus, cymbali instar semi-apertus est.

TAB. XXXVIII.

LEDVM floribus bullatis confertim in summis caulibus nascentibus, foliis ex oblongo lanceolatis integerrimis glabris.

Chamaedaphne foliis Tini, floribus bullatis umbellatis *Catesb.* II. 98.

Cistus semper virens laurifolia, floribus eleganter bullatis D. Banist. *Pluk Alm. p. 106. Phytogr. T. CLXI. fig. 3.*

Cistus-*Ledon* seu *Andromeda* laurifolia semper virens, floribus dilute carneis, purpureis maculis notatis, extra eleganter bullatis ad infundibuli formam proxime accedentibus, inodoris, confertim nascentibus, capsula sicca quinquefariam divisa *Clayt. Flor. Virg. I. 21.*

Azalea foliis lanceolatis integerrimis non nervosis glabris, corymbis terminatricibus *Gronov. ibid.*

Expos. *a.* Corolla a facie posteriore; *b.* calyx profunde quinquepartitus segmentis acutis erectis; *c. c.* stamina longitudine ferme corollae decem, ex basi ovarii orientia eo in situ, quo corollae latera occupant, duplicis ordinis, quinque longiora, totidem breviora; *d.* stylus staminibus longior oblique flexus, cum stigmate obtuso; *e.* idem cum ovario; *f.* idem & calyx persistens cum ovario iam adhaescente; *g.* pericarpium ex quinque capsulis membrana communi obvolutis compositum a facie superiori *b.* inferiori *i.* laterali cum calyce *k.* transverse sectum; *l.* capsula separata a facie interiori, ubi dehiscit, seminibus adhuc plena; *m.* eadem vacua; *n.* involucrum seminum proprium, in sicco exemplari a capsula lateribus sponte sua secedens & rugosum a facie interiori seu capsulae rimae respondente o laterali & exteriori; *p.* unum ex seminibus perexiguus; *q. r. s.* eadem partes in magnitudine aucta.

Nota. Stirpis huius ramulum florentem eleganter quidem iam delineavit *PLUKENET*; sed eius imago & foliorum petiolorum & florum pedunculos, immo flores ipsos repraesentat villosos: fructus deficit. Speciosiore eius imaginem exhibuit *CATESBY*, quae pariter, ac descriptio, uti nostra quoque pictura, horum villorum nullum vestigium manifestat. Addidit hic quoque ramulum fructiferum; sed fructus & floris partes sigillatim non indicavit, unde character huius stirpis imperfectus relinquebatur. Floris structuram adiunxit *EHRETUS*, & quum aestumatissimus *COLLINSONIVS* aliquando nobiscum communicavit capsulas maturas, curavimus, ut hae earumque partes manu *BAVRNFEINDII* exacte simul repraesententur. Quodad nomen genericum attinet, notum est, *Ledum Michellii* nov. *plant. gen. p. 224. tab. 106.*, *Chamaedaphne Buxbaumii* *Commentar. Ac. Petrop. T. I. p. 241. tab. 8. fig. I. Poliifolium Eiusd. ibid. T. II. p. 345. tab. 21.* *Chamaerhododendron Tournef. inst. p. 604. tab. 373.* ut & quasdam *Ericae* species *Eiusd. a LINNAEO Pl. Gen. Ed. II. n. 426.* ad unum genus *Andromedae* nomine reduci, procul dubio quia numerus staminum & styli ut & fructus partium conformatio non differt, licet, ut ipse monet, corollae figura varia sit. Atque omnino *Ledum*, notante *LVDWIGIO Def. gen. pl. n. 139.* praeter calycem pentaphyllum (dummodo vere pentaphyllus est, quia icon *Michelliana* duas capsulas cum calyce persistente repraesentat) & stigma emarginatum, obtinet corollam rotatam profunde quinquefidam, *Chamaedaphne* globosam oris conniventibus, *Poliifolia* campanulatam segmentis leviter reflexis, & *Chamaerhododendron Tournefortii* seu *Ledum Halleri* *Stirp. Helv. p. 417.* tubulatam segmentis profundis patentibus, a quibus figuris omnibus differt nostrae stirpis corolla, utpote quae non solum ex angusto tubo subito in amplam campanam segmentis erectis desinit, verum etiam, docente *CATESBY* descriptione, tubum interius in decem sulcos, singulos stamina singula recondentes, excavatum atque praeterea exterius totidem tuberculis seu bullulis, in nostra etiam imagine conspicuis, a limbo distinctum offert: quae notabilis differentia iis certe, qui corollae figuram in definiendis generibus non negligunt, pro peculiari genere constituendo sufficere valet, id quod tamen aliis committimus. Nos interea cum speciebus *Ledi Halleri* (quod genus ab *Andromeda* *Linnaei* separavit eique antiquum *Ledi* nomen restituit) coniunximus hanc stirpem, quia inter huius & illius corollam minor differentia intercedit. Ceterum monemus, specierum *Andromedae* omnium a *LINNAEO* tum in *Flora Lapponica* n. 163 - 166. tum in *H. Cliff. p. 162. sequ.* recensitarum, corollam vel cum *Chamaedaphne Buxbaumii* vel cum *Chamaerhododendri Tournefortii* corolla convenire, quantum quidem ex synonymis citatis colligi potest; *Azaleae* vero genus tum *LINNAEI Gen. Pl. ed. I. no. 151. II. no. 154. Flor. Lapp. n. 89. 90. H. Cliff. p. 69.* tum *HALLERI l. c. p. 416.* ob staminum numerum altero tanto minorem differre.

Fig. II. LEDVM floribus bullatis fasciculatim ex alis foliorum oppositis nascentibus, foliis lanceolatis integerrimis glabris.

Chamaedaphne semper virens, foliis oblongis angustis, florum fasciculis oppositis e foliorum alis *Catesby App. pag. 8. tab. 17.*

Nota. Hae stirps cum praecedenti penitus convenit floris structura; differt autem florum foliorumque magnitudine, & situ. Imago haec facta est ad exemplar arbusculae sesquipedes altae, quae in horto *Collinsoniano* anno 1744. flores produxit, cuius imaginis *Catesbyana* quoque imitatio est.

His iam consignatis & prelo commissis ad manus nostras pervenit *Vol. I. Specier. Plant. LINNAEI*, ubi p. 391. & *Gen. nov. n. 1079.* haec ambae stirpes novum genus constituunt, quod huic celeberrimo auctori *KALMIA* audit, estque prior: *Kalmia* foliis ovatis, corymbis terminalibus, posterior: *Kalmia* foliis lanceolatis corymbis lateralibus. Inter *Synonyma* utriusque speciei adducit nomen *Catesbyanum* a nobis citatum, in reliquis dissentit; nomen scilicet *Gronovianum* & *Plukenetianum* ipsi synonyma sunt posterioris speciei, prioris vero haec, *Andromeda* foliis ovatis obtusis, corollis corymbosis infundibuliformibus, genitalibus declinatis *Gronov. Fl. Virg. II. p. 160.* & *Cystus chamaerhododendros Mariana laurifolia*, floribus expansis, summo ramulo in umbellam plurimis *Pluk. Mantiss. p. 49. Phytogr. t. CCCLXXIX. n. 6.* His denuo inter se collatis reperimus, hanc modo citatam figuram *Plukenetianam* valde esse imperfectam, alteram vero omnino florum fasciculum ex ala cuiusdam folii potius prodeuntem, quam caulem terminantem sistere, adeoque hac saltem nota ad posteriorem speciem propius accedere, ceterum vero nec huius habitum, secundum nostram & *Catesbianam* imaginem, esse villosum. Si *Gronovianum* nomen huc pertinet, genitalia potius inclinata, quam declinata, dicenda erunt, siquidem stamina utriusque speciei corollae ambitum internum regulari situ occupantia & non declinata, sed solummodo stylum versus inclinata, repraesentantur.

TAB. XXXIX.

LILIO-GLADIOLVS bifolius & biflorus, foliis quadrangulis.

Expos. *a.* Corolla dissecta & explanata a facie interna, *b.* eius segmentum supremum maximum, *c. c.* duo segmenta lateralia, *d. d. d.* tria inferiora, *e.* tria stamina, *f.* stylus simplex, *g.* stigmata tria foliacea, *b. b.* spatha herbacea duplex, *i.* pericarpium obscure hexagonum, *k.* idem maturum in tres valvas resolutum, *l.* semen planum & alatum, *m.* folii quatuor anguli, *n.* bulbos valde prolifer.

Nota. Elegans haec planta, naturali magnitudine depicta, patriam agnoscit Caput bonae spei & floruit anno 1745. & 1750. in horto Chelseano. Mira deprehendebatur bulborum multiplicatio; duo tantum protrudebat folia longissima, angustissima & singularis structurae quadrangulae; caulis teres & pariter praelongus itidem duos tantum proferebat flores intervallo satis magno &, ut videtur, ex geniculis. Absque nomine accepimus hanc imaginem: num planta ab aliis iam descripta vel delineata proftet, nos latet: characteribus peculiaris generis eam gaudere, sequentia indicant:

CALYX: spatha herbacea, angusta, lanceolata, persistens duplex ad singulos flores.

COROLLA monopetala, liliacea, irregularis; tubus inaequalis, inflexus, ad dimidium inferius angustus, deinde multo amplior & ventricosus; limbus patens, in sex segmenta inaequalia ex oblongo acuminata divisus: supremum latissimum, profundius incisum & repandum; duo lateralia angustiora, omnia macula fasciali purpurea super medio internae superficiei distincta; reliqua tria inferiora minus profunde incisa minusque repanda, infimum minimum, omnia fascia viridescens notata.

STAMINA tria, corollae fauces parum superantia; filamenta crassa ampliato tubi ventri accreta; Antherae longae, erectae, biloculares.

PISTIL.

Fig. 1.



Fig. 2.



Fig. 1. **LEDUM** floribus bullatis confertim in summis caulibus nascentibus, foliis ex oblongo lanceolatis integerrimis glabris.

a. Corolla a facie posteriore, b. calyx, c. stamina decem duplicis ordinis, d. stylus cum stigmate obtuso, e. idem cum ovario, f. idem et calyx persistens cum ovario jam adhaerente, g. pericarpium ex quinque capsulis compositum a facie superiore, h. inferiore, i. laterali cum calyce, k. transverse sectum, l. capsula separata a facie inferiore ubi delitescit feminibus referta, m. vacua, n. involucrum seminum proprium a facie interiore, o. laterali et exteriori, p. unum ex seminibus perexiguis, q. r. s. eadem partes in magnitudine aucti.

Fig. 2. **LEDUM** floribus bullatis fasciculatim ex alis foliorum oppositis nascentibus, foliis lanceolatis integerrimis glabris.

PLANTAE
INDONESIAE
N. 1000




1000

1000



LILIO-GLADIOLVS *bifolius et biflorus, foliis quadrangulis.*

a. Corolla dissecta et explanata a facie interna, b. ejus segmentum supremum maximum, c. c. duo lateralia, d. d. d. tria inferiora, e. tria stamina, f. stylus simplex, g. stigmata tria foliacea, h. h. Spatha herbacea duplex, i. pericarpium obscure hexagonum, k. idem maturum in tres vel quatuor solutum, l. semina planum et alatum, m. folii quatuor anguli, n. bulbis valde prolifer.



LIBRARY OF THE UNIVERSITY OF PADUA

PLANTAE

SELECTAE

QVARVM IMAGINES

AD EXEMPLARIA NATVRALIA

LONDINI IN HORTIS CVRIOSORVM NVTRITA

MANV ARTIFICIOSA DOCTAQVE PINXIT

GEORGIVS DIONYSIVS EHRET

GERMANVS

OCCASIONE HAVD VVLGARI COLLEGIT

NOMINIBVS PROPRIIS NOTISQVE SVBINDE ILLVSTRAVIT

ET PVBLICO VSVI DICAVIT

D. CHRISTOPHORVS IACOBVS TREVV

MEDICVS NORIMBERGENSIS

IN AES INCIDIT

ET VIVIS COLORIBVS REPRÆSENTAVIT

IOANNES IACOBVS HAID

PICTOR ET CHALCOGRAPHVS AVGVSTANVS

* * * *

DECVRIA IV.

A.R.S. MDCCLIV.




PLATE 19

GEORGE'S DOZENS THREE

DONALDSON'S FACTORY TRAIL

ROYALTY'S FACTORY HAND








MERIANA flore rubello.

a. Corolla dissecta ab interna facie, b. b. ejus sex segmenta, c. c. c. tria stamina, d. ovarium, e. stylus, f. ejus extreum trifidum, g. stigma singularum, divisionum bifidum et reflexum, h. spatia anduplex, i. x. l. m. n. eadem partes in magnitudine aucta, o. ovarium transverse sectum cum tribus loculis, p. bulbos, q. recessus bulbos ex caule propullulans.



LIBRARY



PLUMERIA flore roseo odoratissimo Tournef. inst. pag. 659.

a. flos adhuc clausus, b. explicatus, c. c. calyx, d. siliqua matura externo in latere dehiscens, e. e. axis seu receptaculum seminis, f. f. f. f. semina, g. g. g. g. corundel ala.



PLANT. 171



PULMONARIA foliis ovatis glabris, scapo laxo,
calycibus brevissimis pro- funde quinquefidis, corollæ
limbo campaniformi quinquepartito.

a. corollæ tubus a facie laterali, b. idem cum limbo quinquepartito, c. c. calyx, d. corollæ dissecta ab interna facie cum quinque staminibus adcreta, e. e. stylus filiformis cum stigmate globoso, f. calyx quinque-dentatus g. quatuor ovula, h. i. eadem in magnitudine aucta, k. stylus l. calyx persistens cum quatuor seminibus, m. semina denudata, n. eorum in nexu cum stylo.

PISTILLVM: stylus simplex staminum longitudine; stigma triplex foliaceum; ovarium oblongum, obscure hexagonum.

RECEPTAC. floris ad verticem ovarii.

PERICARP. Capsula trivalvis, ad singulas valvas duplex seminum series.

SEMINA oblonga plana, alata.

Patet ex his, cum Gladiolo convenire huius plantæ floris corollam numero & inæquali magnitudine segmentorum, ut & horum maculis, ita tamen, ut segmenta peculiari macula signata in Gladiolo inferius, in hac planta superius limbi dimidium constituent; in hac segmenta maiora in illo minora hanc maculam exhibeant: conveniunt porro ambo staminum, styli stigmatum, & spathæ foliorum numero & conformatione, itemque radicis figura; differunt vero inter se non solum totius plantæ habitu, verum etiam corollæ tali structura liliaceam formam referente, unde nominis generici compositionem petivimus. Quibus eiusmodi nomina composita non arident, illis aliud excogitandum relinquitur: & quibus nec totius plantæ habitus nec corollæ facies differens pro generis peculiaris caractere sufficit, illis hæc planta ipsius Gladioli species & forsan Gladiolus biflorus & bifolius, flore tubulato, foliis quadrangulis dicendus veniet.

TAB. XL.

MERIANA flore rubello.

Expos. a. corollæ dissecta ab interiore facie, b. b. eius sex segmenta ferme æqualia, c. c. c. tria stamina, d. ovarium, e. stylus, f. f. eius extremum trifidum, g. stigma singulorum divisionum bifidum reflexum, h. spatha, i. k. l. m. n. eadem partes in magnitudine aucta, o. ovarium transverse sectum cum tribus loculis, p. bulbus, q. iunior bulbus ex caule propullulans.

Nota. Hæc planta elegantissima ex semine pariter a Capite bonæ spei misso educata est in horto Chelseano & flores primum spectandos exhibuit anno 1750. sed fructum maturum non perfecit. Bulbus & folia iterum Gladiolo sunt similia, caulis firmus ramosus, ex quo alterno ordine proveniunt flores copiosi. Et hæc planta recedit a generibus, nobis saltem notis, caracteribus sequentibus.

CALYX: Spatha herbacea oblonga duplex ad singulos flores.

COROLL. monopetala tubulata regularis: tubus inæqualis, leviter flexus, ad dimidium inferius angustus, deinde paullo amplior: limbus patens, inflex segmenta fatis æqualia & obtusa divisus.

STAMIN. tria longitudine corollæ: filamenta longa, parum inflexa, ex inferiori tubi parte enascentia: Antheræ longæ, versatiles, biloculares, bicornes.

PISTILL. ovarium subrotundum, hexagonum: stylus inflexus, staminibus longior, ad extremum trifidus: stigma ad singulas divisiones duplex, reflexum.

RECEPT. Corollæ ad basin ovarii.

PERICARP. capsula trilocularis - - - - -

SEMINA - - - - -

Bulbus ex caule proveniens forte ne ad characterem quidem specifi- cum pertinet, sed extraordinarie productus est, quemadmodum id in pluribus plantis bulbosis quandoque contingit, cuius exempla in Tulipa & Lilio albo observata, descripta & depicta reperiuntur in *Commerc. litter. Norimb. a* 1735. p. 212. & 410. a. 1741. p. 347. Hæc quoque planta nondum, quantum scimus, depicta vel descripta, immo ne quidem nominata est: nos propterea æquum duximus, ea conservare memoriam **MARIAE SIBYLLAE MERIAN**, quæ ob picturas in lucem evulgatas non solum insectorum, verum etiam plantarum, fatis celebris est.

TAB. XLI.

PLUMERIA flore roseo odoratissimo *Tournef. inst.*

659. *Plum. cat. pl. Amer. p.* 20. *Mill. Gard. dict. Rand. H. Chelf. 160. Hort. Carlsruh. 48. Boerb. Ind. alt. I.* 315. *Ehret. tab. XI.*

Plumeria foliis ovato oblongis *Linn. H. Cliff. 76. van Roy. 412. Wachend. 51.*

Nerium arboreum, folio maximo obtusiore, flore incarnato *Sloane Cat. pl. Jam. 154. Itiner. II. 61. t. 185. & 186. f. I. Ex hoc Raj. Hist. III. dendr. 114.*

Nerio affinis Barbadensis arbor latifolia, flore purpureo, Iasmini odore *Pluck. Phytol. t. 207. f. 2.*

Clematis arborea Americana laurinis amplissimis foliis, flore laccæ colore odoratissimo *Pluck. Almag. 109. Mantiff. 50.*

Iasminum indicum *Merian Surin. p. & t. 8.*

Quauthlepatli *Hern. Mex. 67.*

Tree Iessamin *Hughes Hist. Barb. 189.*

Expos. a. flos adhuc clausus, b. explicatus, c. c. calyx, d. filiqua matura externo in latere dehiscens, e. e. axis, seu receptaculum seminum, f. f. f. femina, g. g. g. eorundem alæ.

Nota. Huius speciosissimæ stirpis descriptionem & iconem primus, procul dubio, exhibuit **HERNANDEZ**, sed valde ieiunam. **PLVKENET** delineavit folium artificiose sculptum, ut & unicum florem & semen; sed omnia nostris figuris multo minora sunt & floris figura insuper alia est. Imago, quam publicavit **SLOANE**, sistit in naturali magnitudine ramum florentem & filiquam duplicem adhuc in connexione, sed absque manifesto geniculo, nec etiam apertam, cuius magnitudo duplo fere maior est nostra. Addit etiam priori tabulæ exiguum, quasi pinnatam, figuram; sed sine explicatione: forsan feminis ala est. Huius relatione constat, stirpem hanc malo arbori magnitudine parem esse. Ipsi olim vidimus eam florentem Parisiis in horto regio in vase & caldario cultam, quæ vtro exiguum fruticem magnitudine vix æquabat, an ex ætatis vel potius culturæ differentia. Elegantior imago est illa **SIB. MERIANAE**, sed absque fructus representatione. In descriptione floris coloris equidem nulla fit mentio; nostrum vero exemplar eius manu pictum omnino roseum, insuper lutearum macularum vestigia indicat. **TOVRNEFORT** tab. 439. exactam fructus imaginem addidit, cuius ambæ filiquæ articulo quasi coniunctæ & pedunculo suffultæ, ceterum vero una tertia parte breviores sunt nostra; flos etiam paullo minor apparet; unde concludere licet, omnes partes minutas esse. Catesbyana imago nostræ proxime accedit, quæ eadem est, quam ipse **EHRETIVS** in tabulis suis iam publicavit; cuius etiam imitatio est illa **Hughesiana**, **EHRETI** manu pariter, ut subscriptio docet, delineata, sed ad chartæ spatium multum imminuta: huic addidit filiquæ imaginem, cum ea, quam nobiscum rogatus communicavit, penitus convenientem, sed adhuc clausam, quam nostræ & ætatis & semine aspinxit, simul vero monuit, exemplar huius filiquæ iam diu fuisse collectum & læsum: hinc forsan eius nexum cum pedunculo ex ingenio supplevit. Propterea etiam haud constat, num ad hanc an ad aliam speciem, aut si mavis varietatem, pertineat: plures namque dantur, quarum **RANDIVS** quatuor & **MILLERVS** sex iam recensuit, inter quas ab hoc secunda nominatur *Plumeria* flore maiore, odorato & incarnato, quam præterea in descriptione ab altera, cuius synonyma collegimus, distinguit florum colore dilutiori & copia in maiores fasciculos collecta, quæ procul dubio eadem est cum tertia **RANDII**, seu *Plumeria* latissimo folio, flore maiore incarnato. Quum ergo *Ehretiana* imago huic descriptioni magis quam reliquis iconibus respondet, forsan hanc ipsam varietatem sistit: quod vero ille tantum, cui utriusque collatio contingit, ab omni dubio liberare potest.

TAB. XLII.

PVLMONARIA foliis radicalibus subovatis caulinis oblongis glabris, scapo laxo, calycibus brevissimis.

Pulmonaria calyce tubo corollæ brevior, perianthiis quinque partitis *Gron. Virg. 20. Mill. Gard. dict. edit. noviss. a. 1752. append. p. ult.*

Pulmonaria non maculosa, floribus tubulosis longis pulcherrimis cæruleis, in panicula pendula congestis, foliis teneris glabris latis obtusis ad margines æqualibus, pediculis dilute purpureis insidentibus; radice crassa instar *Symphyti*, *Mountain Cowslip* *Clayd. ibid.*

Symphytum seu *Pulmonaria* non maculosa, foliis glabris, Americana, flore patulo cæruleo *Pluk. Phyt. tab. CCXXVII. fig. 6. Morif. H. Ox. III. p. 444. n. 6. Rai. H. III. 266. n. 3. Rand. H. Chelf. 164.*

Expos. a. Corollæ tubus a facie laterali, b. cum limbo quinquepartito, c. c. calyx, d. corolla dissecta ab interna facie cum quinque staminibus ad tubi ampliati fauces adcreta, e. stylus filiformis cum stigmate (an, ut in aliis speciebus, emarginato, ut annotavit LINNÆVS) f. calyx quinquepartitus, g. quatuor ovula, h. stylus & i. ovula in magnitudine aucta, k. stylus l. calyx persistens, & quatuor femina fovens, m. quatuor femina a stylo & calyce denudata, n. unum ex his in nexu cum stylo.

Nota. Perelegantis huius plantæ delineationem reperire potui haud aliam, quam illam PLVKENETI l. c. Habitu externo recedit quidem illa paullulum a nostra, nihilominus ambas referre unam eandemque plantam, reliquæ notæ nobis persuadent. Ceterum de genere eiusdem valde dubius fuit hic auctor: nam in Almagesto suo p. 359. nomini indicato addit: an Digitali congener, in Amaltheo vero p. 198. hæc subiunxit: an forsan Symphytum seu Pulmonaria Alpina foliis mollibus subrotundis flore cæruleo *H. R. P. schol. bot.* 107. quo loco, ut & in *Tournef. Institut.* 136. n. 3. & *Mill. Gard. dict. edit. prior.* nomen hoc solum occurrit; RAIVS vero l. c. utrumque sigillatim recenset, immo ab hac planta nostram calyce brevi distinguit. Satis accuratam eiusdem descriptionem exhibuit MORISONVS l. c. sed iconem nullam addidit. Idem nos quoque docet, eam tunc temporis iam in horto Chelseano cultam & ex Virginia allatam fuisse, quam patriam postea confirmavit CLAYTON l. c., qui nomine Anglico idiomate addito simul indicat, montium incolam esse eam; reperiri etiam eandem in extremis Siberiæ oris, annotatum legimus in LINNÆI *Amœnit. Acad. Vol. II. p. 337.* utramque vero ut species distinctas differre, docet IDEM *Spec. plant.* p. 135. n. 3. 4. ubi Plukenetiana & Gronoviana planta supra citata vocatur Pulmonaria calycibus abbreviatis foliis lanceolatis obtusiusculis, Sibirica vero Pulmonaria calycibus abbreviatis foliis radicalibus subcordatis, caulinis ovatis, ut addit descriptio p. 136. subnexa. Plukenetiana, Morisoniana, Gronoviana & nostra planta certo certius est una eademque Virginie incola, cuius folia lanceolata non sunt, adeoque definitioni primæ speciei LINNÆI minus respondent. Examinavimus præterea siccatum huius plantæ exemplar, quod sæpius iam laudatus BEVRERVS nostras iamdudum a munifico COLLINSONIO accepit & nobiscum communicavit, cuius folia caulina (radicalia deficient) latitudine pollicem Rhenanum & longitudine pollices duos cum dimidio circiter æquant & ex angusta basi latefcunt & deinde in obtusum mucronem abeunt, adeoque oblonga & Plukenetianæ pariter ac nostræ imagini similia sunt. Radicalis folii figuram MORISONVS ita describit, ut a nostra non differat. Quo usque ergo folia radicalia subcordata & subovata, itemque caulina ovata & oblonga vel lanceolata inter se perpetuo differant, ulteriori examine adhuc opus habet. Iungimus his, EHRETVM hanc imaginem ante aliquot iam annos nobiscum communicasse, sed absque caractere perfecto: rogatus & excitatus ergo hoc anno demum defectus supplevit, favente amicissimo nostro COLLINSONO, cuius hortus instructissimus & hanc stirpem colit. Differentia floris figuræ, quæ occurrit in icone integræ plantæ & eius partium, secundum citatum exemplar siccatum examinata, huius flores, exsiccatione non obstante, paullo maiores & circa eius limbum paullo magis expansos, nec in tam profunda & rotunda segmenta incisos, quam figura a. b. ostendit, se sistebant: forte recens & diu iam expansi floris figura variat.

TAB. XLIII.

CVIAVVS furculis & ramis iunioribus quadrangulis.

Cuiavus agrestis *Rumph. Herbarii Amboin. I. p. 142. tab. 48.* figura bona, sed naturali minor.

Cuiavus domestica *ib. p. 140. t. 47. eiusdem præstantia.*

Guaiaba *Marggr. Hist. nat. Bras. 104. Pis. Hist. nat. Bras. 75. Indice utriusque 153. cum fig. rudi, de Lat. Ind. occid. p. 1.*

Guyabo (Oviedi) pomifera indica *C. B. pin. 437. Ionst. dendrol. 30. n. 3. t. XIX. ex Clusio.*

Guaiabum *Aldrov. dendrol. edit. Bon. 586. Francof. 419.*

Guaiava *Clus. hist. app. p. CCLIV. cum fig. vili. Dalech. hist. Lugd. II. 1836. Tournef. Inst. p. 660. tab. 443. fig. emendanda, Boerb. Ind. alt. II. 250. Merian Surinam p. 57. t. 19. ut & p. 57. edit. Lat. fig. imperfecta, magis artificiosa, quam naturalis. Hughes nat. hist. of Barbado. 132.*

Guaiava indica *Weimm. T. III. p. 84. t. 561. figura secundum Tournefortianam efficta, addito ramulo folioso.*

Guaiava alba dulcis *Commel. H. Amst. I. p. 121. t. 63. figura satis bona Mill. Gard. dict. Rand. H. Chels. 91.*

Guaiava alba dulcis, Pyra indica seu Granadensis vulgo *H. L. Bat. 305.*

Guaiava alba dulcis, fructu longiori *C. Commel. Fl. Malab. 34. b.*

Guaiava alba acida fructu rotundiori *Pluk. Almag. 181. Phytogr. t. CXIII. f. 4. satis bona sed imminuta & incompleta.*

Guaiava rubra acida *H. L. Bat. 305. H. Amst. I. 121. Boerb. Ind. alt. II. 250.*

Guaiava rubra acida fructu rotundiori *C. Commel. Fl. Malab. 34. b. Mill. Gard. dict. Rand. H. Chels. 91.*

Guaiaves *Merian. Sur. p. 57. t. 19. itemque p. 57. t. 57. edit. Bat. figura eadem ac in Latina*

Guajavas fructu pallido dulci *Mus. Zeyl. 3. Burm. Thes. Zeyl. 112.*

Guayava *Ger. emac. app. 1612. Parkins. theatr. 1634. utriusque fig. ex Clus. Rai. Hist. II. 1455. de Lat. Ind. Occid. 357.*

Guayava indica fructu mali facie *L. B. I. p. 108. cum fig. ex Clus. & imminuta.*

Guayavas (Monardi & Gomara) *Clus. exot. 346. Dalech. Hist. Lugd. app. 17.*

Malo Puniceæ affinis pomifera, flore pentapetalo albo, fructu nullis dissepimentis instructo, ex toto esculento rubro maiori *Sloan. Cat. Pl. Jamaic. 198. Itinerar. II. 161.*

Malo puniceæ affinis & c. fructu & c. minore albo *Eiusd. Catal. 200. Itin. II. 163.*

Psidium *Linn. Spec. pl. p. 470.*

Psidium caule quadrangulo *Linn. H. Cliff. 184. Fl. Zeyl. n. 192. van Roy Fl. Lugd. Prodr. 268. van Wachend. H. Vltraj. Ind. 96.*

Psidium ramis tetragonis *Linn. H. Vps. p. 122.*

Psidium ramis quadrangulis *Hill Hist. of Plants p. 450. t. 11. figura floris a tergo ex Tournefortio.*

Xalkochotl i. e. Pomum arenosum *Hernand. 84. fig. vilissima.*

Xalcocotl seu Guyabo Ximenis *Marggr. Hist. Bras. 105. de Lat. Ind. occid. 227. cum fig. a reliquis differente, sed pariter vili.*

Cievko seu Goyava fructus *Boym. Flor. Sin. lit. E. cum fig. rudi Ionst. dendrol. mantiss. 475. no. VI. t. CXXXVI. ex Boym, sed multum imminuta.*

Pela seu Guayabor *van Reede H. Malab. T. III. p. 31. t. 34. figura magnitudine naturali & satis bona.*

Malacka- Pela *ibid. p. 33. t. 35. pari laude digna.*

Expos. Fig. I. ramus cum flore a facie anteriori, a. flos a tergo. Fig. II. ramus adultior cum fructu, b. fructus transverse sectus, c. femina.

Nota. Stirpem hanc, ob fructum quem progenerat suavissimum, Europæis dudum iam commendantur historiæ naturalis scriptores, ex quibus procul dubio primi fuerunt Hispani, nimirum LUDOV. OVIEDVS, NIC. MONARDES, FRANCISC. LOPEZ de GOMARA & FRANCISC. XIMENES, quorum relata referunt CLVSIVS, DALECHAMPIVS, IO. BAVHINVS, MARGGRAVIVS, IO. de LAET & IONSTONVS. Primis auctoribus accensendus quoque est FRANCISCVS HERNANDEZ, licet eius historia singulari fato multo serius in publicum prodierit: XIMENIS certe descriptio huius stirpis eadem est cum illa HERNANDESII. Post hosce Auctores, præter reliquos supra citatos, plures peregrinantes huius stirpis, vel saltem eius fructus, mentionem quoque fecerunt, quorum præcipuos nominat I. BAVHINVS & SLOANE. Præterea huc etiam pertinere Igbucamici *de Lat. 560. ut & Agouti-treva & Caoup Eiusd. 611. 612. suspicatus est PLVKENET Mantiss. 91.;* sed ex levissima horum descriptione comparisonem instituere vix licet. Araca Iba autem, cuius iconem & descriptionem exhibet MARGGRAVIVS *Hist. Bras. 105. & PISO Hist. Ind. 152. verosimilius pro Pela H. Malab. habetur a RAIO & PLVKENETO;* cum qua stirpe, icone & descriptione valde etiam convenit Araca-iba PISONIS *Hist. Bras. 74. seu Araca- miri EIVSDEM Hist. Ind. 151* cuius mentionem quoque facit MARGGRAVIVS l. c. 62., licet uterque ambas has stirpes a Guaiaba distinguat. Prioris figuram etiam sistit IONSTONVS *tab XIX,* sed lepido ausu ex parte eius superiori ab illo fingitur Guaiaba Ximenis, & ex parte inferiori Araca-Iba. Est autem ipsius Cuiavi historia nondum eo usque absoluta, ut omnes de eadem relationes atque ima-



GUALABA foliorum ramis quadrangulis, fructu oblongo, carne rubente.
 Fig. 1. ramus cum flore a facie anteriori, a. flos a tergo.
 Fig. 2. ramus adultior cum fructu, b. fructus transverse sectus, c. semina.



CHAPMAN

imagines suppeditatæ tam facile inter se comparari vel ex iisdem character genericus, & multo minus specierum indubius, formari queat. Floris petala omnes describunt alba immo candida: solus HILL. l. c. in meo exemplari picto eadem repræsentat saturate violacea, licet ea, æque ac alii, alba describat. Affirmant porro florem esse fragrantem, si excipias Horti Malabarici & Amstelodamensis nec non Herbarii Amboinensis auctorem, a quibus inodorus deprehendebatur: omnes etiam numerant eius petala quinque, COMMELINVS vero & HUGHES quatuor, quot etiam nostra imago sistit; van REEDE in Pelæ descriptione quatuor vel quinque (in Malacka-Pelæ descriptione flos huius similis sed maior dicitur, icon vero prioris quatuor, posterioris quinque repræsentat) & MILLERVS in characteris definitione plerumque quinque annotat, ex quibus concludimus, ordinarie eorum quinque, haud raro tamen quatuor tantum deprehendi. Calycis segmenta pariter quinque depingunt & describunt omnes fere; Pelæ tamen imaginis pedunculus quidam quatuor tantum sistit, & HUGHES totidem extus viridia intus alba numerat, RVMPHIVS vero calycem tetra-vel pentaphyllum, atque præterea crassum & deorsum reflexum definit; EHRETIVS memorat, calycis segmentorum numerum haud esse constantem, sed eum vario modo dehiscere, prætereaque segmentorum unum vel alterum tantum persistere, id quod etiam fig. a. ostendit, & pedunculorum altera Pelæ indigere videtur. Calycem porro persistentem & fructum maturum æque, ac immaturum, coronantem repræsentant plurimæ figuræ citatæ; sed ex OVIEDO iam annotat MARGGRAVIVS & Auctor commentarii in HERNANDESII relationem, coronæ huius folia facile decidere, quemadmodum etiam coronæ loco lacunam tantum exhibet figura PISONIS illaque maturi fructus & Pelæ & Malacka-Pelæ van REEDE, itemque nostra, nec non Cuiavi domesticæ RVMPHII, ubi vero lacuna hæc multifida mespilorum ferme modo repræsentatur; Cuiavi agrestis vero fructus maturus perfecte adhuc coronatus ab eo pingitur. Externam fructus superficiem plurimi læuem atque politam describunt; RVMPHIVS contra tuberculis inæqualem, quæ tamen addita figura haud notat; nostra vero indicat. Fructus odor laudatur quidem suavis & aromaticus: nihilominus tamen non solum HERNANDEZ, verum etiam SLOANE affirmat, eundem cimices quodammodo olere & gustantibus primis ingratum esse: RVMPHIVS illum cum fœni odore comparat, eumque gravem & ori comedentis diu inhærentem declarat. Colorem eius viridem vel luteum nominat C. BAVHINVS, ex viridi flavescens MARGGRAVIVS, ex viridi albicantem van REEDE, luteum OVIEDVS, (qualem etiam pictum sistit tabula Weinmanniana & Meriana 19.) dilute luteum SLOANE, saturate luteum COMMELINVS, aureum GOMARA & MONARDES, croceum nitentem PISO, ex luteo rubentem ostendit figura BOYMI, rubellum (reddish) nominat HILL subfuscum describit de LAET & similem (russet) cum maculis rubris HUGHES, quæ differentia vel secundum clima, vel maturitatis gradum differre possunt. Notatu dignum tamen est, quod RVMPHIVS annotat, nimirum Cuiavi domesticæ fructum esse primo viridem gramineum, dein sicci instar graminis vel pallide citreum, Cuiavi silvestris vero intense viridem gramineum & fere nigricantem, quem etiam servat. Internam substantiam in quatuor cameras divisam describit GOMARA, OVIEDVS & MONARDES, quibus contradicit SLOANE additque, ne membranis quidem, uti in Granato, separata esse semina, sed nuda pulpæ immerfa. Axem seu seminum receptaculum quinquifidum repræsentat nostra figura b., cuius separationis vestigium, sed obscurius, exhibet quoque figura RVMPHII, PLVKENETI ut & utraque van REEDE, unde forsitan camera derivata sunt. Omnium difficillime distingui possunt, quæ de fructus figura, eiusque carnis colore atque sapore traduntur. Secundum OVIEDVM, MONARDEM & LOPEZ de GOMARA figura aliis est longiuscula seu piriformis, aliis rotundior seu maliformis; pulpa aliis rubra vel punicea, aliis alba vel candida, vid. C. & I. BAVHINVS, DALECHAMPIVS & CLVSIVS. Eodem pene modo has differentias indicant PARKINSONVS, RAIVS, de LAET, & HUGHES, qui solus addit, eas valde leves esse: cuinam autem speciei vel, si mavis, varietati hæc vel illa nota constans aut accidentalis sit, ex his auctoribus haud patet. Neque etiam reliqui, qui distinctas Guaiavæ species proposuerunt, ita inter se conveniunt, ut nullum confusionis dubium supersit. Quantum ex nominibus specificis, iconibus, & descriptionibus

13
colligi potest, fructus forma piro mediæ magnitudinis similis est secundum HILL; carne quandoque rubra, quandoque alba, gaudet species prima SLOANE; fructu paullo maiori, intus albo, admodum succulento, non tamen adeo sapido eiusdem secunda; fructu oblongo, carne rubra & dulci est illa MARGGRAVII, PISONIS & BOYMI, alba & dulci Pelæ van REEDE, COMMELINI *Fl. Malab.*, secunda species *H. Amstel.* HERMANNI *H. L. B.*, prima species BOERHAAVII, MILLERI, RANDII; fructu primo rotundo deinde oblongo, carne pallide albicante cydoniorum instar, dulci sed in perfecte maturis minus grata, prima species RVMPHII; fructu rotundo, carne alba acida PLVKENETI, fructu rotundo, carne rubra acida CLVSII, Malacka-Pelæ van REEDE, COMMELINI *Fl. Malab.* prima species eiusd. *H. Amst.* HERMANNI *H. L. B.*, secunda BOERHAAVII, MILLERI, RANDII) fructu multo minori & prunum maiorem vix superante, perfecte rotundo, carne duriori, sed dulciori, coloris ad margines albi ac plerumque porro late rubentis, sed in plene maturis iterum evanescentis, secunda species RVMPHII: fructum & oblongum & rotundum uni ramo adhærentem carnemque rubram indicat nostra figura. Ob hanc nondum accurate definitam differentiam synonyma quoque confundunt plerique, quæ nos eadem ex ratione coniunximus: quomodo autem a nonnullis distinguantur, vid. SLOANE, LINNÆVS & BVRMANNVS *Thef. Zeyl.* 112. *Herb. Amboin.* 144. Sunt præterea, qui plurimum adhuc specierum mentionem faciunt. HERNANDEZ iam tres indicat, sed tertiam non describit & secundam solum depingit; a SLOANE additur tertia species fructu maiori albo; RVMPHIVS ut varietatem non solum p. 141. recenset aliam domesticam & p. 144. aliam silvestrem, verum etiam p. 145. addit iconem & descriptionem alius speciei, quam Cuiavillum nominat; MILLERVS denique in novissima Dictionarii sui editione tertiam speciem nominat Guaiavam albam fructu parvo odorato. Accuratiori ergo disquisitione adhuc opus est, quanam differentia constantes sint, quæve a cultura vel tempestatis aut maturitatis gradu dependeant. HERNANDEZ secundam speciem a prima distinguit sola tantum fructus magnitudine & horridi illius gravisque odoris magna ex parte absentia; MARGGRAVIVS & PISO nos docent, saporem fructus maturi, sed nondum flavi, esse austeriusculum & adstringentem, deinde gratum & mediæ naturæ, denique dulcem; SLOANE in tribus speciebus recensitis nullam aliam differentiam invenit, quam fructus magnitudinem eiusque carnem magis vel minus succulentam gratamque; RVMPHIVS annotat, Cuiavi domesticæ alteram speciem differre fructu paullo minori ac magis albenti, glabriore quoque & rotundiori, sed multo succosiori delicatiorique & silvestrem cum altera eius specie convenire fructus carne, odore & sapore, sed hunc raro maturefcere atque minorem esse: silvestrem præterea producere fructum odoris non adeo gravis, eamque fruticis modo crescere, cultura in hortis vero accedente arborefcere & tunc maiores fructus ferre delicatiores mollioresque; ceterum silvestrem cum Americana eandem esse, ex collatione aliorum auctorum, præcipue IOSEPHI ACOSTÆ, concludit idem p. 143. MILLERVS denique l. c. in expositione addita inter alia hæc, latine reddita, adiungit: „duæ species priores proferunt fructus, „illi Mespili & magnitudine & figura similes. Caro primæ „speciei rubra est, secundæ alba: posterior dulcior est priore, „quæ austera & adstringens deprehenditur quodammodo Granati fructui similis: num vero hæc stirpes specificè differant, „determinare haud valeo. Tertia species sponte crescens „reperitur in omnibus insulis Americæ, ubi frequenter inter „duas priores occurrit. Huius fructus est ferme ovalis & „Grossulariæ maiori magnitudine par, coloris obscure albidus, „maturus vero spirat odorem maxime fragrantem: siquidem „unicus fructus odore suo amplum conclave replet, id quod „nunquam observavi in ulla reliquarum specierum, quarum „fructus in Anglia sæpius ad perfectionem pervenerunt. „Quousque hæc conveniat cum Cuiavillo Rumphii, in cuius descriptione odoris præstantioris nulla fit mentio, iudicent alii. Ut autem hætenus recensitæ differentia ex causis accidentalibus variare queant: annotata tamen reperiuntur & alia, quæ constantem & omnino specificam differentiam indicare videntur. Tales sunt Cuiavi silvestris rami quadranguli, quos non solum LINNÆVS pro characterè specifico agnovit (attamen in *Spec. Plant.* iterum dimittit) verum etiam van REEDE æque ac RVMPHIVS sigillatim indicavit, neuter vero in additis figuris, uti EHRETIVS, repræsentavit.

Addit porro RVMPHIVS, silvestris flores onustos esse staminibus pluribus & magis extensis, florum tres plerumque coniunctos ex uno petiolo prodire; sed huic ultimæ notæ nec nostra nec H. Malabarici figura respondet: an propterea illa RVMPHII iterum distinguenda? Tandem monemus, secundum OVIEDVM, teste DALECHAMPIO & utroque BAVHINO, Guaiabo esse nomen arboris, Guaiaba vero fructus: ceterum Guaiavæ insulæ mentionem facit de LÆT l. c. 341. Obscurum est igitur etymon huius vocis, ex qua reliquæ derivatæ videntur: hinc lubenter LINNÆI nomen substitutum, Psidium nempe, prætulissimus, nisi obstitisset homonymum, *Psidium* enim *Nicandri*, *Virgilii* & *Columellæ* seu *Pistium Plinii*, vitis & uvæ passæ, nimis sane ab hac stirpe differentis, speciem significant.

TAB. XLIV.

HAEMANTHVS Colchici foliis, periantheo herbaceo, *Dill. H. Elth. p. 167. t. 140. Mill. Gard. Dict. Rand. H. Chelf. p. 92.*

Hæmanthus Zeylanicus polyphyllus caule maculato Commelini *Tilli H. Pis. p. 79.*

Hæmanthus foliis lanceolatis *Linn. H. Cliff. p. 127. Roy. p. 42. Wachend. p. 309. Hill. Hist. of plants p. 384.*

Hæmanthus foliis lanceolatis undulatis *Linn. Spec. pl. p. 325. n. 2.*

Dracunculoides *Berb. Ind. alt. II. p. 266.*

Expos. a. flos integer, *b.* ovarium infra florem, *c.* corolla dissecta & explanata a facie interna cum sex staminibus tubo adcretis, *d.* ovarium denudatum, *e.* stylus cum stigmate obtuso, *f.* bacca integra, *g.* transverse secta, *h.* semen, *i. --- p.* idem iam vegetans.

Nota. Plantam hanc accuratissime iam delineavit & descripsit DILLENIVS, cuius cum descriptione conferri potest illa MILLERI atque BOERHAAVII. Posterior baccam declarat monopyrenam, & talem etiam repræsentat nostra figura *g. h.* Sed DILLENIVS monuit, baccam esse tricapsularem & tripernam (cum quo consentiunt MILLERVS atque LINNÆVS *Pl. Gen. no. 347.*) in imperfectis manifeste conspicendam (quam etiam delineat) unum vero vel alterum tantum semen ad perfectionem pervenire. Est autem hoc nil insoliti in pluribus aliis stirpibus ipsisque Europæis bacciferis, in quorum seminum numero definiendo haud raro hallucinati sunt auctores non infimi subfellii, maturam tantum baccam examnantes: idem sæpius quoque contingere in plantis sic dictis verticillatis & asperifoliis, notum est. Ceterum figura nostra *f.* angulis suis plura loculamenta vacua indicare videtur. Sæpius laudatus MILLERVS præterita æstate cum pluribus fructibus rarissimis, singulari favore publice deprædicando, misit etiam huius stirpis aliquot baccas siccas, omnes monopyrenas, quarum aliquæ chartis adhuc inclusæ vegetare cœperunt, quod iucundum spectaculum depictum conservare haud supervacaneum duximus, sistit ergo *i.* baccam siccam membranaceam, *k.* eius petiolum, *l.* umbilicum, cum quo adhuc coherent seminis exuvie corrugatæ *m.*, ex quarum ima parte prodiit radícula *n.* bulbum novum *o.* alens, in quo pro excludendo scapo vestigia *p.* satis manifeste iam discerni possunt. Num hæc stirps & Satyrium e Guinea delatum Robini sit una eademque planta, sollicite etiam inquisivit idem DILLENIVS. Reperitur hæc figura in libro, cui titulus: *le Jardin du Roy tres Chretien Henry IV. &c. par PIERRE VALLET, brodeur ordinaire du Roy, 1608. tab. 41.* cuius cura, consentiente IO. ROBINO, Botanico Regio & Iatrici horti curatore (qui etiam brevem aliquot rariorum plantarum, & inter eas huius quoque Satyrii, descriptionem addidit) hæc effigies in publicum prodierunt. Eandem ipsam effigiem citatam paullo post, nempe 1612. repræsentavit SWERTIVS *Florileg. P. I. t. 62.* absque auctoris nomine, imo in nomen indice addidit, hanc plantam nondum esse descriptam, quum tamen certo certius eius figura nullatenus sit alia, si excipias tuberis fibras, nescio quo consilio, exiguis globulis terminatas, Swertianæ imaginis imitationem A. 1626. iterum publicavit *Anthologia seu Florilegium in officina Bryana excusum t. 44.* (ubi turpi plagio, præter icones, descriptiones quoque ROBINI sine auctoris nomine reperiuntur) ut & MATTH. MERIAN *Florilegium renov. & auctum A. 1641. sequutum t. 44.* nec non A. 1719, VALENTINI *Viridarium reformatum t. 198.*, quæ cum illa Meriana & Bryana tabula una eademque est. Interea etiam

hæc ipsa effigies iterum comparuit A. 1701. in OL. RVD-BECKII *Camp. Elyf. L. II. p. 210. t. III.* qui pedunculum cum tubere coniunxit, sed figuram, uti omnes rarissimi huius libri, ligno tantum incisam exhibuit, solus vero ingenue fassus est, se plantam non vidisse. Postquam huius plantæ effigiem cum sua planta curatius comparavit DILLENIVS & differentias haud leves annotavit, tandem concludit: „ si figura sit „ accurata, non potest esse nostra planta; accuratam vero „ esse vix crediderim & eandem cum nostra plantam figurari „ suspicor. „ Quamquam autem in reliquis figuris tot tantosque errores haud commiserit VALLET, id quod assertionem hanc dubiam facere posset, eandem tamen firmare videtur icon postea ab ALB. SEBA *Thef. I. t. XII.* exhibita & *p. 20.* nominata Hyacintho affinis Africana, tuberosa caule elegantissime maculato, foliis Colchici latissimis, floribus coccineis, hexapetalis, umbellatis *Hort. Beaum.* quo nomine indicatam plantam pro sua agnovit DILLENIVS. Hæc imago differt a Robiniana & convenit cum Dilleniana & nostra pedunculo florido non ex foliorum gremio, sed ad eorum latus, prodeunte; florum pediculis non nodosis aut articulatis, sed integris; corollæ subiecto ovario non adeo tumido; foliorum marginibus undulatis, & radice tubere magis conico. Differt autem eadem a Dilleniana & nostra, propius vero convenit cum Robiniana, florum copia multo magis dispersa, eorum tubo angusto & cylindrico, limbo in segmenta angustiora, acutiora & amplissime explanata diviso, staminum filamentis longioribus & magis expansis: insuper radice tuberi non insidet novum tuber pro pedunculo florifero excludendo, illius vero fibræ multo tenuiores sunt, quam in Dilleniana & nostra figura. Ceterum magnitudo totius iconis multum excedit Robinianam & spatha penitus omissa est, quam tamen, licet in angustiora & reflexa segmenta divisam, illa indicat. Descriptio addita brevis pariter, ac illa Robiniana, ad hæc declaranda minus sufficit. Ex his omnibus probe ponderatis omnino plusquam probabile videtur, & SEBÆ & ROBINI effigiem potius haud omni accurate, immo Robinianam nonnisi ad siccatum exemplar effictam esse, quam aliam speciem indicare. Quod ad reliquas a laudato DILLENIO citatas PETIVERII & LOBELII figuras attinet, illæ tam viles & imperfectæ sunt, ut earum comparatio difficillima semper futura sit. His subiungimus, periantheum equidem in nostra imagine herbaceum non esse; coloris vero differentiam a soli folisque benignitate dependere, vidimus in planta hic locorum culta, cuius periantheum parum tinctum atque etiam flores coloris multo dilutionis apparebant.

TAB XLV.

HELIOCARPVS *Linn. H. Cliff. 211. t. XVI. Roy. Fl. Leyd. Prodr. 477. Wachend. 91. Hill Hist. of Pl. 481.*

Montia arborecens, Abutili folio ferrato, fructu racemoso Houst. *Mill. Gard. Dict.*

Expos. a. flos separatus a facie antica; *b.* postica, *c.* racemus cum capsulis maturis, *d.* capsula separata cum radiis suis, *e.* eadem aperta bilocularis, *f.* semina, *g. h. i.* eadem partes in magnitudine auctæ.

Nota. LINNÆVS *H. Cl. l. c.* propterea mutavit nomen huius stirpis ab HOVSTONO ipsi adscriptum, quia ante hunc Montie nomine aliud plantarum genus iam indigitavit MICHELIVS. MILLERVS non solum Montie nomen retinuit, verum etiam corollæ structuram definit monopetalam infundibuliformem, cuius pars ima tubulosa, superior expansa & in quinque partes secta est, quæ in *Linn. Gen. Pl. edit. I. n. 444. II. n. 530.* tetrapetala pronuntiatur & in Horto Cliffortiano talis etiam depingitur. Quoniam EHRETIVS in nostra imagine floris analysin omisit, hæc plura non declarat, quam quatuor segmenta; forsitan autem quinquarius eorum numerus haud rarior est. Staminum numerum LINNÆVS in generis definitione citata ad 14. extendit, proptereaque hanc stirpem polyandriis adscribit, in speciebus Plantar. vero p. 448. dodecandriis adnumerat. HILLIVS characteris definitioni Linnæianæ, Anglice tantum redditæ, nihil addidit. Racemum cum capsulis depingendum nobiscum communicavit iterum laudandus BEVRERVS. qui eius exemplar inter plantas siccas asservat. Alter loculorum dispermos observabatur, ex quibus binis feminibus vero alterum, in sede sua relictum, ad perfectionem non pervenit.

TAB.



HÆMANTHVS *Colchici foliis, periantheo herbaceo* Dill. H. Elth. p. 167. t. 140.

a. flos integer, b. ovarium infra florem, c. corolla dissecta et explanata a facie internâ cum sex staminibus tubo adherentibus, d. ovarium denudatum, e. stylus cum stigmate obtuso, f. bacca integra, g. transverse secta, h. semen, i. - p. idem jam vegetans.



HERBARIUM



HELIOCARPVS Linn. *H. Cliff.* p. 211. t. XVI.

a. flos a facie antica, *b.* postica, *c.* racemus cum capsulis maturis, *d.* capsula integra cum radiis suis, *e.* aperta bilocularis, *f.* semina, *g. h. i.* partes eadem in magnitudine aucta.



PLANTAE
SELECTAE

QVARVM IMAGINES

AD EXEMPLARIA NATVRALIA

LONDINI IN HORTIS CVRIOSORVM NVTRITA

MANV ARTIFICIOSA DOCTAQVE PINXIT

GEORGIVS DIONYSIVS EHRET
GERMANVS

OCCASIONE HAVD VVLGARI COLLEGIT

NOMINIBVS PROPRIIS NOTISQVE SVBINDE ILLVSTRAVIT

ET PVBLICO VSVI DICAVIT

D. CHRISTOPHORVS IACOBVS TREVV
MEDICVS NORIMBERGENSIS

IN AES INCIDIT


ET VIVIS COLORIBVS REPRESENTAVIT

IOANNES IACOBVS HAID
PICTOR ET CHALCOGRAPHVS AVGVSTANVS

* * * *

DECVRIA V.

A.R.S. MDCCLVI.






J. K. H. H. K. F.



TACAMAHACA foliis crena-

tis, Sadelhout P. B. P. 579. Pluck. Phytogr. t. 281. f. 2. Almag. 360. Mill. Gard. dict. app.
 a. Julius seu amentum maris, b. squama, c. eadem a facie interna in magnitudine aucta.





CROTALARIA foliis solitariis lanceolatis lanuginosis petiolis
sessilibus, caule ramoso striato, flore magno aurco .

a. vexillum, b. b. duae alae, c. carina, d. stamina et pistillum in nexu naturali, e. stamina decem explanata, f. pistillum seu ovarium
et stylus recurvus cum stigmate laterali, g. calyx, h. fructus maturus cum calyce persistente.

TAB. XLVI.

POPVLVS foliis longe petiolatis, oblongo lanceolatis, ferratis, subtus albicantibus, mas.

Tacamahaca foliis crenatis, Sadelhout, seu lignum ad ephippia conficienda aptum *Parad. Bat. Prodr.* 379. *Pluck. Phytogr.* t. 228. f. 2. *Almag.* 360. *Miller. Gard. Dict. app.*

Expos. a. Iulus seu amentum masculinum; *b.* squama separata; *c.* eadem a facie interna, magnitudine aucta.

Nota. Huic effigiei EHRETVS subscripsit hæc: „ Tacamahaca „ vulgo, Populus gemmis balsamum fundentibus. Iulus appa- „ rebat hoc anno 1748. sine foliis, & deinde iterum cum foliis, „ uti hic repræsentatur.„ MILLERVS l. c. nomine Tacama- hacæ supra indicato describit arborem, quæ sponte crescit in terris continentibus Americæ, ubi incolæ verno tempore vulnerant eius truncum, ad eliciendum balsamum a medicis illius regio- nis maxime celebratum atque etiam catalogo simplicium infer- tum, cuius vero usus nunc in Anglia exiguus est. Aliquot huius arboris soboles ante paucos annos ex Canada in Gal- liam apportabantur, unde nonnulli curiosi eas in insulam *Jersey* introducebant, in hortis propagabant, indeque Angliæ reginæ postremæ nomine *Arbre de la Reine* dono mittebant. Arbor hæc satis resistere valet hiemali climatis nostri frigori libero sub aere &c. Flagella eius, pariter ac folia, penitus similia sunt illis populi nigræ, & gemmæ, anno renascente, antequam folia excludunt, testæ sunt balsamo glutinoso obscuri coloris, quod tactum digitis adhæret gravemque spirat odorem. Folia circa festum Michaelis cadunt, & nova prodeunt sub finem Februarii aut initium Maii; est namque ex arboribus, quæ verno tempore primæ regerminant. Earum plures nunc coluntur in horto Chelseano, quæ prodixerunt flores suos masculinos seu iulos, qui valde similes sunt illis nucis iuglandis aut populi, hincque probabile est, eam esse speciem posterioris generis; quoniam vero fructus conditio ignota est, & in hortis Angliæ nulla harum arborum eum hucusque produxit, genuinum genus definiri nequit. Arbor vastis dispersa ramis haud videtur, quantum ex iis in Anglia crescentibus colligi potest, ubi nec ultra 14. vel 16. pedum altitudinem nec in amplos caudices excreseunt, ex fundo autem sursum plures protrudunt ramos laterales seu stolones. Hactenus ille. Si hac cum descriptione comparatur nostra imago nomenque ab EHRETO adscriptum: nullum superest dubium, quin unam eandemque declarent stirpem; populi autem eam esse speciem genuinam, eo minus dubitamus, quo magis non solum huius arboris totus habitus atque balsami ex gemmis profusio, aliis populi speciebus communis, respondet, verum etiam in eo convenit, quod solos masculinos flores ferat, uti populus, quum in iuglande & masculini & feminini flores in una eademque arbore reperiantur, & naturæ legibus, præsertim in stirpibus succulentis ad vires suas perfectas absque impedi- mento pervenientibus, non respondeat, ut post aliquot demum annos feminini flores hosque subsequuturi fructus cum mascu- linis prodeant: anno nempe 1748. EHRETVS depinxit flores masculinos & A. 1752. MILLERVS evulgavit nuper- rimam *Dictionary* sui editionem, quo tempore feminini non- dum comparuerunt. Persuasi ergo sumus, hanc stirpem nun- quam fructum prolaturam, sed eius femellam propriam accer- sendam esse pro notis floris feminei definiendis. Populum nigram folio maximo gemmis balsamum odora- tissimum fundentibus describit & delineat CATESBY *natural history of Carolina &c.* T. I. tab. 34. & *Seligmanna* in editione tab. 68. quæ est Populus foliis subcordatis oblongis crenatis *Linn. H. Cliff.* 460. *Spec.* 1034. n. 4. cuius notæ specificæ ab illis nostræ valde differunt. An cum nostra imagine magis conveniant illæ notæ Populi foliis ovatis, acutis, ferratis *Gmel. Flor. Sibir. I.* p. 152. t. 33. quam & Catesbyanum pro una eademque habet LIN- NÆVS l. c. aliis diiudicandum relinquimus: huius certe foliorum figura & totius stirpis altitudo magis respondet no- stræ stirpis descriptioni atque imagini, quam Catesbyanæ. Hanc nostram stirpem & Tacamahacam P. B. Pr. & PLVKENETI esse unam eandemque, maioribus adhuc pre- mitur difficultatibus. Auctor paradisi Batavi prodromi dubius

quidem addit: an Tecomahaca *Hernandez rer. med. novæ Hisp. Thes.* p. 55. & PLVKENET (cuius icon *Hernandesianæ* quoad foliorum figuram & coniugationes valde similis est; flos vero & fructus neque delineantur, neque describuntur) absque ulla hæsitazione illam pro synonymo agnoscit; sed HER- NANDESII figura æque ac eius descriptio sistit fructum in postremis ramorum flagellis crescentem, parvum, obrotundum, fulvum ac semine nucleo perfici haud ab simili refertum; folia præterea obrotunda (seu potius, secundum figuram, ex ro- tunda basi oblonga & acuminata) mediocria, ferrata, & quod præcipue notandum, non alterno, ut in nostra imagine, verum coniugato ordine, & quidem ad modum compositorum sine impari. Arboris Tacamahacæ descriptiones NIC. MONAR- DIS *simpl. hist.* p. 5. & ex hoc CLVSSII *exotic.* p. 298. & IO. FRAGOSI *aromat. hist.* p. 97. b. magis adhuc mutilæ & imperfectæ sunt, nec plura referunt, quam quod arbor magna sit, ut populus, admodum odorata, & fructus ruber, pæoniæ feminis modo. LINSCHOTVS *Ind. Or. P. IV. c. VII. p.* 110. hanc arborem describit altam, eius folia longa angusta- que, fructus prunis nostratibus magnitudine similes: quæ descriptio a nostra imagine iterum quam maxime differt. Quæ recentiores auctores, C. BAVHINVS *Pin.* p. 430. n. I. II. I. BAVHINVS *Hist. I. Libr. IX. c. 60. p. 346.* PARKIN- SONVS *Theatr. bot.* 1608. & RAIVS *Hist. II.* 1846. n. 11. de arbore hac protulerunt, ex auctoribus hactenus citatis mu- tuata sunt. POMET *Traité gen. des drogues* 263. aliam qui- dem affert descriptionem & iconem, secundum quam arbor populo pariter quidem similis dicitur; sed folia viridia cum illis buxi comparantur, & fructus rubri nucis nostratis magni- tudine describuntur, quibus tamen icon minime respondet proindeque ficta potius videtur. Quæ IAC. SAVARY *Diction. univ. de Commerce* p. 911. refert, ex POMETO de- sumpta sunt. WEINMANNVS *Phytanthoz.* t. 960. fig. a. folia repræsentat parva, crenata, & pruno silvestri persimilia, fructum colore sanguineo & magnitudine prunis damascenis haud inferiorem: sed suspicionem de hac quoque imagine non genuina habenda auget descriptio p. 395. *sequ.* (ubi Taco- maree *Bras.* ut synonymum perperam additur, quæ arundo saccharifera est, vid. *Marggr. Hist. Bras.* 82. & *Piso* 108.) ex auctoribus iam citatis tantum desumpta. Si autem veri quid contineant hæ descriptiones, id tantum probant, hanc arbo- rem nil commune habere cum nostra, & comparisonem cum populo ad solam magnitudinem, vel ad summum etiam ad faciem externam eius, esse referendam. Neque tamen recentissimi & præstantissimi auctores, e. c. DALE *Pharmacol. edit. Lugd. Bat.* 1739. 4. p. 330. n. 4. IO. BOECKLERVS *Comment. ad P. Herm. Cynos. mat. med.* p. 657. NEWMANNVS *Chymia med. T. II. P. III. a Kesslio edit.* p. 72. & GEOFFROY *Traité de la matiere medicale T. IV. Sect. I. p.* 104. alia, quam hactenus allata sunt, nos edocere potuerunt, unde palam est, arbo- rem, gummi tacamahacam iam dudum notissimum & usu pro- batissimum fundentem, secundum proprios characteres suos omnino adhuc incognitam esse. IAC. BREYNIUS *Eph. N. C. Dec. I. a. III. p.* 516. describit Tacamahacam liqui- dam, Guiana ex provincia allatam, sed arboris, ex qua col- ligitur, nullam prorsus mentionem facit.

TAB. XLVII.

CROTALARIA foliis solitariis lanceolatis, lanugi- nosis, petiolis sessilibus, caule ramoso striato, flore magno aureo.

Expos. a. Vexillum; *bb.* duæ alæ; *c.* carina; *d.* stamina & pistillum in nexu naturali; *e.* stamina decem connata & explanata, ex quinque filamentis brevibus & antheris longis, & ex quinque filamentis longis & antheris brevibus sphericis composita; *f.* pistillum seu ovarium cum stylo recurvo eiusque stigmate laterali; *g.* calyx eiusque labium superius bipartitum a vexillo repando depressum, inferius tripar- titum connivens, carinam excipiens; *h.* fructus seu legumen.

Nota. Nostræ imaginis absque nomine acceptæ planta, referente EHRETO, Orientem agnoscit pro patria, & sex ferme pedum alta atque in tres vel quatuor ramos explicata, A. 1744. in horto Chelseano floruit. Ex Crotalariae speciebus hucusque depictis & descriptis nulla propius ad nostram accedit, quam Crotalaria foliis lanceolatis, petiolis sessili- bus, caule striato *Linn. H. Cliff.* 357. n. 2. ubi simul exacte descripta reperitur; vexillum tamen nostræ non flavum sed

fed aureum, & staminum conformatio peculiaris est, quam EHRETVS non solum depinxit, verum etiam in nota addita, follicito examine repetito, admiratus est, LINNAEVS vero non annotavit, qui etiam leguminis figuram non descripsit. Quod ad figuras attinet, quas laudatus auctor in synonymis l. c. additis citat, illae omnes parum respondent nostrae, quam procul dubio ob rationem ipse *Spec. Plant. p. 714. n. 3.* unicum tantum synonymum servavit, scilicet Crotalariam Bengalensem, foliis Genistae hirsutis *Pluk. Almag. 122. Phytogr. t. 169. f. 5.* sed huius quoque figura cum nostra vix comparari potest.

TAB. XLVIII.

AZALEA scapo nudo, floribus confertis terminatricibus, staminibus declinatis *Linn. H. Cliff. 69. Mill. Gard. dict. edit. noviss. app. 5.*

Azalea foliis ovatis, corollis pilosis, staminibus longissimis *Linn. Spec. Pl. I. 150. n. 3.*

Azalea ramis infra flores nudis *Gronov. Fl. Virg. I. 21.*

Cistus-Ledon flore monopetalo rubente, caprifolio simili, odorato, capsula sicca longa angusta, per maturitatem quinquefariam dehiscente *Clayt. ibid.*

Cistus Virginiana, flore & odore Periclymeni D. Bannisteri *Pluk. Almag. 106. Phytogr. t. CLXI. f. 4. Catesb. I. p. 3. t. 57.*

Expos. a. Flos integer; *b.* calyx brevissimus; *c.* stamina declinata, seu deorsum flexa longissima; *d.* stilus cum stigmate globoso; *e.* corolla dissecta & explanata; *f.* ovarium, cui stilus infidet & stamina adstant; *g.* scapus cum fructu maturo; *h.* gemmae foliorum florumque anni subsequuturi & per totam hiemem iam conspicuae; *i.* fructus quinquelocularis & corona quinquifida ornatus; *k.* idem, maturus in quinque loculos facile a seminum axi secedentes dehiscens; *l.* calyx persistens; *m.* loculi tegumentum secedens; *n.* idem separatim; *o.* transverse dissectum quasi trigonum; *p.* fructus transverse sectus cum quinque loculis contiguis; *q. q. q.* styli pars persistens; *r. r.* axis cum stylo continuus, cui quinquepartitum adherent copiosa semina foliacea; *s. s.* semen in naturali t. aucta magnitudine, *u.* dissectum tenuitatem indicans.

Nota. Eleganter delineatam hanc stirpem iam exhibuit PLVKENETVS, qui effigiem, ab ipso BANNISTERO factam, accepit communicatam; differt autem a nostra imagine horum in superficie pilosa & foliorum situ ex adverso bino: coloris in flore mentionem nullam facit. Num pilositas (quam etiam supra tab. XXXVIII. p. 10. a. annotavimus) ubique constans, an climatis tantum productum sit, aliis diiudicandum commendamus; certe nec nostra, nec Catesbiana imago horum vestigium manifestat. Est autem hoc Catesbianum exemplar minori cura elaboratum tum floris tum seminis capsularum figurae intuitu, cuius insuper explicatio imperfecta est. Ceterum hic atque etiam MILLERVS floris colorem varium indicat ita, ut in aliis albus, in aliis ruber, iterumque in aliis purpureus compareat: Catesbiana imago in exemplari nostro picto cum nostra penitus colore convenit. GRONOVIVS simplicem varietatem hanc tacet; recenset vero l. c. *Azaleam* ramis infra flores foliosis & ex observatione CLAYTONI addit, esse hanc speciem flore albo glutinoso odoratori. Num haec, foliorum situ vere differens species, quae est *Azalea* foliis margine scabris, corollis piloso-glutinosis *Linn. Spec. Pl. 151. n. 4.*, alia sit, quam illa floris tantum colore variante, modo indicata, doceant alii. LINNAEVS in plantar. speciebus omnia immutat. Nomen, in horto Cliffortiano indicatum & nostram imaginem satis apte definiens, hic non solum mutat, atque ab eo separat nomen Plukenetianum & Catesbianum supra citatum antea cum hac specie coniunctum, nunc autem ad n. 4. demandatum; verum etiam ei iungit *Cistum Virginianum* Periclymeni flore ampliori minus odorato *Pluk. Mant. 49.* & *Azaleam* erectam, foliis ovatis integris alternis, flore luteo piloso praecoci *Cold. 25.* Quo iure hoc fecerit, nostrum non est disquirere: Catesbiana & nostra stirps certe est eadem, & Londini Bannisteriano sub nomine colitur, neque vero colorem floris luteum neque ramos infra flores foliosos habet. Nostram imaginem iam ante aliquot annos ad nos transmisit EHRETVS, sed absque fructus repraesentatione, quam anno 1753. demum ad exemplar in horto Domini IO. ELLIS maturitatem consequutum elaboravit & nobiscum communicavit. Chara-

cterem huius generis iam exposuit LINNAEVS *Gener. ed. I. n. 151.* & paucissimis mutatis *ed. II. n. 154. edit. V. n. 195.* quem iterum sola interpretatione sequutus est HILL *p. 268.* Ab hoc caractere recedit nostra species germinis, capsulae & seminum figura. Praeter hanc speciem plures adhuc recenset LINNAEVS *Flor. Lapon. n. 89. 90. Fl. Suec. n. 170. 171. Spec. Plant. I. p. 150. n. 1---6.*

TAB. XLIX.

ANONA foliis ovatis acutis, flore albido ungue purpureo, fructu coniformi tuberoso nigricante.

AnGuanabanus Perseae folio, flore intus albo exterius virescente, fructu nigricante squamato, vulgo Cherimolia *Fevillée Journ. des obs. phys. &c. p. 24. t. 17?*

Expos. a. Calyx exiguus triphyllus; *b.* flos ab anteriori facie cum staminum brevissimorum seu potius antherarum fasciculo & pistilli stigmate triquetro; *c.* petalum transverse sectum, ubi apparet eius unguis excavatus, & compages crassa triquetra; *d.* fructus ex *Fevillée*; *e.* idem a facie laterali alia, *f.* a facie postica; *g.* idem transverse sectus; *h.* semen; *i.* nucleus denudatus.

Nota. Anon, Anonae & Guanabani nomine dudum iam notae fuerunt nonnullae stirpes, teste C. B. *pin. p. 434. a. n. 8. 9. 10. p. 439. b. n. 3.* ad quas ab aliis etiam referuntur Quautzapoti *Hern. p. 90.* & Ate vel Ahate de panucho (quae omnino huc pertinet) *eiusd. p. 348. & 454.* nec non ex BOYM *Flor. Sin. tab. D. E. M. & N.* (absque dubio huc pertinet ultima Ya-ta dicta) a quibus omnibus autem non nisi obscura incertaque tradebantur. Immortalis memoriae van REEDE *H. Malab. T. III. t. 29. 30. 31.* duas species describendas & depingendas curavit tam accurate, ut ex his iam floris fructusque character cognosci possit: harum synonyma curatius adhuc conquisivit C. COMELINVS *Flor. Malab. p. 5. a.* Hunc sequutus est PLVKENETVS, qui *Almagest. p. 31. seqq. (conf. Mantiff. p. 14.)* praeter unam varietatem septem species nominat totidemque figuris delineat, quibus tamen nonnisi folia & semina studiose repraesentavit. Eodem tempore prodit SLOANE *Catal. pl. Jamaic. ubi p. 203. seqq.* octo species producantur & synonymis suis illustrantur, quae iterum novis curis recensentur *Itinerar. Vol. II. p. 166. seqq.* earumque sex figuris septem quoad ramum foliosum fructumque in magnitudine naturali, nullius vero tum floris figura tum fructus structura interna delineantur, petala tamen fructusque facies externa ac color subinde describuntur. Figura atque descriptio, quam deinde I. COMELINVS *H. Amst. I. t. 69. p. 133.* publicavit, imperfecta est & in notis adiectis quatuor describuntur fructuum tantum differentiae. Paullo post PLVMIER *Pl. Amer. Gen. p. 43. & ult.* Guanabani nomine sex recenset species inter SLOANE synonyma in Itinerario addita reperiundas, RAIVS vero *Hist. T. II. p. 1650. seqq.* novem collegit species, & *T. III. Dendrol. p. 77. seqq.* quasdam earum notis illustrat novemque alias potissimum ex SLOANEI recensione superaddit, quarum tamen aliae caractere huius generis non gaudent, aliae etiam bis alio nomine occurrunt. Haud ita pridem in RVM-PHII *Herb. Amb. T. I. t. 45. & 46.* iterum comparuerunt duae illae species ex H. Malab. citatae, (figuris tamen non omni ex parte similibus, ut ipse iam annotavit BVRMANNVS *ibid. p. 138.*) addita pariter floris & fructus structura, in descriptione paullo uberius exposita. His denique accesserunt quinque specierum figurae vivis coloribus a CATESBY *Vol. II. p. 64. 67. 85. 86. 87.* repraesentatae, ex quibus 85. est illa, cuius imaginem accuratiorem tab. V. iam exhibuimus, 87. autem huc non pertinet; neque dubium est, quin plures harum stirpium, Anonae vel Guanabani nomine hucusque recensitarum, partim cum huius generis characteribus non conveniant, partim praeter naturam multiplicatae sint, de quibus mox plura. Est enim historia huius stirpis eiusque specierum adhuc valde obscura potissimum ex eo, quod vix una vel altera earum in Europa educata, & nulla adhuc ad fructum perficiendum perducta est, auctores vero, qui eandem in patria sua observarunt, vel in omnibus notis genericis & specificis annotandis aut delineandis minus accurati, vel saltem occasione, omnes species hucusque recensitas inter se conferendi, destituerunt. Accuratus ergo omnium specierum synonymorum index nunquam forte expectandus est, quod conamina PLVKENETI *Almagest. & Mantiff. C. COMELINI Flor. Malab. RAII Hist. T. II. & III. Dendrol. SLOANE Catal. Pl. Jam.*



AZALEA scapo nudo, floribus confertis terminatricibus, staminibus declinatis Linn. H. Cliff. p. 69.

a. flor. integer, b. calyx brevissimus, c. stamina declinata, d. stylus cum stigmate globoso, e. corolla dissecta et explanata a facie interna, f. ovarium cui stylus infidet et stamina adstant, g. scapus cum fructu maturo, h. h. germina foliorum florumque, i. fructus quinquelocularis, k. idem maturus dehiscens, l. calyx persistens, m. loculi tegumentum secedens, n. idem separatim, o. transverse dissectum, p. fructus transverse sectus, q. q. q. styli pars persistens, r. r. axis cum stylo continuus, s. s. semer in naturali, t. u. in aucta magnitudine.



1.1.11.21



GNANABANVS *Persea* folio, flore intus albo, exterius virescente, fructu nigri-
cante squamato, vulgo *Cherimolia* Feuillee Vol. II. p. 24. t. XVII.

a. calyx exiguus triphyllus, b. flos ab anteriori facie cum staminum brevissimorum fasciculo et pistilli stigmate triquetro, c. petalum transverse sectum, ubi apparet eius unguis excavatus et compages crassa triquetra, d. fructus, e. idem a facie laterali alia, f. a facie postica, g. idem transverse sectus, h. semen, i. eiusdem nucleus denudatus, k. folium ab utraque facie ex Feuillee.



& *Itiner. BVRMANNI Thes. Zeyl. & Comment. in H. Amboin.* satis iam probant; ex iis tamen speciebus, quarum flores fructusque paullo accuratius descripti vel depicti sunt, id certum colligi potest, florem constare ex calyce triphylo & corolla tripetala, fructum vero esse multilocularem, singulosque loculos unicum continere nucleum, ea tamen differentia, ut, quod ad florem pertinet, duos constituent ordines. Nimirum ordinis I. calycis folia sunt crassa, cordiformia, petalisque maiora, ipsaque petala satis etiam firma, oblonga & excavata. Ita sane sistitur 1.) Araticu ponhe Marggr. *Hist. Bras. p. 93.* & *Pison. Hist. Ind. p. 142.* ubi male quidem depingitur, sed a MARGGRAVIO sollicite hisce describitur: „Hinc inde „provenit flos magnus, egregius, magnitudine superans florem Fritillariae, totus flavus, exterius compositus e tribus foliis cordiformibus, sesquidigitum longis, & crassis instar corticis aurantii „mali, erectis, quae in sui medio continent alia tria minora & „dimidia crassitie, quorum quodlibet semiglobum excavatum refert, „tria autem haec ita composita & extremitatibus sibi imposita sunt, „ut globum integrum interius cavum & magnitudine iuglandis referant &c. „ quae brevius repetit PISO. Eadem MARGGRAVIO descriptio exstat quoque in *RAII Hist. T. II. p. 1651. n. 5.* ubi comparatur cum Araticu prima seu simpliciter dicta *Franc. Redi Exper. nat. (edit. lat. Amstel. 1675. 12. p. 70. & 75. edit. Ital. Venet. 1712. 8. mai. T. II. p. 45. seqq.* utrimque cum figura in nat. magnitudine; sed tantum quoad externam faciem) & cum una eademque MARGGRAVIO icone occurrit in *WORMII Mus. p. 186.* cui SLOANE iungit suam Anonam maximam, foliis latis splendentibus, fructu maximo viridi conoide, tuberculis seu spinulis innocentibus aspero *Cat. p. 203. Itiner. T. II. p. 166. n. XXIX. t. 225.* ubi vero floris delineatio nulla & descriptio non eadem, siquidem trium foliorum viridum & trium petalorum crassorum ex luteo viridescens mentionem tantum facit. Haec autem est Annona foliis ovali-lanceolatis glabris nitidis planis, pomis muricatis *Linn. H. Cl. 222. Sp. Pl. 536. n. 1.* 2) Araticu pana Marggr. *ibid. p. 94. & Pison l. c. p. 142.* ubi MARGGRAVIO descriptio declarat hunc florem eiusdem figurae ac structurae, sed minorem, pariter totum luteum, cum unguibus tamen omnium sex foliorum ad internam partem sanguineis, PISO vero, sed uti videtur oscitanter, eum describit intus luteum, extus sanguineum, qui porro *p. 306.* figuram addit, cuius flos ruditer delineatus descriptioni satis respondet, fructus vero subrotundus & laevis penitus differt a priori conico & spinoso, cui tamen, praeter magnitudinem itidem minorem, similis declaratur a MARGGRAVIO & PISONE in descriptione. Haec Araticu pana ut synonymum iungitur a SLOANE suae Anonae aquaticae foliis laurinis atrovirentibus, fructu minore conoide luteo, cortice glabro in areolas distincto *Cat. Fam. 205. Itin. II. 169. n. XXXII. t. 228.* ubi vero semina tantum delineantur, ceterum floris quoque descriptio omittitur. *conf. Rai. III. Dendr. p. 78. n. 1.* 3) Zuursak Merian. *Insect. Sur. t. XIV.* cuius floris descriptio & icon parum recedit a n. 1. & in exemplari nostro picto totus dilute luteus apparet, fructus vero magis differt ab illius figura & descriptione, quam MARGGRAVIO praecipue dedit, qui in exemplari picto obsoleto viridis est. 4) Anona fructu viridi laevi pyri inversi forma *Catesb. T. II. t. 67.* quae cum icone Meriana modo citata etiam valde convenit, differt tamen flore minori, calycis colore viridi, petalis candidis & fructus superficie saturate viridi & penitus glabra, quae in Meriana spinosa est. 5) Cum hac floris compage & figura exacte quoque conveniunt PLVMERII figurae *Pl. Amer. Gen. tab. 10.* Ordo II. e contrario manifestat calycis folia tria, pariter quidem triangularia, sed tam exigua, ut cum trium petalorum magnitudine vix comparari queant, utpote quae sunt angusta quidem, sed satis longa, coriacea, triquetra & obtuse mucronata. Ita eadem non solum repraesentat tabula nostra *fig. a. a. b. b. c.* verum etiam 6) Guanabani ex FEVILLÉE citati descriptio satis exacta, licet eius icon, quam nostrae tab. *fig. k.* repraesentat, absque cura facta sit. 7) Attamaram *H. Malab. P. III. p. 21. t. 29.* ubi floris partes satis apte describuntur & delineantur. Est haec Anona indica pomo viridi *Par. Bat. Commel. Fl. Mal. p. 5. a.* & Pomifera indica fructu conoide squamoso viridi *Rai Hist. II. p. 1650. n. 1. T. III.*

Dendrol. p. 77. n. 1. ibique tanquam synonymum additur Anona foliis odoratis minoribus, fructu conoide squamoso parvo dulci *Sloan. Cat. p. 205. Itin. p. 168. n. XXXI. t. 227.* ubi floris icon nulla, descriptio vero sufficiens. Estque Anona tuberosa *Rumph. Herb. Amboin. P. I. p. 138. t. 46.* ubi floris analysis iisdem H. Mal. figuris sistitur. Est etiam Annona foliis oblongis, fructibus obtuse subsquamatis *Linn. Sp. pl. 537. n. 2.* 8) Anona maram *H. Mal. T. III. p. 23. t. 30. 31.* ubi iterum t. 30. floris partes, & quidem adhuc curatius, delineantur, in descriptione vero, eas a priori vix differre, tantum annotatur. Habetur haec pro Anona Indica fructu parvo violaceo *Herm. Cat. app. 645. Commel. Fl. Malab. p. 5. a. & Rai. H. II. p. 1650. n. 2. III. Dendr. p. 77. n. 2.* cum qua tamen definitione nullatenus conveniunt fructus figurae nec etiam descriptio H. Malabarici. *RAIO Dendr. l. c.* synonymum eius est Anona maxima, foliis oblongis angustis, fructu maximo luteo conoide, cortice glabro in areolas distincto *Sloan. Cat. p. 204.* cui etiam subscribit ipse SLOANE *Itin. II. p. 167. n. XXX. t. 226.* nihilominus tamen figura propius quam descriptio cum H. Mal. figuris convenit, minime vero HERMANNI definitioni respondet: floris descriptio imperfecta est. 9) Anona *Rumph. H. Amb. p. 136. t. 45.* cuius floris descriptio & delineatio, licet manca, huc referenda est. In observatione a BVRMANNO *p. 138.* subiuncta declaratur pro specie secunda H. Malab. sed nec floris, nec fructus, neque etiam foliorum imagini respondet. 10) Anona maxima, foliis oblongis angustis, fructu maximo luteo conoide, cortice glabro in areolas angulares distincto *Catesb. T. II. p. & t. 86.* cuius flos exiguus in nostro exemplari totus viridis pingitur. Est haec Anona foliis lanceolatis, fructibus ovatis reticulato-areolatis *Linn. sp. pl. 537. n. 3.* Quod ad interiores seu essentiales floris partes i. e. stamina & pistillum attinet, horum structuram pauci attigerunt. MARGGRAVIO *l. c.* & ex hoc *RAIUS II. p. 1651. n. 5.* describit stamen globosum magnitudine avellanae luteum & in stamine apicem parvulum rotundum, additque, utrumque praeditum esse tuberculis exiguis luteis, eaque videri ut poros in cute hominis argentis. SLOANE mentionem tantum facit capituli rotundi villosi (*rough*) in descriptione Anonae *XXIX. p. 167. & XXXI. p. 168.* HENR. van REEDE, H. Malab. Auctor, in descriptione utriusque speciei has partes quidem praeterit, tab. vero 30. quatuor figuris delineat: quum vero nullam explicationem addidit, neque etiam ullum staminum vestigium expressit, sed duos tantum orbiculos, minorem maiori impositum, repraesentavit, tam perspicuum haud est, quatenus singula sigillatim significant: inferior maior orbiculus ubique aequalis, videtur ovarium, superior minor vero undique punctatus, eius capitulum staminibus forte brevissimis circumdatum. Ex PLVMERII descriptione *p. 42. & tab. 10.* figura a. cum d. collata certiora cognosci nequeunt: apparet *fig. d.* idem orbiculus maior eadem sub facie, minor vero coronam refert ex aliquot staminibus erectis quasi compositam, ex quibus unum cum filamento satis longo & anthera globosa separatim, plurima vero in globum collecta *fig. a.* apparent. *CATESBY t. 67.* pingit capitulum rotundum quasi fungosum aurantii coloris & circa hoc corollam seu circulum largum luteum, quibus in descriptione addit, stamina esse lutea papposa. Solus LINNAEVS *Gen. Pl. ed. II. n. 547. Edit. V. n. 613. conf. H. Cliff. p. 222.* certiora adstruxit, dum in staminum definitione annotat *filamenta vix ulla, antheras numerosissimas, germinis (seu ovarii) lateri insidentes, & in pistilli definitione germen receptaculo subrotundo insidens, subrotundum, stylos nullos, stigmata obtusa.* Vtinam EHRETUS in nostra figura haec omnia clarius indicasset! Interea ex *fig. b.* hoc elucescit, stamina copiosissima circa ovarii capitulum collecta esse brevissima atque ex antheris solummodo structa, ipsum capitulum vero, multis poris instructum, esse triangulare, quod deinde forsan in rotundum mutatur, quemadmodum ex H. Malab. figuris citatis una superiorem orbiculum pariter angulosum repraesentat: nonne LINNAEVS *Gen. Pl. Ed. I. n. 446.* hanc triangularem figuram iam observavit, dum stylos tres breves annotavit? Quae denique fructus structuram declarant, ex auctorum descriptionibus & magis adhuc ex eorum figuris satis cognosci possunt. Plura semina illum continere hinc inde dispersa, omnes consentiunt; haec singula utriculis inclusa esse, monet H. Malab. *p. 21;* eadem vero a centro ad circum-

ferentiam fructus locari, addit SLOANE p. 169. n. XXXII. eaque porro circum circa centrum copiosa reperiri, clarius adhuc docet fructus transverse dissectus PLUMERII figura f. H. Malab. t. 29. & 31. RVMPHII tab. 46. GE. MEISTERS *Oriental. Indianischer Kunst-und Lust-Gärtner* p. 85. quam dispositionem nostra quoque figura g. manifestat, ut ut secundum fructum adhuc imperfectum facta. Hos autem loculos non simplici sed multiplici serie seu ordine per totam fructus longitudinem occurrere, apparet ex fructu per longitudinem dissecto MARGGRAVII p. 93. H. Malab. t. 31. MERIANAE t. III. & XIV. nec non CATESBY t. 67. ubi ad minimum 5. vel 7. eiusmodi ordines distinguuntur. Ex his probe ponderatis satis nunc liquet, ad Anonae characterem genericum pertinere calycis folia tria totidemque petala & fructum multilocularem, loculos scilicet plures circa centrum radiatim transverse collectos & aliquot seriebus per fructus longitudinem locatos. Num plures ANONAE seu Guanabani species hucusque recensitae, praeter illas decem, quas annotavimus, ut & Anona 4. (quam imperfecte depingit & describit CATESBY II. t. 64.) 6. 7. *Linn. Sp. pl.* p. 537. ad hoc genus pertineant, ex earum descriptione, quae, quantum scimus, nondum prostat, demum iudicari poterit. Hoc autem vel ex floris vel ex fructus descriptione aut delineatione sufficienti certo iam compertum est, quod huc neutiquam referri possit 1) ob unicum fructus ossiculum Anona fructu squamoso pyriformi monopyreno *Rai. II.* 1653. n. 8. seu Baly insulae fructus aspero cortice *Clus. exot. L. II. c. 4. p. 25. seq. & I. B. Hist. I. L. III. c. 209. p. 401.* cui per omnia similis est Guyanae fructus forma trochi, quemadmodum orbiculari *Clus. & I. B. figurae ibid. additae*, Guyanae fructus squamosus rotundus BAS. BESLERI *Fascic. rarior. &c. a. 1616. in 4. obl. editor. postea IO. HENR. LOCHNERO commentario illustrator. & ab eius parente MICH. FRID. LOCHNERO a. 1716. in fol. edito tab. I. p. 4. 5.* ubi Anonae speciebus etiam adscribuntur. 2) ob semina tantum duo Araticu do mato *Marggr. p. 94. Pis. p. 142. Rai. II.* 1653. n. 9. 3) Anona foliis subtus ferrugineis, fructu rotundo maiori laevi purpureo, semine nigro partim rugoso partim glabro *Sloan. Cat. p. 206. Itin. II. p. 170. n. XXXIV. t. 229. Rai III. Dendr. p. 78. n. 2.* quae est Chrysophyllum *Linn. Sp. pl. p. 192.* Chrysophyllum foliis ovatis superne glabris parallele striatis subtus tomentosis nitidis *Eiusd. H. Cliff. p. 491.* 4) ob calycem hexophyllum, corollam monopetalam rotundam campaniformem &c. Anona foliis laurinis glabris viridi fuscis, fructu minori rotundo viridi flavo scabro, seminibus fuscis splendentibus fissura alba notatis *Sloan. Cat. p. 206. Itin. II. p. 171. n. XXXV. t. 230. Rai. III. Dendr. p. 78. n. 3.* 5) ob fructificationis partes similes Anona maxima foliis laurinis glabris viridi fuscis, fructu minimo rotundo viridi flavo, seminibus fuscis splendentibus fissura alba notatis *Sloan. Cat. p. 206. Itin. II. p. 172. n. XXXVI. t. 169. f. 2. Rai. III. Dendr. p. 79. n. 4.* 6) ob petala sex crassa cum stylo in medio nigricante, calycem hexaphyllum & fructum mespilum referentem Anona Curassavica fructu dulci &c. *P. Bat. Pr. 312. Rai. III. Dendr. p. 79. n. 6.* 7) ob calycem tetraphyllum & corollam tetrapetalam, vel corollam tetrapetalam duplicis ordinis, stamina plurima longissima Anona trifolia, flore stamineo, fructu sphaerico ferrugineo scabro minore, Allii odore *Sloan. Cat. p. 205. Itin. II. p. 169. n. XXXIII. Rai. III. Dendr. p. 79. n. 7.* Tapia *Marggr. p. 98. Pis. 140. Plum. Pl. Am. p. 22. t. 21.* Nürvala *H. Mal. T. III. p. 49. t. 42.* Arbor Americana tryphylla &c. *Pluk. Phytogr. t. CXLVII. f. 6.* ubi figurae. 8) Anona foliis laurinis in summitate incisis, fructu compresso scabro fusco, in medio acumine longo *Catesb. II. p. & t. 87.* quae est Sloanea foliis oblongis integerrimis emarginatis *Linn. Sp. pl. p. 512. n. 2.* Praeterea excludenda etiam est. 9) Annona foliis lanceolatis fructibus trifidis *Linn. Sp. Pl. p. 537. n. 5.* quae est Anona fructu lutescente laevi, scrotum arietis referente *Catesb. II. p. & t. 85.* ut & nostrae t. V. ad cuius speciei

ductum Anonae characterem composuisse videtur LINNAEVS, qui calycem triphyllum, petala sex, quorum tria, alterna, interiora minora, & fructum unilocularem definit. Ipse CATESBY p. 85. hanc, manca tamen, suppeditat descriptionem, quoad huc pertinet, latine redditam: „singuli flores „consistunt ex sex petalis ex viridi albescentibus, fructus crescunt „copulati tres & quandoque quatuor, quorum pulpa medium „continet duobus ordinibus duodecim semina, singula tenui „membrana divisa „. Si autem floris icon addita accurate examinatur, adpingitur quidem non solum calyx exiguus triphyllus, verum etiam ordo petalorum exterior nonnisi ex tribus maioribus constat, sed interior ordo minora eorum plura, non tamen sufficiente accuratione distincta, repraesentat. Si cum hac figura nostra tab. V. confertur, praeter calycem triphyllum in exteriori petalorum ordine iam quinque, in interiori vero ad minimum sex, inaequalis tamen magnitudinis distinguuntur. Fructus interiorum structuram & seminum ordinem nostra figura addita accuratius declarat, quae omnino duos seminum ordines, utrumque ex sex seminibus secundum longitudinem dispositis compositum repraesentat. Si denique ea conferantur, quae in explicatione huius tabulae ex EHRETI relatione p. I. b. subiunximus, facile patet, floris delineationem debita accuratione repraesentari haud potuisse. Hoc tamen utraque icon satis declarare videtur, hanc stirpem floris fructusque characterem ab illo reliquarum Anonae specierum nimium differre, adeoque sub uno eodemque genere comprehendendi haud posse. Et quum reliquis antiquum Anonae nomen merito conservatur, haec recens inventa species, alio nomine, forte Guanabani vel Cherimoliae iam usitato, distinguenda erit. Ceterum, cum huius & illius familia nil plane commune habere Guanabanum Iavensem BONTII & Africanum seu Guineensem PISONIS *Bontii hist. nat. & med. ind. oriental. p. 155. & 156.* (cuius posterioris figuram eandem nomine Guanabani folio ficulneo etiam sistit MÜNTING. *Feschr. der Aardgevo. p. 129. Phytogr. t. 24.*) probatione haud indiget. Stirpem nostrae tabulae XLIX. ad genuinas Anonae species referendam esse, omni dubio caret; num vero iam descripta vel depicta, an nova sit, ex sequentibus patebit. Accepimus hanc effigiem hoc subscripto nomine: Guanabanus Perseae folio, flore intus albo exterius virescente, fructu nigricante, squamato, vulgo Cherimolia *Feville Journal des observat. physiques, mathematiques & botaniques &c. a Paris 1725. 4. p. 24. t. XVII.* Reperimus etiam in MILLERI Dictionarii Vol. II. a. 1740. edito, tunc iam stirpem eodem nomine Londini coli, quare idem nomen tabulae nostrae adsculpendum curavimus; collata autem postea hac effigie cum illa Fevilliana, in foliorum figura & structura deprehendimus notabilem inter utramque differentiam, & quum fructus figura atque structura in nostra imagine defuit, petivimus ex celeberrimo MILLERO, ut in his quoque cognoscendis benevole nobis succurrat. Huic ergo humanissimo Viro referenda habemus, quae huius stirpis sufficientem cognitionem nunc declarant. Misit namque paullo post ad nos non solum novam Dictionarii sui a. 1752. editionem, verum etiam fructum ipsum & in additis litteris omne solvit dubium. Citato Dictionarii loco hanc invenimus huius stirpis descriptionem latine redditam. *Copiose colitur in Peru fructus gratia, & inde in Angliam translata sunt semina, ex quibus aliquot soboles progesserunt. Excrevit in patrio solo in amplam arborem ramisque satis instructa est, qui ornantur foliis viridis splendentis coloris, illisque omnium reliquarum specierum multo amplioribus. Fructus figura cordi similis, exterior superficies squamosa & matura obscure purpurea est, carnem alit nolle & dulcem multis seminibus brunis mixtam. Hunc fructum Peruviani accensent delicatissimis. Haec stirps in Anglia iam produxit forem, nondum vero fructum. Haec in litteris d. 25. Ian. 1753. datis illustravit sequentibus. Haec Guanabani species, cuius imaginem paravit EHRETVS, ante paucos annos in nostris hortis forem exclusit sed nusquam in Europa fructum produxit, nec hunc maturum unquam vidi. Mitto tibi exiguum immaturum, cum paucis seminibus, differt autem haec species ab illa, cuius figura prostat in P. FEVILLÉE libro. Nomen Cherimoliae Hispani referunt ad plurimas huius generis species. Huius fructus accepti, ut ut imperfecti, & seminis maturi, imaginem manu GABLERI nostratis adpingendam curavimus fig. e. f. g. h. i. in magnitudine naturali. Ut autem huius & Fevillianeae stirpis differentia ii quoque, quibus huius auctoris liber ad manus non est, eo facilius cognoscere queant, iunximus simul tum fructum fig. d. tum folium a facie superiori & inferiori fig. k. ex eodem, magnitudine eadem, delineatum, & ex descriptione addimus, folia esse ovalis*



1842



FICUS foliis ovatis integerrimis obtusis, caule inferne radicato Linn. H. Cliff. 471.
 a. a. fructus a facie laterali; b. anteriori, c. c. umbilicus, d. facies ima cum eminentia, e. e. e. petioli vices gerente et tribus foliolis cincta, f. compages interna, g. semen cum petiolo suo.

ovalis figurae apice obtuso (*emouffée*) in utroque extremo, eaque mediae magnitudinis esse $5\frac{1}{2}$. pollicis longa & $3\frac{1}{2}$. lata, brevius petiolata 4. vel 5. linearum &c; floris descriptio cum nostro in omnibus convenit, exceptis unguibus purpureis, quorum nulla fit mentio; fructus pariter cordiformis, (cuius maturi magnitudo non indicatur) dicitur squamosus, sed cum depressionibus, (*enfoncemens*), unde potius tuberculorum idea oritur, qualia nostrae figurae *e. f. g.* manifestant; semina 8. lin. longa, 4. lata & 2. crassa, coloris Coffeae similis iterum a nostris non differunt; maior ergo differentia inter utramque speciem derivanda est ex figura, quam ex descriptione. Ceterum cum nostrae stirpis foliorum magnitudine & figura conferri possunt Merian. t. III. Catesby. t. 64. Denique monemus, Anonam, nomen barbarum, a LINNÆO *H. Cliff. p. 222.* mutatum esse in latinum Annonam alius & amplissima significationis: idem non observavit ille in generum definitione, iterum tamen in speciebus & Vta generum editione.

TAB. L.

FICUS foliis ovatis integerrimis obtusis, caule inferne radicato. *Linn. H. Cliff. 471. n. 4. Amen. Acad. I. 29. n. 10. Spec. plant. 1059. n. 4. van Roy. Prodr. Fl. Leyd. 212. n. 4.*

Ficus arborecens Bengalenfis folio subrotundo, fructu orbiculato, Pipal Bengalenfis *Cat. H. Beaumont. 17. Jo. Commel. H. Amst. I. 119. t. 62. Raii Hist. III. Dendrol. 15. n. 2. Boerb. Ind. alt. H. Lugd. Bat. P. II. 258. n. 8. The roundish-leaved Bengal Fig* whit orbicular fruit *Hill History of Plants 134. n. 4. sine descriptione & icone.*

Ficus Americana latiori folio venoso ex Curacao, an Ficus Barbadosum Ligonis 69. Tsjakela (forte) H. Malab. III. 87. t. 64. *Plukenet Phytogr. t. CLXXVIII. f. 1. Peralu (forte) H. Malab. I. 49. f. 28. Eiusd. Amagest. 144. Miller Gard. Dict. edit. III. n. 17. edit. VI. n. 22. ubi etiam vocatur the broad leav'd American Fig. & in descriptione the Banyan-tree ut & the bearded Fig-tree.*

Ficus Malabariensis folio crassiusculo maiori, fructu gemino intenso rubente *Syen in notis ad H. Malab. I. 50. Casp. Commel. Flor. Malab. 28. b.*

Per-Alu *Reed H. Malab. I. 49. t. 28.*

Expos. a. a. fructus a facie laterali; b. anteriori; c. umbilicus; d. facies ima cum eminentia e. pediculi vices gerente & tribus foliolis cincta; f. compages interna; g. semen cum petiolo suo.

Nota. Eodem nomine, quo stirpem hanc insignivit IO. COMMELINVS, accepimus a. 1745. a D. EHRETO hanc effigiem, quae Commelinianae quoad folia secundum delineationem, & quoad fructum (cuius delineatio ibi deficit) secundum descriptionem, exacte respondet. Synonyma ex LINNÆO locis cit. collegimus, quorum tamen tria ultima ipse dubius adiecit. In PLVKENETI figura folia apicem versus omnino sunt paullo angustiora, atque illis, quae Tsjakela habet, similia; sed quum hæc stirps fructus proferat perexiguos & plures coagmentatos, eadem cum nostra esse nequit; fructus autem a PLVKENETO nec describuntur, nec delineantur. Per-Alu e contrario a nostra stirpe non differt, nisi foliorum costa non simplici, sed triplici, quæ nota procul dubio variat, quemadmodum id quoque ostendit figura Commeliniana; fructus vero notæ, dispositio scilicet plerumque gemina raro simplex, magnitudo, figura globosa, color intenso rubescens seu incarnatus saturus, & foliola basi substrata, nostræ imagini optime respondent. RVMPHIVS *Herbar. Amboinens. P. III. 145. seqq.* describit & t. XCIII. delineat Caprificum Amboinensem, quam BVRMANNVS in nota p. 148. declarat pro eadem a LINNÆO definita & supra indicata ficus specie; sed quum illius non solum folia in mucronem abeant multo acutiorem, verum etiam fructus copiosi (in figura ab una facie 17. numerari possunt) petiolo communi, racemi instar, adhæreant; insignis hæc differentia specifica primo statim intuitu manifesta est. Ceterum auctores nondum consentiunt, an, & quousque, hæc stirps differat ab illa, quam superiori sæculo Ficus indica nomine & descripserunt & delinearunt botanici, quos collegit LINNÆVS *Amenit. Ac. I. p. 27. n. 6. & secundum hos sequentia huic stirpi tribuit synonyma: Ficus indica I. B. I. p. 145. Aldr. dendr. 434. Injst. dendr. 48. Clus. exot. I. p. 1. fig. p. 2. Dalech. bist. Lugd. II.*

1853. Ficus indica Theophrasti *Dal. pharm. 312. Comm. Mal. 28. Tabern. bist. 1370. Ficus indica arcuata Park. theatr. 1499. Ficus indica, Arbor radicum Indiæ Chabr. sciagr. 9. Ficus Indica, foliis mali cotoneæ similibus, fructu ficibus simili in Goa C. B. pin. p. 457. n. VIII. Tournef. inst. 663. The arched Indian Fig-tree, Arbor ex Goa seu indica Ger. bist. 1331. emac. 1514. Katou-Alou Rheed. Mal. III. p. 73. t. 57. Rai bist. 1437. quibus addenda Ficus indica Bod. a Stapel. comment. in Theophr. Eres. bist. plant. p. 350. b. Ficus Indica folio mali Cotoneæ, fructu ficibus simili Zanon. rar. stirp. bist. p. 111. Fico dell' Indie Orientali Id. ibid. t. 77. Indiaansche Vygeboom Nieubof P. alt. p. 141. fig. ibid. Ficus Malabarensis, folio cuspidato, fructu rotundo parvo gemino D. Syen Pluk. Almag. p. 144. n. 8. Mill. Gard. dict. ubi etiam the Malabar. Fig-or Indian God-tree (i. e. arbor deorum indica) appellatur. CLVSIVS l. c. eam primus descripsit & delineavit, verum non ex propria observatione, sed ex relatione, quam a FABRICIO MORDENTE, Salernitano, accepit, ad quam etiam ipsa figura tantum efficta est. Secundum hanc descriptionem arbor evadit altissima, & truncum acquirit crassissimum, quem trium virorum ulnæ vix apprehendere possent; ramos circumquaque expandit, fibras quasdam tenues deorsum mittentes, quæ, ubi terram attingunt, firmantur & veluti in novos arborum caudices transeunt, pari modo & quasi in infinitum se ita propagantes, ut unica arbor interdum mille passus in ambitu occupet densissimamque silvam efficiat, sub qua incolæ, rescissis nonnullis truncis tenuioribus, concamerationes & umbracula facere solent, quorum umbram 800. aut 1000. viros texisse, auctor relationis ipse vidit, immo terna etiam hominum millia sub tali arbore latere posse adfirmavit. Folia, superne viridia inferne candicantia & lanugine pubescentia, comparantur illis mali Cotoneæ (quibus etiam subrotundis & ad apicem mucronatis secundum delineationem respondet figura & magnitudo) & fructus dicuntur extremi pollicis articuli magnitudine, colore foris & intus sanguineo, granisque pleni, uti vulgares ficus, dulces quidem & edules, minus tamen grati saporis, qui nascuntur in novellis ramis, qua parte illis adhærent folia, quemadmodum vulgares ficus. CLVSIVS porro ibidem sollicite inquisivit, num hæc stirps sit illa ipsa, cuius Q. CVRTIVS, PLINIVS, STRABO & THEOPHRASTVS mentionem fecerunt, de quo non dubitat; sed PLINIVS annotat, foliorum latitudinem peltæ Macedonicæ effigiem habere & fructum rarum esse, nec fabæ magnitudinem excedere; STRABO itemque affirmat, folia esse clypeo non minora, & secundum THEOPHRASTVM folium pelta non minus est, fructus vero valde parvus magnitudine ciceris, ficui similis, ceterum rarus; CVRTIVS vero nullum alium characterem indicat, quam caudicum multiplicationem, id quod etiam de FERD. LOPEZ Magiu & PHIL. PIGAFETA Enzanda a CLVSIO pariter citatis notandum est; ex quibus facile cognosci potest, in conciliatione horum auctorum magna adhuc superesse dubia, licet vegetandi modo omnino inter se conveniant. Quæ IO. BAVHINVS profert, iis a CLVSIO prolatis respondent, cum aliqua tamen eius censura. Hic figuram ex alio quidem auctore desumpsit, sed a Clusiana parum vel nihil differentem. IO. BODDÆVS a STAPEL primo occupatus fuit in THEOPHRASTI, PLINII, STRABONIS &c. descriptione rite interpretanda, deinde disputavit contra eos, qui asserunt, hanc ficum fuisse arborem illam primis nostris parentibus vetitam, denique CLVSII descriptionem & iconem, ceterum vero nil notatu dignum addit. IONSTON, DALECHAMPIVS, TABERNÆMONTANVS, GERARDVS, PARKINSON & CHABRÆUS tum quoad figuram, tum quoad descriptionem, CLVSIVM tantum sequuti sunt, si excipias ultimum, qui ex THEOPHRASTO fructus magnitudinem cum cicere comparat, & folia amplissima clypeo non minora secundum STRABONEM describit. ALDROVANDVS quidem THEOPHRASTI descriptionem adfert, sed Opuntiae seu Tunæ (quæ pariter Ficus indica vulgo appellatur) speciei maioris iconem addit, monens, huic descriptionem THEOPHRASTI non convenire. A DALE l. c. edit. Lugd. Bat. 1739. 4. n. 3. vocatur Ficus indica Offic. cui omnia fere synonyma, quæ LINNÆVS indicavit, tribuit. C. COM. MELINO Flor. Malab. p. cit. est Ficus indica Clusii,*

cui, præter Ficum Indicam *Io. & Casp. Baub.* ut & Katou Alou *H. Mal.* synonymon facit Ficum ind. Nieuh. & Arborem de Raiz Linschoti (de quibus mox plura) & dubius addit, an sit Ficus arbor americana arbuti foliis non ferrata, fructu pisi magnitudine, funiculis e ramis ad terram demissis prolifera *Pluk. Phytogr. t. 178. n. 4.* sed non solum huius figura monstrat folia a basi ad mucronem acutum usque æqualis ferme expansionis & figuris hætenus citatis angustiora, verum etiam descriptio in *Almagest. p. 144. n. 6.* addit, ea omnino esse glabra, inferne quidem albicantia, non lanuginosa; ob fructum porro piso haud maiorem potius cum Tsjakela (de qua supra iam egimus, quæque est Ficus Malabarica semel anno fructifera, fructu minimo, Tsjakela dicta *Rai. H. II. 1435. n. 4. C. Commel. Fl. Mal. 29. a. Linn. Amœn. I. 30. n. 13.*) quam cum Katou-Alou (de qua mox plura) coniungendam esse statuit. Nomen a CASP. BAVHINO propositum procul dubio ad CLVSII (quem ut & reliquos auctores ab hoc allegatos citat) descriptionem formatum est, & TOVRNEFORTIVS alia non addit, quam quod PLV-MERIVS ipsi adfirmaverit, eam ficus esse speciem veram. Katou-Alou & Per-Alou *H. Mal.* secundum figuram parum ab invicem differunt: in utraque namque fructus plerumque bini sine petiolis coniugati crescunt, & figura magnitudineque sibi & omnino articulo pollicis extremo pares sunt, foliola tamen tria fructui huius substrata in illa deficiunt, & folia prioris ovata in mucronem productiorem & acutiorem abeunt, quæ secundum descriptionem superne glabra, atro-viridia, splendentia, inferne albicantia & lanuginosa &c. sunt, quum in posteriori utraque superficies tomentosa lanugine, averfa tamen densiori, obducta sit. RAIUS in Katou-Alou descriptione van REEDE sequutus est, in synonymis colligendis a LINNÆO non differt. Ficus Indica tilia folio, subtus albo & villoso polyrhizos seu filamentis e summis ramis ad terram missis radicata, a Plinio Theophrasto & Strabone descripta *Pluk. Phytogr. t. 178. f. 3. Almag. p. 144. n. 5.* huc etiam referenda esset (reliqua enim synonyma CLVSII & C.B. illi tribuit) nisi *Mantiss. p. 74.* se ipsum correxerit & figuram citatam ad malvacearum plantarum classem amandaverit, quibus tamen non obstantibus, eandem cum Ficu foliis cordatis subrotundis integerrimis conferendam esse, indicat LINNÆVS *Spec. p. 1059. n. 2.* Quæ apud ZANONVM in altera eius posthuma editione (quam CAIET. MONTIVS digessit, latine reddidit supplevitque) reperitur Ficus Indica, eius & complurium aliarum exoticarum stirpium descriptionem & iconem cum ZANONO communicavit MATTHÆVS a S. IOSEPHO, ille ipse, quem egregie laudat van REEDE in præfatione ad *H. Mal. T. III.* Cuius descriptio brevis hæc est:

„ Bare seu Kivil arbor procera, maxima colitur veneratione
 „ a gentilibus idolorum cultoribus. Hæc in ramis radices ad instar
 „ comæ fert utrinque, quæ, ubi terram tetigere, eam penetrant, &
 „ ex pluribus radicibus veluti in unam collectis plantam novo caudice
 „ ditant. Rami quandoque maiores sunt in medio, quam in extremitate aut initio. Vbi folia erumpunt, fructus etiam exortum trahunt
 „ Malul dicti: figura sunt similes malis minoribus, folia vero satis
 „ pinguiora sunt, quam in Lauro regia, & in parte inferiori lanugine
 „ vestiuntur, quod etiam fructibus accidit: interior tamen pars ficui
 „ persimilis, colorisque flavo, sectoque folio lac emanat. „ cui descriptioni etiam respondet figura, ubi vero 2. 4. & 5. fructus coagmentati conspiciuntur. Commentator dubius quidem est, an sit eadem CLVSII & THEOPHRASTI ficus; addit tamen, Katou-Alou *Malab.* satis congruere Clusianæ descriptioni & eandem videri, quam laudatus MATTHÆVS descripsit. NIEVHOF *Gezantschap aan den Grooten Tartarischen Cham &c.* descriptionem suam a CLVSIO mutuavit, neque figura, quæ quidem alia est, quam hætenus citatæ, ad naturam, sed ad descriptionem facta videtur, nec debita accuratione, quam negligentiam plerumque peregrinatores botanica scientia haud instructi committere solent. Ne autem in his compilandis nimium prolixi simus, hæc sufficiant, quæ satis iam docent, plures ficus species distinctas auctores confudisse ob solam illam per ramorum plurimos stiones mirificam propagationem multiplicationemque, quum tamen hæc qualitas permultis communis sit, atque hinc neutiquam sufficiat ad designandas plures varietates unus speciei, quam tamen sententiam fovere quoque videtur LINNÆVS *Spec. Pl. p. 1060. n. 5. a. b.* Probat autem hunc

communem crescendi modum præprimis van REEDE variis exemplis, nempe *H. Malab. T. I. p. 45. t. 26.* de Itty-Alu, *p. 49. t. 28.* de Per-Alu (quæ est Ficus nostra Bengalenfis) & *T. III. p. 69. t. 55.* de Itti-Arealou, *p. 71. t. 56.* de Tsjerou-Meer-Alou, *p. 73. t. 57.* de Katou-Alou (quæ a IO. COM-MELINO in nota addita pro ficu indica Clusii declaratur, & a LINNÆO *Spec. p. 1060. n. 5.* Ficus foliis lanceolatis petiolatis, pedunculis aggregatis, ramis radican-tibus appellatur) & *p. 75. t. 58.* de Atti-Meer-Alou. Addimus, laudatum COMMELINVM in notis ad Itti-Arealou monuisse, reliquas quoque Alou-species, nempe *T. I. p. 43. t. 25.* Atty-Alu (quæ est Ficus foliis ovatis acutis integerrimis, caule arboreo, fructu racemoso *Linn. Amœn. Ac. I. 39. n. 17.*) & *p. 47. t. 27.* Arealou (quam pagani deo VISTVM sacratam adorant, Christiani vero arborem diaboli appellant, quæque est Ficus foliis cordatis integerrimis acuminatis *Linn. H. Cliff. 471. Fl. Zeyl. 177.* ubi etiam eadem dicitur Boghas, Budughaha, Budughas & Arbor Zeylanica religiosa, foliis perpetuo mobilibus *Herm. Mus. Zeyl. 42. Burm. Thes. Zeyl. 29.*) eodem modo e ramis undique diffusis tenuia quædam filamenta deorsum mittere & veluti in novos arborum caudices transire, id vero SYEN in commentario ad hunc tomum non notasse. Eorundem funiculorum ex ramis progeniem testatur etiam PLVCKENET de sua Ficu Arbuti folio (quæ supra iam citata est) & SLOANE de Ficu Indica maxima, cortice nigricante, folio oblongo funiculis e summis ramis demissis & radices agentibus se propagante, fructu caprifico *Itiner. II. p. 138. n. 1. Rai. III. Dendr. p. 15. n. 3. Linn. Amœn. I. p. 29. n. 8.* & de Ficu Indica maxima folio oblongo, funiculis e summis ramis demissis, radices agentibus, se propagante, fructu minori sphaerico sanguineo *Sloane l. c. p. 140. n. 3. Rai. l. c. p. 16. n. 5. Linn. l. c. p. 28. n. 7.* quæ est Ficus foliis lanceolatis integerrimis *Linn. Spec. p. 1060. n. 5. b.* & secundum eundem Ficus americana arbuti foliis &c. *Pluck.* iamiam citata, Ficus citri folio fructu parvo purpureo *Catesb. Carolin. App. p. 2. t. 18.* Tsiela *Rheed. H. Mal. III. p. 85. t. 63;* sed in figura Catesbyana non solum folia ad basin valde angusta &, ratione longitudinis, supra medium præcipue multo latiora, verum etiam fructus tres quatuorve coniuncti, petiolis satis longis instructi, maiores & perfecte piriformes sunt, quum Tsiela exiguos, pisiformes, sessiles & solitarios, raro binos, per ramos dispersos monstret. Neque etiam de hac utraque legitur, quod ex ramis filamenta demittant; quum vero CATESBY suam speciem & illam Theophrasti, Strabonis &c. pro una habeat, hoc facere haud potuisset, nisi ad notissimum illum multiplicationis modum peculiarem respexisset. Ceterum, quamvis van REEDE non de singulis supra indicatis speciebus, sed de sola Itti-Arealou annotaverit, quod fibræ ex ramis demissæ novos caudices & hinc unica arbor vastam silvam forment, & de Tsjerou-Meer-Alou, itemque de Katou-Alou, tantum notet, quod eodem modo, ac Itti-Arealou crescant, de reliquis vero copiosas tantum fibras ex ramis descendentes describat: vix tamen ullum superest dubium, quin hæc demum in novos caudices pariter transformentur: FABRICIVS certe apud CLVSIVM affirmat (quod supra indicavimus) caudices hos omnes multiplicatos originem suam trahere ex fibris eiusmodi tenuibus ramorum ad terram descendentibus; has vero fibras non prius, quam postquam arbor 40. vel 50. annos vixit, prodire, monuit idem van REEDE occasione Itti-Arealou: hinc facile contingere potest, ut unum observatorum effugiant, quæ alter annotavit, vel aliis observanda reliquit. De Per-Alu, seu Ficu nostra Bengalensi, MILLERVS idem refert, quod CLVSIVS de sua specie & van REEDE de Itti-Arealou, de Tsjerou-Meer-Alou & de Katou-Alou annotavit. A LINNÆO *Amœn. p. 28. n. 6.* producit Ficus Malabarica fructu rotundo rubro, quam sub hoc nomine delineat HERMANNVS *M. f. f. Zeylanico* & ita describit: „ est „ arbor prægrandis, lacte plena, ramosa, ligno spongioso, cortice viridi. Folia rotunda, crassa, viridia, glabra, averfa parte ex „ viridi;



1711



BROMELIA foliis aculeatis, caule racemo laxo terminatrici Linn. H. Cliff. p. 129.

a. flos integer cum foliolo b. ovarium c. involucre d. calyx trifolius e. corolla tripetala f. stamina a corolla et g. a calyce separata h. calyce separatus i. petalum k. stamen l. stylus cum stigmate trigono m. stigma transverse sectum n. fructus maturus siliqua o. idem ex maceratione tumidior p. eius transverse secti amplitudo cum seminum triplici ordine q. semina matura r. in magnitudine aucta.

„viridi cinerascens, ad tactum mollia s. lanuginosa, nervosa, petiolis uncialibus. Fructus immediate ex ramis, ut in vulgari specie, rotundi, cerasi maioris magnitudine, rubicundi, summo circumferrati umbilicati, seminibus parvis referti. Truncus arboris spatio brachiorum duorum hominum vix potest includi, videturque ex innumeris radicibus satis crassis conflatus, demittit etiam ex suis ramis alias radices s. ramos sine foliis & intra crassos recta terræ fundum petentes. Hæc arbor latissime ramos suos dispergit, ut sub eius umbra plura hominum millia possint tegi. Vidi sepe sub hac arbore gentiles macella celebrare, ibique omnium generum fructus vendere & emere. „ His LINNÆVS addit: sed figura est perfecte speciei 10. (quæ est Ficus Bengalensis) an itaque hæbinæ distinctæ? Nos ex his id tantum colligimus: si eadem est, confirmat hæc descriptio illam MILLERI, quatenus hic Bengalensi ficui eandem truncorum multiplicationem tribuit; si alia, novum exemplum præbet huius vegetationis modi pluribus speciebus communis. HUGHES tandem *natural history of Barbados* p. 174. the bearded Fig-tree (i.e. ficus barbata a plurimis filis ex ramis descendentibus ita dicta) ficum Bengalensem describens, ab initio statim monet, varios auctores in descriptione huius stirpis errasse. Secundum suam descriptionem truncus veteranus ex multis sibi invicem coniunctis potius compositus, quam simplex & individuus est, rami inæquali distantia emittunt plura filamenta chordis panduræ maioris substantia, forma & crassitudine paria, quæ perpendiculari situ ad terram descendunt, & quando aliquot pedum longitudinem adepta sunt, pars ramo proxima in solidum lignum abit, dum interea inferior vaga, funiculorum seu filamentorum laxè contortorum instar, deorsum pendet & quando terram attingit, radices agit solidumque in lignum pariter mutatur, brevique tempore in molem crescit insignem suisque cum sociis ramo, ex quo provenit, magnum incrementum affert, unde hic amplior redditur & alios ulterius tum lateraliter progredientes tum sursum erectos ramos excludit, qui, præsertim laterales, suis filamentis descendentibus novos truncos formant, & sic porro ordine successivo. Quando filamenta hæc ex ramis prope truncumveniunt & in parva distantia ab eo radices agunt, aliqua eorum in suo incremento vegeto se coniungunt cum illo nunc ex parte, nunc ex toto, & sic enormem truncum formant irregularem. Folia dicuntur polita & virore splendentia, quinque circiter pollices longa & duos lata, margine æquali & apice valde acuto. Fructui adscribitur brevis petiolus & magnitudo parvorum ceraforum. Vtinam auctor figuram addidisset accuratam, quæ sæpius in hoc opere, ubi præ multis aliis infertis maxime utiles essent, desiderantur. Nihilominus ex hac descriptione fusiori satis patet, & fructus & folia cum illis ficus Bengalensis non convenire, & quum præterea huius speciei truncus primarius ex collectione plurium coagmentatus describitur, propius hæc species convenit cum illa, quam LINSCHOTVS *Itinerario* p. 82. & *Orientalisch Indien* P. IV. c. IV. p. 34. nomine Arvore de rays i.e. Wortelboom, describit & delineat, cuius etiam fructus, qui in descriptione olivis similes dicuntur, horumque petioli & folia Hughesianæ descriptioni, quantum ex figura colligi potest, satis conformia sunt: an Atti-Meer-Alou van Reede *H. Malab.* III. p. 75. t. 58? quæ in descriptione pariter Arvore de rajis ladranô a Lusitanis, & Woortel-vygh a Belgis, a RAO vero *Hist.* II. 1438. Ficus Indica fibris ex ipso trunco exeuntibus eique accrescentibus augefcens, appellatur, atque etiam foliorum & fructuum horumque petiolorum figura & magnitudine, secundum iconem, & trunci compositionem secundum descriptionem his satis respondet. Quoniam vero HERMANNVS in sua descriptione supra ex LINNÆO allata de caudicis compositione eadem refert, quum tamen illa stirps, foliorum & fructuum immediate ex ramis provenientium ratione longe aliam speciem declaret: probabile videtur, caudicis structuram tum regularem ex simplici trunco enatam, tum irregularem ex pluribus truncis compositam, causis accidentalibus tantum adscribendam esse propterea pro nota specifica haberi haud posse. Aliam præterea variationem indicat IO. COMMELINVS in nota ad Handir-Alou *H. Malab.* III. p. 77. t. 59. dum affirmat, hanc speciem filamenta non e ramis, sed e caudice, deorsum mittere, quæ ipsi caudici adhærentia crassissimum eum reddunt; num vero hæc fibrarum origo in aliis quoque speciebus occurrat, annotatum haud legimus. Ex his fusius hætenus expositis satis, opinamur, patet, quam plurima adhuc superesse obscura pro speciebus his perfecte distinguendis dilucidanda, atque hoc tantum a plurimis extra dubium positum esse, multas,

si non omnes, species recensitas peculiarem hunc per fibras seu funiculos se multiplicandi modum inter se habere communem. Neque tamen illum huic tantum stirpium generi proprium esse, docent alia exempla: Mangle enim arboris vegetandi modus, quem ex OVIEDO describit CLVSIVS loco sæpius citato, idem est, quæ tamen siliquas fert & proinde iam a IO. BAVHINO l. c. p. 147. a. recte ab hoc genere separata & ibid. L. XII. p. 415. ad Cassiæ genus relata est. Uviferam arbo-rem Americanam per funiculos a summis ramis ad terram usque demissis proliferam Pluk. *Phytogr.* t. 237. f. 5. *Almag.* p. 394. ad aliud quam ficus genus referendam esse, ex figura quidem suspicari liceret, & ex synonymis citatis omnino probari posset; quum vero hæc synonyma dubitanter tantum addita sint, atque eorum auctores hunc vegetandi modum taceant, eius genus incertum adhuc manet, uti etiam illius arboris, cuius IO. de LAET *Descr. Ind. Occid. L. XVII.* p. 664. mentionem facit, eiusque folii fructusque iconem addit, & in descriptione refert, e ramis eius pariter descendere certa filamenta, quæ, postquam terram attingerint, radices agunt & ramos veluti sustentant. Sed, ne ulterior disquisitio tedium pariat, hic filum abrum-pimus.

TAB. LI.

BROMELIA foliis aculeatis, racemo laxo terminatrici *Lim. H. Cliff.* p. 129. *Roy.* 25.

Bromelia foliis ciliato-spinosis mucronatis, racemo terminali *Lim. Sp. Pl.* p. 285. n. 2.

Pinguin *Dill. H. Elth.* p. 320. t. CCXL. fig. 311.

Karatas foliis altissimis, angustissimis & aculeatis *Plum. Nov. Gen. Mill. Gard. Dict. Vol. II. a. 1740. & noviss. edit. 1752. Houst. MSt.*

Karatas foliis altissimis, angustioribus & aculeatis *Rand. H. Chelf.* p. 106. n. 387.

Expos. a. flos integer cum foliolo b. ovarium c. involvente; d. calyx trifolius non deciduus; e. corolla tripetala tubulatam mentiens; f. stamina tubi longitudine, a corolla & g. a calyce separata; h. calycis segmenta seu folia tria ab ovarii vertice abscissa & a reliquis partibus separata; i. petalum ad ovarii verticem seu receptaculum abscissum; k. stamen seu filamentum subulatum & anthera erecta sagittata filamentum longior; l. stylus brevis cum capitulo maiori trigono seu tribus stigmatibus; m. capitulum transverse sectum; n. fructus maturus siccus; o. idem ex maceratione tumidior; p. eius transverse secti amplitudo; ubi corticis crassitudo & pulpa trifariam divisa; q. semina matura, r. in magnitudine aucta.

Nota. Auctores citatos diversis his nominibus indicare unam eandemque plantam, dubio caret, quia alia species Londini hucusque non culta est, & plusquam probabile videtur, LINNÆVM suum characterem ad DILLENII ductum formasse. Nominem a LINNÆO *H. Cliff.* huic stirpi adscripto accepimus nostram imaginem. Dilleniana imago differt a nostra scapo in ramos iam explicato, itemque floribus clausis seu minus explicatis, staminibus paulo minoribus & antheris albidis. Ille porro annotat, folia esse 2. 3. pedes & amplius longa, 1. 1½. vel 2. uncias lata, (MILLERVS folia 3. vel 4. pedes longa deorsum flexa definit) & summa coloris obscure rubri; petala non cadere, stamina petalis inferius connasci. Fructum (qui manu BAVRENFINDII nostratis adpictus est & non ad hanc, sed aliam speciem pertinet) celeberrimus COLLINSONVS benevole nobiscum communicavit hac informatione: aliam Pinguin producere fructum conicum multo minorem & breviorum (qualem DILLENII figura repræsentat) aliam maiorem & longiorem, cuius patriam vero non addidit. Apud PLUMERIVM Karatas & Bromelia duo distincta constituunt genera. Priori p. 10. adscribitur flos monopetalus infundibuliformis & trifidus, qualis etiam ab illo *tab.* 33. fig. a. a. pingitur, calyci insidens, qui *fig. b.* methodo Tournefortiana ovarium repræsentat cum vertice vix diviso, in fructu vero maturo *fig. c.* satis conspicuus & ad basin usque ter sectus & persistens delineatur; fructus dicitur conicus carnosus in tria veluti loculamenta divisus & talis etiam *fig. c. e.* pingitur, ut & *fig. f.* semen oblongum. Additur denique, fructum contextum esse membrana in quatuor partes sessili (forte fissili) qualem *fig. d.* sed simul fructus figuram nullo modo cum *fig. c. e.* comparandam repræsentat. Stamina & styli conformatio in descriptione & figuris omittitur. Posteriori, seu Bromeliæ, p. 46. tribuitur flos rosaceus ex tribus

petalis constans in orbem positus, quorum totidem, sed erecta, tab. 8. fig. a. a. & unicum fig. b. separatim sistit, calyci insidens, qui fig. a. a. representat ovarium tribus coronatum foliolis, quæ secundum fig. d. totum fructus ambitum quasi investiant; fructum describit ovatum, in tria loculamenta divisum, cui vero descriptioni fig. e. e. minime respondet, semina potius longiuscula & fere cylindracea, uti describuntur & fig. e. e. f. delineantur, circa axin densissime in orbem collecta & neque per longitudinem neque per latitudinem fructus ullo modo divisa representat; stylum simplicem erectum, corollæ ferme longitudinis, cum stigmate globoso delineat fig. c. Ex his facile patet, quam difficulter huius utriusque generis characteres & inter se & cum nostra stirpe comparari possunt, nisi Bromeliæ fructus & Karatæ floris structura vitiose delineata sit. Eadem procul dubio moverunt MILLERVM atque HOVSTONVM (secundum huius autographum, quod a MILLERO accepit, & transcriptum ad nos misit EHRETUS) ut eam opinionem alant, PLVMERIVM Caraguatæ suæ florem eadem tabula, qua Karatas depingitur, delineatum, huius flori substituisse & vice versa; sed posito hoc, hic Caraguatæ flos, ob ovarium intra corollam & calycem reconditum, & stylum longissimis staminibus adhuc longiorem, minus adhuc similis est illi nostræ stirpis. Ceterum, quod ex eodem HOVSTONI MSto rescivimus, huic auctori synonyma sunt Karatas foliis altissimis angustissimis & aculeatis Plum. Caraguata acango Pif. & Aloe amaricana fructu dulci & acido pruno simili Morif. DILLENIVS indefessus stirpium indagator, suam plantam cum tribus Bromeliæ speciebus a PLVMERIO delineatis conferens, in nulla earum similitudinem invenit, quam in illa, quæ ab ipso vocatur Bromelia pyramidata, aculeis nigris; sed simul monet, quibus notis insignibus e contrario differat: neque etiam in Karatæ eiusdem (cuius figura, quod simul notat, inter eius delineationes desideratur) foliorum definitione & floris fructusque character eandem plane conformationem invenire potuit, tandemque addit, hoc tantum sibi constare, suam plantam & Ananam Americanam sylvestrem alteram minorem, Barbados & insulæ Iamaicæ nostratibus colonis Pinguin dictam Pluk. Almag. p. 29. Phytogr. t. CCLVIII. f. 4. esse eandem, hanc vero ad iuniorem plantam minore quantitate & sine floribus factam esse, nec se meminisse, eius aliam vel cum vel sine floribus iconem proflare. Id nobis etiam contigit auctores varios evolventibus. 1.) Mexocotl seu Maguei Prunorum Hernand. L. VIII. c. XV. p. 275, secundum descriptionem & iconem inter se collatas, habet super caule tereti seu rotundo, brevi & crasso folia Ananasæ similia fulva ac veluti marcida, non admodum longa, satis tamen lata & repanda; eorum medium occupant numerosi fructus in amplum corymbum, quasi hemisphæricum, densissime collecti, singuli prunis vel glandibus similes, oblongi utroque extremo angusto & superiori bifido vel trifido, ex candido pallescentes, dulces & acidi, edules & succo pleni grati saporis; semina sunt principio candida, postea nigra obrotunda & duriuscula; radix fibrata crassaque est. Eadem descriptio prostat apud RAIMVM Hist. T. II. p. 1200. n. 3. & NIEREMBERGIVM Hist. naturæ p. 301. c. XV. sed figura omissa est: eandem descriptionem repetit quoque de LAET ex Fr. XIMENE in annotationibus ad MARGGRAVIVM Hist. Bras. p. 88. ut & MORISO H. O. II. p. 418. n. 8. & S. IV. t. 22. f. 7. ubi nil novum, præter nomen; male autem ab ipso nominatur Aloe Americana fructu dulci & acido multiplici prunis simili. 2.) Karouata de LAET nov. orb. seu descr. Ind. occid. L. XVI. c. XII. p. 614. folia habet ulnam fere longa & duos pollices transversos lata, Ananasæ crassiora, & scapum e medio erumpentem, cui circiter 2. palmas supra solum confertim adnascuntur 50. & interdum longe plures fructus digitalis longitudinis, pyramidis triangularis in modum, intus atque extus flavescences, quorum satis recentium ex insula Tabago acceptorum unum integrum, alterum per longitudinis medium (sed non transverse) sectum, pingendum curavit, (qui descriptioni respondet) cuius interior substantia dicitur spongiosa plurimis seminibus minutis plena, optimi saporis & palato grati. Floris & fructus interioris conformationis nulla fit mentio. 3.) Caraguata eiusdem L. XV. c. X. p. 565. dicitur carduorum species, fructum ferens flavum, qui digitum longus est & crudus ori obiectus labia excoriat. 4.) Caraguata acanga PISONIS Hist. Bras. p. 111. folia habet in speciem gladii mucronata prælonga, utrimque ferrata

aculeisque atrocibus munita; fructus intimo gremio occultat digitum longitudine & crassitudine adæquantes, coloris intus & extus albi ad flavum inclinantis, semina rotunda & nigricantia in carne spongiosa succulenta aciduli saporis foventes &, si uberius sumuntur, fauces excoriantes. Figura, quæ additur, est vilis copulam tantum exhibens foliorum, quæ, ratione magnitudinis imminutæ, satis longa & angusta sunt. Additur fructus integri & dissecti, naturalis magnitudinis, figura, quæ illa ipsa est de LAET n. 2. qui notas in hunc librum addidit. Huius plantæ eandem descriptionem easdemque figuras exhibet PISO de Ind. utriusque re med. & nat. p. 191. ubi vero addit, proxime ad terram provenire multos flores iuxta se in orbem positos, ex cæreuleo purpureos & in medio alba stamina habentes, quemlibetque florem, digitum longum, constare tribus foliis. Hac cum descriptione convenit quoque Caraguata acanga MARGGRAVIVM ibid. p. 88. & RAII Hist. II. p. 1200. n. 12. ubi folia dicuntur 7. aut 9. pedes longa, sesquidigitum lata & fructus 5. digitos longus. Eandem recenset porro SLOANE Cat. p. 118. Itin. I. p. 248. ubi nullam descriptionem iungit, sed, addito nomine Penguins, tantum monet, se aliorum descriptioni nil notabile addere potuisse. Ceterum PISONIS figuram malam declarat pariter ac illam HERNANDESI, si eadem est, quam ille intelligit, ut putat de LAET, quibus subiungit, descriptionem in omnibus convenire, excepta caulis brevitate. Ab eodem Itin. T. II. p. 379. huic, ut synonymum, additur Karatas foliis altissimis, angustissimis & aculeatis Plum. p. 10. Eiusdem PISONIS figuræ foliorum (omissa illa fructus) in Mus. Wormian. p. 193. male iungitur Caraguatæ descriptio, quæ cum Aloes Americanæ mucronato folio propius convenit, & nihilominus ibid. p. 205. seq. declaratur pro Karouata de LAET superius n. 2. indicata, cuius auctoris vero nomen tacet, licet hoc loco, iisdem verbis eius descriptionem, a priori plane alienam, transcripserit. 5.) Pengvyn, Latinis Karatas HUGHES nat. history of Barbados p. 232. foliis gaudet 9. pedes longis & 2. pollices latis instructisque ad latera acutis & uncinatis spinis sesqui pollicem distantibus. Hæc densissime prope terram collecta ambiunt coronam circularem ad pedis diametrum amplam; inde excrefcit corymbus fructuum arctissime coniunctorum, qui singuli 4. circiter digitos longi & 1. lati, utroque extremo acuti, in medio quadrangulæ figuræ & exterius ex albedo luteoque virescentes sunt; semina continent innumerabilia parva plana, & pulpæ albæ sapor acris est. Floris nulla fit mentio & figura, uti in plerisque aliis stirpibus descriptis, ubi utilissimæ fuissent, desideratur. 6.) Superest alia Caraguata MARGGRAVIVM p. 86. quæ eadem foliorum figurâ PISONIS supra n. 4. citatâ representatur, licet alia plane descriptio ei iungatur, secundum quam caulis 2. circiter pedes longus est, ad quem bina & bina capitula posita sunt, in summitate autem plerumque quinque, figurâ ut Cinaræ, magnitudine nucis iuglandis, ex crassis atque aculeatis foliolis constantia, elegantis coloris incarnati, quæ iisdem verbis leguntur apud RAIMVM Hist. II. p. 1199. n. 10. Eadem describi videtur a PISONE Hist. Bras. p. 112. conf. idem ibid. p. 88. ut & Hist. Ind. p. 196. ubique sine figuris. Sed hæc stirps, ob fructus singularem & plane aliam conformationem, hic prorsus excludenda est, & convenire videtur cum illa, quæ ab aliis vocatur Ananas sylvestris, de qua conf. PISO l. c. sub finem cap. XXXVII. p. 196. Caraguatæ altera species de LAET p. 565. Nana brava MARGGRAVIVM p. 33. Anana sylvestris Park. Th. 1626. Ananas sylvestris Munt. Phyt. p. 28. t. 135. Ananas sylvestris Acoftæ Hist. Lugd. II. 1871. Ananas sylvestris folio Aloes, fructu cupressino I. B. 111. 96. Rai. II. 1333. Ananas sylvestris Brasiliana Kerbita vulgo P. B. P. Pluk. Alm. 29. Phytogr. t. CCLVIII. f. 3. Kaidâ H. Mal. T. II. t. 1. Rai. II. 1442. His omnibus hæcenus citatis, ut debita accusatione haud descriptis vel delineatis, rite ponderatis, salva aliorum sententia concludimus sequentia: 1.) Si Plumerianæ Bromeliæ fructus delineatio secundum eius descriptionem interpretanda vel emendanda est (quod omnino verosimile videtur) Dilleniana & nostra planta est huius species, sed alia, quam quas PLVMERII delineationes a DILLENIO examinatæ exhibent; nihilominus tamen LINNÆI specifico nomine indicato recte salutatur. 2.) Si Plumerianæ Karatæ flos monopetalus (qualis etiam in nostra figura e. primo intuitu apparet ob tubi



1715



JUNCUS foliis ensiformibus, floribus remotis Linn. H. Vps. 16. Spec. 36. n. 2.

a. spathæ; b. flos a facie interiori s. superiori; c. tria petala interiora; d. flos a facie exteriori s. inferiori; e. tria petala exteriora; f. ovarium, g. transverse dissectum; h. restigia petalorum; i. tria stamina; k. stamen separatum a facie interiori, l. exteriori, m. n. eadem in magnitudine aucta; o. anthera transverse secta; p. q. stylus, r. ejus stigmata tria; s. eadem in magnitudine aucta; t. stigmata a facie superiori recta; u. pericarpium cum seminibus, v. idem transverse sectum, y. idem maturum, z. axis seminum, * semen separatum.

tubi segmentorum arctissimam unionem) non est, sed tripetalus: haec & Bromelia, docente LINNÆO, unumidemque genus omnino constituunt, nec dubium movet huius fructus figura *d.* cum quatuor tegumenti partibus repraesentata, quia, ut supra iam monuimus, haec figura suspecta est & reliquis *c. e.* minime respondet. 3.) Quia non solum Caraguatae acangae supra n. 4. citatae flos describitur tripetalus, verum etiam huius & Karouatae (n. 2.) fructus delineatio, eiusque secundum longitudinem, crassitudinem figuramque descriptio (in quibus etiam respondet fructus Pen-gvyn n. 5. si excipias figuram quadrangulam forte non satis accurate observatam) cum nostro fructu *fig. n. o.* depicto penitus convenit, adeoque hic pro uno eodemque censendus venit; huius autem pulpa trifariam *fig. p.* divisa est, hae stirpes ad Bromeliae genus referendae sunt. 4.) Quia harum stirpium n. 4. 5. fructus plurimi ad caudicis summitatem in foliorum gremio, sine scapo notabili, corymbi hemisphaerici ampli in modum arctissime inter se colliguntur: oritur inde nota specifica, quae eas a nostra stirpe distinguit. 5.) Quia Mexocotl n. 1. hac nota quidem convenit, sed fructu & foliis multo brevioribus latioribusque differt: haec iterum ut alia species, vel saltem ut antecedentis varietas, distinguenda videtur. Ceterum num hucusque sic dictae Karatae species omnes floribus indeque prognatis fructibus in corymbum collectis specificis se distinguant ab illis Bromeliae, aliis, quibus occasio favet, disquirendum commendamus, & hoc unicum adhuc monemus, Plumerianae Karatae foliis altissimis & angustissimis optime respondere Caraguatam n. 4. & Pen-gvyn n. 5. foliis 7. vel 9. pedes longis & 1. vel 2. pollices latis; valde vero differre fructus figura, quae in his propter longitudinem & utrumque extremum angustum quasi fusiformis est, quum illa, propter longitudinem minorem & extremum inferius angustum superius vero amplum rotundumque, conica recte dicitur.

Mantissa. Haecenus descriptio atque Historia haec calamo exarata & typis excusa iam est, quum a. 1751. decuria quinta in publicum prodit, id quod philyra antecedens p. 22. monstrat: nunc adhuc iungimus haec pauca. 1) DILLENIVS in sua huius plantae descriptione affirmat, eam & illam, quae a PLVKNETIO vocatur „Ananas americana“, silvestris altera minor Barbados, & insulae Iamaicae nostratibus colonis Pinguin dicitur *Almag. bot. p. 29.* esse eandem; eius figuram vero *Phytogr. tab. 258. f. 4.* ad iuniorum plantam minore quantitate factam esse sine floribus, nec aliam eius vel cum vel sine floribus iconem profare, se meminisse. 2) Anno 1756. prodit cel. BVRMANNI Plantarum Americanarum fasciculus tertius, continens plantas, quas olim CAR. PLVMIERIVS detexit eruitque, atque in insulis Antillis ipse delineavit, ubi tab. LXII. LXIII. LXIV. tres Bromeliae figurae sistuntur, ex quibus nulla omnino (ut DILLENIVS ex Architypi inspectione iam monuit) cum nostra figura convenit, neque etiam in reliquis tabulis Karatae eiusdem icon occurrit. 3) A. 1759. evulgata est cl. MILLERI Dictionarii hortulanorum septima editio, ubi, ut antea, Bromelia & Karatas tanquam genera distinguuntur, & huius unica, illius vero duae species recensentur, ex quibus nulla nostrae respondet. Coepit quidem laudatus vir, memoratum dictionarium suum descriptionibus atque figuris plantarum ad illud pertinentium (titulo: *Description of the figures of Plants adapted to the Gardeners Dictionary*) egregie illustrare; sed inter illas, quae ad nostras hucusque pervenerunt manus, plantae, de quibus nobis sermo est, non occurrunt.

Atque haec sufficiant ad declarandum, quam difficile sit, imperfectas descriptiones aequae ac figuras citatas inter se comparare.

Ceterum monemus, nos quidem aliquot huius collectionis plantas paullo fusius exposuisse otio & animi alacritate gaudentes; postquam autem officiorum publicorum functiones in dies se cumularunt & aetas ingravescere coepit, occupationes has succisivas per VII. Annos mittere coacti sumus, licet decuria sextae tabulae omnes iam pridem paratae fuerint. Ut autem earum continuationem desiderantibus nostram propensionem declarem, iisdem nunc denuo nos accingimus, ea

tamen differentia, ut tabularum sequentium expositiones maximam partem ea ratione, quam primum observavimus, prosequamur, cumprimis quia comperimus, nec illam restrictam expositionem displicuisse illis, qui hoc opus sibi compararunt. Eadem ratione nunc pergentibus nobis spes insuper affulget, reliquas decurias, Deo iuvante, citius absolvi posse, usque dum harum plantarum selectarum Centuria completa sit, quarum tantus numerus iam paratus ad manus est.

TAB. LII.

IXIA foliis ensiformibus, floribus remotis *Linn. H. Vpsal. 16. spec. 36. n. 2. Ph. Mill. diction. edit. VII.*

Ixia Chinenensis (nomen triviale *Linn. spec. 1. c.*) *Io. Gottbilf Mülleri spec. plantar. t. 3.*

Bermudiana iridis folio maiori, flore croceo eleganter punctato *Kraus. Ind. plantar. p. 25. cum icon. Eiusd. Catal. arbor. frut. & herbar. p. 7. n. 134.*

Balemcanda - Schularmandi *Rheed. H. Malab. XI. p. 73. t. 37.*

Gladioli affinis Malabarica, flore flavo, maculis rubris intersperso *Commel. in not. ad H. Malab. l. c. p. 74. Eiusd. Flor. Malabar. p. 33. b.*

Expos. a. a. a. N. I. spathæ, b. b. I. II. flos apertus a facie interiore seu superiore, c. c. c. I. II. tria petala interiora, exterioribus paullo longiora, latiora & teneriora (uti in omnibus sic dictis floribus liliaceis, quod iam in Commercio litter. Novimb. a. 1743. p. 286. indicavimus & ill. HALLERVS in suo tractatu de Allii genere naturali p. 5. & 17. nota a, confirmavit) cum maculis saturate purpureis ad unguem latioribus, d. II. flos apertus a facie exteriori seu inferiore, e. e. e. I. II. tria petala exteriora, interne similibus maculis, externe vero nervo herbaceo notata, f. I. II. ovarium seu germinum trigonum, g. idem transverse sectum, b. I. II. v. stigma petalorum abscissorum, i. i. I. II. tria stamina, k. II. stamen separatum, nempe filamentum subulare cum anthera biloculari lateraliter dehiscente a facie interiore, l. II. a facie exteriori, m. n. II. eadem in magnitudine aucta, o. I. II. anthera transverse dissecta, ut bini eius loculi filamentis adhaerentes compareant, p. I. II. stylus cum tribus staminibus ovario insidens, q. II. idem in magnitudine aucta, r. I. styli stigmata quatuor, r. II. styli cornicula tria, s. II. eadem in magnitudine aucta, t. II. eadem a facie superiore recta, u. II. pericarpium trigonum maturitati proximum cum reliquiis floris marcidis, x. II. idem transverse sectum eiusque tria loculamenta cum seminibus nondum maturis, y. y. y. I. II. pericarpium maturum trifarium dehiscens, z. II. axis, cui semina adhaerent, a. II. semen separatum cum filamentum axi adhaerente.

Nota. Hanc picturam Dn. EHRETVS a. 1743. ad nos misit & nominavit Sisyrrinchium africanum Iridis folio flore aurantio maculis purpureis adperso petalis aequalibus *Miller*. Sed MILLERVS in sexta sui dictionarii editione recenset quidem Sisyrringii quinque species, nostra vero inter illas non occurrit, & in septima editione solummodo nostram speciem Linnaeano Ixia e nomine adducit, a Sisyrringio distinguit & utrique generi peculiarem characterem tribuit; addit quidem, hanc Ixiam esse Sisyrrinchium *Comm. Hort. Amst.*; sed IO. COMMELINVS in prima citati horti parte tres quidem descripsit & delineavit Sisyrrinchii species, quarum vero nulla cum Ixia nostra convenit: CASP. COMMELINVS autem neque in altera huius horti parte, neque in suis Praeludiis botanicis, neque etiam in horti medici Amstel. plant. rarior. & exot. Sisyrringii ullam mentionem facit.

Quum post obtentam EHRETI picturam *N. I.* occasio nobis data est, hanc ipsam plantam colendi, nonnullas observavimus differentias, quas figuris *N. II.* addidimus; styli namque stigmatum quatuor *r. I* loco, cornicula tria *r. II*; floris colorem multo rubicundiorum, qui flavus in H. Malabarico describitur, & in imagine Ehrethiana pingitur; itemque seminum colorem non pallidum sed plane ex atro splendens. An haec indicent differentiam constantem? an maiorem vel minorem maturitatem? an varietatem ex climate aut cultura mutabilem? experientia confirmandum est.

Haec ipsa planta egregie iam delineata & descripta est in H. Malabarico, sed secundum descriptionem magnitudine (quae hominis ad altitudinem, procul dubio ex climatis benignitate, ascendens dicitur) nostram multum superat, flores etiam in delineatione, probabiliter secundum omnes stirpis partes imminuta, maiores apparent: ceterum in omnibus convenit cum nostra. Praecipue autem laudanda est figura nativis coloribus

ribus illustrata, quam P. G. MULLERVS in sua *plantarum Decade prima*, (num plures atque etiam huius Decadis descriptiones accesserint, nos haud comperimus) *Berolini 1757. in fol. reg. edita*, exhibuit, quaeque nostris observationibus ratione floris seminumque coloris & stigmatum numero divisioneque respondet. Neque KRAVSII icon a natura recedit, etsi pro libri norma multo imminuta sit: in qua pariter tria tantum stigmata divisa delineantur, ut ideo vero simile sit, hanc partem exemplaris Ehretiani monstrose conformatam fuisse.

TAB. LIII.

INDIGOFERA scapo recto, foliorum pinnis oblongis, ad apicem obscure acutis incanis, florum spicis erectis, floribus confertis, leguminibus teretibus erectis glabris.

Expos. a. flos in magnitudine naturali a facie anteriore, b. posteriore, c. d. in magnitudine aucta, e. calyx, f. vexillum, g. g. alae, h. carina, i. stamen solitarium, k. reliquorum staminum diadelphiorum vagina communis, ex qua eorum antherae prominent, l. stylus brevis, seu germinis apex cum suo stigmate, m. legumen rectum, n. aliud paululum incurvum, o. legumen ablata valva altera cum seminibus in situ suo, p. semen exemptum, q. valva separata a facie interiore.

TAB. LIV.

INDIGOFERA scapo recto, foliorum pinnis ovatis, ad apicem obtusis glabris laete virentibus, florum spicis erectis, floribus sparsis, leguminibus teretibus pendulis incurvis subhirsutis.

Expos. a. flos a facie anteriore, b. vexillum, c. c. alae, d. carina, e. calyx cum stamine solitario & reliquis diadelphis, f. germen cum stylo brevi & stigmate obtuso, g. g. legumen pendulum, h. idem ablata valva altera cum seminibus denudatis, i. valva separata a facie interiore, k. k. femina separata.

TAB. LV.

INDIGOFERA scapo infirmo, pinnis oblongis pallide virentibus glabris, pedunculis spicae longissimis, floribus laxè dispositis, leguminibus compressis brevibus gibbosis subasperis dispermis.

Expos. a. flos a facie anteriore, b. vexillum, c. c. alae, d. carina, e. f. stamina diadelpht & solitarium, g. g. g. legumen compressum gibbosum, h. idem altera valva ablata cum binis feminibus denudatis, i. altera valva separata a facie interiore, k. k. k. femina exempta.

Nota. Harum trium tabularum LIII. LIV. & LV. picturas iam a. 1748. a Dn. EHRETO obtinuimus, sed sine leguminum figuris. Primae LIII. subscripsit nomen *Providence Indigo*, foliis argentei coloris, cui hoc peculiare phænomenon addidit, quod in floribus maturis, si alarum vel carinae extremitates tanguntur, hæ illico a se invicem dissiliant staminumque vagina simul se erigat, quod iucundum spectaculum ipse saepius repetiit. Secundam picturam LIV. signavit *Guatimalo Indigo* foliis saturate viridibus. Tertiam LV. *Indigo Caroliniense silvestre perenne*. Legumina deinde nobiscum benevole communicavit Dn. MILLERVS, quae singulis his tabulis adpingenda curavimus, sed tantum coniecturantes, quia eadem alio nomine specifico signata erant. Primum scilicet inscribatur *Indigofera* caule fruticoso perenni, foliolis ovato acutis incanis, floribus spicatis, leguminibus teretibus erectis; secundum *Indigofera* caule fruticoso, foliis ovatis incanis, pedunculis multifloris, leguminibus pendulis incurvis falcatis; tertium *Indigofera* radice restibili, caule ramoso, pedunculis multifloris, foliolis subrotundis glabris, leguminibus articulatis. Ex primae speciei feminibus satis prodiit planta toto habitu tabulae LIII. respondens, sed ad filiquas producendas non perveniens: reliquarum semina non germinarunt.

Laudatus MILLERVS in sexta Dictionarii sui editione tres indicavit species, 1) *Anil* five *Indigo Americana*, filiquis in falculae modum contortis *Marchant. Mem. Ac. Reg. Sc. 1718. the true Indigo &c.* cuius figura colorata eodem nomine occurrit inter figuras suas publicatas (quarum titulum generalem vid. supra in Mantissa notæ ad tab. LI.) ubi pro synonymo eius iungitur *Emerus americanus filiqua incurva Tourn. I. R. H. p. 650. t. 418.* 2) *Anil* five *Indigo americana fruticosa argentea*, floribus e viridi purpureis, filiquis falcatis. *The vild Indigo, or Guatimalo Indigo.* *Colutea* affinis fruticosa, argentea floribus spicatis e viridi purpureis filiquis falcatis *Sloane Cat. Jam. p. 142. Itinerar. II. p. 37. t. 176. f. 2.* ubi inter synonyma quaeritur: an *Colinil H. Mal. I. 103?* & an *Indigo folio rotundo, five Indigofera rotundifolia Munt. Aardgew. p. 228. Phytogr. p. 13. t. 58?* 3) *Anil* five *Indigo filiquis latis aliquantulum incurvis.* *Emerus indicus filiqua aliquantulum incurva, ex quo Indigo Breyn.* (hoc nomen neque in prodromis, neque in centuria, neque etiam inter icones plantarum rariorum inveni:) in prodr. II. vero occurrit *Sesban aniliferum Indicum, Coronillæ foliis, vel Indigo indica nobis, cui ut synonyma iunguntur Colutea indica herbacea, ex qua Indigo Herm. Cat. hort. & Nil, Anil five Indigo Indica Morif. Hist. Ox. P. 2.* Idem MILLERVS in septima operis citati editione quinque recenset species his nominibus: 1) *Anil* leguminibus arcuatis incanis, racemis folio brevioribus, caule fruticoso perenni, the *Iamaica vild Indigo*, quæ ipsi est *Colutea* affinis fruticosa argentea, floribus spicatis e viridi purpureis, filiquis falcatis *Sloane Cat. Iamaic. 142. Itinerar. II. p. 37. t. 176. fig. 3.* 2) *Anil* leguminibus sessilibus arcuatis glabris foliis impari-pinnatis, foliolis ovatis obtusis, the *Guatemala-Indigo*, quæ ipsi est *Indigo americana* filiquis in falculae modum contortis *Marchant. l. c.* 3. *Anil* leguminibus teretibus brevibus, foliis pinnatis quinisve, spicis florum longissimis laxis, radice perenni, the *Carolina vild Indigo.* 4) *Anil* leguminibus pendulis lanatis compressis, foliis pinnatis. 5) *Anil* leguminibus horizontalibus teretibus, foliis pinnatis ternisque. A LINNAEO *Amœnit. Acad. I. p. 408. & spec. II. p. 751.* tres indicantur species: 1) *Indigofera* leguminibus arcuatis incanis, racemis folio brevioribus. *Colutea* affinis fruticosa, floribus spicatis, purpurascens, filiquis incurvis, e cuius tinctura *Indigo* conficitur *Sloan. Flor. (Catal. Iamaic.) 142. Itiner. II. p. 34. n. VIII. t. 179. fig. 2.)* *Anil* seu *Nil Indorum Color Baub. Hist. 2. p. 945. Ameri Rheed. Mal. I. p. 101. t. 54.* 2) *Indigofera* leguminibus pendulis lanatis tetragonis. *Astragalus* spicatus, filiquis pendulis, hirsutis, foliis sericeis *Burm. Zeyl. 37. t. 45. Katu tagera Rheed. Mal. IX. p. 55. t. 30.* 3) *Indigofera* leguminibus horizontalibus teretibus, foliis pinnatis ternisque. *Colutea* filiquosa glabra, ternis quinisve foliis madraspatana, semine rubello. *Pluck. Almag. 110. t. 166. f. 1. Nir-pullari Rheed. Mal. IX. p. 67. t. 36. mala.*

Has recensitas *Indigoferæ* species ab auctoribus cum earum synonymis annotatas indicasse, sufficiat; omnium vero ut & cuiusvis synonymorum (quæ subinde variant) inter se comparisonem aliis relinquimus & figurarum citatarum tantum cum nostris tabulis convenientiam aut differentiam indicamus, ut eo facilius comparatio institui, atque etiam perspicui queat, quænam recte aut sinistre ut synonyma producantur.



INDIGOFERA scapo recto, foliorum pinnis oblongis ad apicem obscure acutis incanis; florum spicis erectis, floribus confertis, leguminibus teretibus erectis glabris.

a. flos in magnitudine naturali a facie anteriori, b. posteriori, c. d. in magnitudine aucta; e. calyx; f. vexillum; g. alae; h. carina; i. stamen solitarium; k. staminum diadelphorum vagina; l. apex styli; m. legumen rectum, n. pendulum incurvum; o. legumen, ablata valva altera, cum seminibus in situ suo; p. semen exemptum; q. valva ablata a facie interiori.





a. flos a facie anteriori; b. vexillum; c. alae; d. carina; e. stamina diadelphica cum stamine solitario; f. germen cum stylo brevi et stigmate obtuso; g. legumen; h. idem oblata valva altera cum seminibus denudatis; i. valva oblata a facie interiori, k. semina exenta.

INDIGOFERA scapo recto, foliorum pinis ovatis ad apicem obtusis late virentibus, florum spicis erectis, floribus sparsis, leguminibus teretibus pendulis incurvis, subhirsutis.



INDIGOFERA scapo infirmo,
 foliorum pinis oblongis pallide virentibus
 glabris, pedunculis spicae longissimis, floribus laxè dispositis, legu-
 minibus compressis brevibus, gibbosis subasperis dispermis.

a. flos a facie anteriori; b. vexillum; c. alae; d. carina; e. stamina diadelphica et solitaria; g. legumen; h. idè
 altera valva ablata cum binis seminibus denudatis; i. valva ablata a facie interiori; k. semen.



PLANTAE
SELECTAE

QVARVM IMAGINES

AD EXEMPLARIA NATVRALIA

LONDINI IN HORTIS CVRIOSORVM NVTRITA

MANV ARTIFICIOSA DOCTAQVE PINXIT

GEORGIVS DIONYSIVS EHRET

GERMANVS

OCCASIONE HAVD VVLGARI COLLEGIT

NOMINIBVS PROPRIIS NOTISQVE SVBINDE ILLVSTRAVIT

ET PVBLICO VSVI DICAVIT

D. CHRISTOPHORVS IACOBVS TREVV

MEDICVS NORIMBERGENSIS

IN AES INCIDIT

ET VIVIS COLORIBVS REPRAESENTAVIT

IOANNES IACOBVS HAID

PICTOR ET CHALCOGRAPHVS AVGVSTANVS

* * * *

DECVRIAVI.

A.R.S. MDCCLX.



PLATE

SECT

OF THE

LIBRARY

OF THE

UNIVERSITY

OF OXFORD

PRINTED

BY

JOHN

CLARKE

OF OXFORD

PRINTED

BY

JOHN

CLARKE

OF OXFORD

PRINTED

BY

1.) Figura colorata, quam MILLERVS Anil nomine exhibuit, toto habitu cum nostra tabula LIII. convenit, si excipias florum colorem saturate sanguineum) leguminis etiam) licet primis tantum lineis in latere additi; situs erectus definitioni nostræ respondet. 2.) MARCHANTI figura pariter quidem non absimilis est, sed legumina delineat articulata & pendentia. Ceterum hic A. l. c. Edit. Paris. p. 92. seqq. omnium huius plantæ (quam ipse coluit, & Indigotier nominavit) partium descriptionem dedit eiusque ab Emero Tournesortii differentiam genericam & specificam fusius exposuit, minus tamen adcurate florem rosaceum ex quinque petalis constantem, & siliquam articulatam descripsit delineavitque. 3.) Emeri Tournes. I. R. H. p. 650. t. 418. legumen delineatur articulatum vel saltem ad singula seminum loculamenta torosum hinc vel TOVRNEFORTIVS l. c. Coluteæ foliis Anil nominatum I. B. H. I. t. XI. p. 384. (cuius nec flores nec legumina delineantur) male ad Emeri sui genus retulit & Emerum americanum siliqua incurva nominavit; vel, si Emeri species est, Indigoferæ species esse nequit. 4.) Coluteæ affinis argentea & c. Sloan. Itin. II. t. 176. f. 3. foliorum pinnæ & florum spicæ secundum delineationem & descriptionem satis etiam cum tabula nostra LIII. conveniunt; sed legumina (quæ non delineantur) describuntur pariter deorsum pendentia, foliorum pinnæ quoque angustiores sunt. 5.) Coluteæ affinis speciei alterius Sloan. Itin. II. p. 34. t. 179. f. 2. (quæ a LINNEO in Amoenit. Acad. l. c. no. I. citatur) delineantur foliorum pinnæ adhuc angustiores, florum spicæ longiores ramosæque, & legumina, quæ his adduntur, incurva seu falcata, nodosa vel quasi articulata, alia pendentia alia magis erecta. 6.) Anil seu Nil Indorum Color Baub. Hist. II. p. 945. ubi figura iterum deficit. 7.) Colinil H. Malab. I. fig. 55. toto habitu equidem non multum quoque a tab. LIII. recedit; sed descriptio atque inprimis leguminum delineatio non convenit, foliorum pinnæ etiam angustiores sunt. 8.) Indigoferæ Munt. tres delineantur species in una tabula: prima vocatur Indigofera coluteoides, & Indigo folio cordato; secunda rotundifolia; tertia longifolia. Secundam foliis rotundioribus ac minoribus tantum a prima differre, additur; sed neutra recte vocatur rotundifolia: sunt enim folia potius pinnata ex solidis binis coniugatis cum impari in summitate composita, singulis oblongis & ad apicem bifidis, (unde sine dubio illa ab A. cordata vocantur) qua nota, dummodo figuræ genuinæ sunt, ab omnibus speciebus, quas alii recensent, adeoque etiam ab illis, quas KIGGELAIR in Phytogr. pro synonymis indicavit, differunt; Legumina nec describuntur nec delineantur, & florum spica laxa secundæ tantum speciei adpingitur, sed tam imperfecte, ut nemo inde generis characterem cognoscere possit. Tertia valde similis si non eadem est cum Xiuh Quilitl Pizahac seu Anir tenuifolia Rechi apud Hernand. plantar. Mexicanar. l. IV. p. 108. 9.) Sesban Breynii figura quidem caret; in altera vero Prodr. II. editione a Filio adornata in nota subiecta non solum Anil Marchantii pro huius plantæ synonymo declaratur, verum etiam floris fructusque character ex propria observatione additus (ubi ille MARCHANTII recte corrigitur) satis declarat, eam esse genuinam Indigoferæ speciem; quænam autem sit, haud clare patet, licet eius differentia & convenientia cum illa, quam IO. BAVHINVS Hist. I. t. XI. p. 386. nomine Sesban foliis Hedydari descripsit & delineavit (quæ figura vero typographico errore, in antecedente pagina nomini Taxocoquamoclit addita est) sollicite indicetur, & ex quibus tantum adparet, Sesban Breynii folia esse breviora foliolorumque in costa coniugationes pauciores; flosculos exiles admodum Meliloti similes; siliquas multo breviores, membranis intergerinis tenuioribus & paucioribus sed arctioribus distinctas; semina pauciora ex tereti quadrata vel apicibus magis compressis & quasi abscissis 10.) Colutea Indica herbacea & c. Herm. Cat. (Ind. plant. H. Acad. Lugd. Bat.) figura pariter caret. 11.) Nil vel potius Nir (quod Arabibus color cæruleus est)

Lusitanis Anir, Indigo five Indica Moris. Hist. Ox. T. II. P. II. p. 202. delineatur Append. Sect. II. t. 24. f. 1. quæ figura, more huic A. consueto, parva est, & sistit foliorum pinnas ovatas cum apice acuto & flores teretesque siliquas ex spica laxa pendentes paullulumque incurvas, adeoque nostræ tab. LIV. quodammodo similes. 12.) Ameri H. Malab. I. f. 54. foliorum pinnis ovatis & floribus in spicis sparsis leguminibusque pendulis eiusdem tabulæ figuræ etiam accedit; stipitis vero altitudo unius hominis & crassitudo lignæque durities enormiter differt, legumina item recta, non falcata vel incurva, delineantur & describuntur: his non obstantibus hanc stirpem ad Indigoferæ species pertinere videtur, & succum quoque Indigo dictum ex foliis parari additur. 13.) Astragalus Burmanni Thef. Zeyl. p. 37. t. 45. seu Katu tagera Hort. Mal. IX. fig. 30. nulli nostrarum tabularum similis est ob legumina valde lanata & quadrata. 14.) Nir Pullari H. Mal. IX. f. 36. est planta trifoliata; flores delineantur in brevibus spicis sparsi, legumina nec delineantur nec describuntur. 15.) Ervum Breynii Prodr. II. edit. II. p. 61, cuius synonymum Burmanno (Thef. Zeyl. p. 77. voce Coronillæ) est Colutea zeylanica argentea tota H. L. B. p. 169. tab. p. 171. secundum hanc iconem habet siliquas seu legumina articulata, seu intermediis torosis prædita, & ut frutex describitur humanæ altitudinis. 16.) Coluteæ siliquosæ glabræ Plucknetii t. 166. figura 1. delineat folia inferiora ternata superiora quinata, omnia ovata; legumina magis minusve erecta, longo petiolo nunc solitaria nunc bina brevi pediculo adhaerentia; florum spicæ omissæ sunt. 17.) Yztacpatli figura, quam hic A. ex Rhecho apud Hernand p. 451. n. IX. citat, foliorum omnium pinnas quinatas & flores, qui dicuntur ex viridi lutei, in spicis longis, longiores petiolos terminantibus, dense congestos monstrat, legumina vero omissæ sunt.

Merx illa, Indigo dicta, & hodiernum celebris, pristino ævo iam nota fuit, præsertim Arabibus, qui Nil (vel rectius Nir) & Anil illam vocarunt, eamque non solum ad usum tinctorium, verum etiam medicum adhibuerunt (vid. e. gr. RASIS Continens interprete SVRIANO Venet. 1509. fol. mai. L. ult. C. 506. p. 71. col. b. & AVICENNA interprete MONGIO & COSTAEO ibid. 1564. fol. C. 513. p. 439.) qui usus medicus etiam Malabaribus (vid. H. Malab. I. p. 102. 104.) Brasiliensibus & omnibus pene Americæ populis (Marggrav. hist. nat. Brasiliæ p. 58. Piso de Indiæ utriusque re nat. & med. p. 199. Philos. Transact. 1701. n. 276. p. 1056.) notus, immo a practicis Europæis probatus est (vid. Ephem. N. C. Dec. II. A. I. p. 282. Morison H. Ox. II. p. 202. RAIL Hist. I. p. 927.) raro tamen adhibetur, quia nonnulli hoc pharmacum corrosivæ & nimium adstringentis qualitatis arguunt (vid. DALE Pharmacol. 144. BOECLERI Cynosur. mat. med. Contin. II. p. 504. & confer. auctores ab his citati) quam malignam qualitatem forsan contrahit ex vasis cupreis, in quibus excoquitur, præcipue non debite purgatis. Arabum interpretes latini nomen Anil verterunt Indicum (conf. MATTH. STLVATICI Pandectæ Venet. 1493. fol. p. 19. b. voce Anil, & SIM. IANVENSIS Clavis sanationis, voce Nil) unde procul dubio Indigo, vox æque barbara, orta est. Pluribus prisca avi scriptoribus non minus notam fuisse hanc mercem, fusius expositum legitur in Diario illo batava lingua hoc titulo edito: Kabinet der natuurlike Historien, Wetenschappen, Konsten en Handvercken, 12mo Amstel. 1722. mens. Febr. p. 64. seqq. Vt ut autem planta, ex qua hæc merx paratur, veteribus notissima fuerit, eam tamen tam negligenter descriperunt, ut hodie nondum certo demonstratum sit, quamnam intellexerint.

Massa tinctoria sæpius memorata paratur quidem præcipue ex singulis Indigoferæ recensitis speciebus, quod auctores citati testantur; ex una tamen præ altera præstantiorem produci, indicant iidem, quod non solum a diversarum specierum qualitatibus propriis differentibus, verum etiam a solo natali, cultura & parandi modo vario procul dubio derivandum est. Neque tamen huius generis species solæ eiusmodi succo tinctorio præditæ sunt, aliorum quippe generum etiam plantæ sunt detectæ simili qualitate gaudentes. HERNANDEZ iam l. c. L. IV. p. 108.

p. 108. seqq. duarum plantarum Mexicanarum (quæ Xiuh Quilitl Pizahac nominantur) mentionem facit, quarum succus cæruleo tingit colore, figuræ vero ab Indigofera multum recedunt. MARGGRAVIVS & PISO l. c. c. duas pariter producunt plantas, ex quibus fit Anil, quæ ab utroque iisdem pene verbis describuntur iisdemque figuris delineantur & a priore Herva d'Anir, a posteriori Caachira nominantur. Primæ speciei figuræ totus habitus Coronillæ nostrati quidem similis est (unde etiam a VOLKAMERO *Flor. Norimb.* vocatur Coronilla indica ex qua Anil) florum vero spicis differt & ob caules infirmos humique prostratos ad figuram tabulæ nostræ LV. magis accedit, eius flores vero in descriptione male comparantur cum casside aperta, ut in Hedera terrestris vel Vrtica mortua: altera species foliis simplicibus, lanceolatis, ex adverso binis, penitus differt & propius convenit cum Xiuh Quilitl Pizahac I. *Hernand.* (alterius speciei iconem hic non addidit) estque forsan Ifatis indica folio Rorisimarini, Glasto affinis, C. B. *pin.* 113. n. 111. Olim in America ex quadam Ononidis specie præparatam esse eiusmodi massam tinctoriam, annotat MILLERVS in explicatione tab. XXXIV. iconum suarum superius citatarum. De illa stirpe, cuius imaginem sequens tabula LIX. exhibet, BROWNE non dubitat, quin ex eius foliis pariter similis massa parari possit. In Decade VII. D. V. sequutura producemus Cytisi speciem, ex qua Barbadenfes pariter Anil excoquant.

Ex his liquet, plures plantas, potissimum flores sic dictos papilionaceos producentes, ad eandem mercem, licet non eiusdem præstantiæ, præparandam idoneas esse. Præ reliquis autem silentio non prætereunda est notissima illa planta Europæa, quæ Ifatis & Glastum vocatur, quam ob decantatam inde dudum paratam massam, (Pastel vocatam) cum Anil plures veterum confuderunt, & de qua D. D. DAN. GOTTFR. SCHREBER peculiarem tractatum edidit hoc titulo: *Historische, physische und oekonomische Beschreibung des Waidtes, &c. Halle 1752. 4to* cum accuratissimis plantæ eiusque characteris iconibus, ubi p. 98. comparatio illius massæ, quæ inde paratur, cum illa, quæ Indigo vocatur, instituitur, immo sub finem præfationis alii excitantur, ad experiendum, numne ex Ifatide melius adhuc pigmentum vel tinctura parari posset, quam ex ipso Anil, dummodo debita cura adhibeatur.

Modum, quo pigmentum Indigo dictum ex Indigofera seu Anil parandum sit, omnes fere auctores hactenus citati docent, omnium vero accuratissime & prolixissime Pater LABAT (*Voyage aux Isles de l'Amérique Vol. I. à la Haye 1724. 4to p. 90. seqq.*) quam relationem in Anglicam linguam versam suo Hortulanor, Dictionario Edit. VII. inseruit multisque annotationibus illustravit MILLERVS.

Qui plura de huius mercis præparatione & bonitatis signis, eiusque plantæ cum Ifatide seu Glasto comparatione confusioneque, differentia, loco natali, cultura &c. scire desiderat, evolvet, præter auctores iam citatos, IO. EVSEB. NIEREMBERGII *historiam naturæ &c. p. 339. C. XI. PARKINSON Theatrum bot. p. 600. IO. BAVHINI Hist. pl. II. 945. DOMIN. CHABRÆI stirpium icones 82. b. Du TERTRE Histoire generale des Antilles T. II. 107. De ROCHEFORT Histoire naturelle des Isles Antilles de l'Amérique T. I. 237. Miscellan. seu Ephem. N. C. Dec. II. A. II. ex obs. JO. HERB. de JÆGER p. 5. Philosophical Transaction Vol. XXII. A. 1700. 1701. n. 267. p. 103. & n. 276. p. 1016. PIERRE POMET Histoire gen. des Drogues P. I. L. V. p. 151. Memoires de Trevoux 1732. p. 1278. Die heutige Historie oder der gegenwärtige Staat von Indostan und Ceilon &c. nach dem Engl. und Holländischen SALMONS und van GOCH p. 199. Dictionnaire univers. de Commerce par JAQ. SAVARY p. 878. The Gentleman's Magazyne &c. Vol. XXV. a. 1755. p. 201. quæ relatio germanice reddita & annotationibus aucta exstat in collectione: Oekonomisch*

physicalische Abhandlungen IX. Theil p. 171. seqq. & conferat SCHRERI tractatum superius citatum.

TAB. LVI.

ARVM venis albis Italicum maximum H. R. P. 24. *Tournef. I. R. H. 158. Tilli H. Pif. 16. Rand. H. Chelf. 23.*

An Arum venis albis C. B. *pin.* 195. n. 1. *Phytopin.* 365. n. 1. *Raj. II.* 1209. *Segu. pl. Veron. I. 252.*

Arum acaule, foliis hastatis integerrimis, spadice clavato, varietas 3 & 5 *Lin. H. Cliff. 435.*

Expos. a. spadix clavatus integer, *b.* longitudinaliter dissectus, *c.* nectaria seu cirrhi aut filamenta primi ordinis, *d.* secundi ordinis, *e.* antheræ sessiles duplici ordini cirrhorum interiectæ, *f.* ovula.

Nota. Num Arum hoc maximum illudque venis albis C. B. non nisi vario atque mutabili, an perpetuo & constanti caractere inter se differant, ex utriusque historia non satis liquet. Si prius a posteriori, sive ut species sive ut varietas, distinguendum est, eius descriptionem & figuram nemo, quantum scimus, adhuc publicavit. Vnum ab altero distinguit Auctor H. R. P. & TOVRNEFORTIVS nec non LINNEVS, attamen hic tantum ut varietatem; neque TILLI, prius recensens, posterioris mentionem facit, neque SEGVIERIVS prioris nomen posteriori adiungit. Vtrumque nomen ut synonyma coniungit MORISONVS seu potius BOBARTVS *Hist. Ox. III.* 143., cui MILLERVS *Gard. dict.* ut & ipse BAVHINVS in *Phytopin.* respondere videntur. Qui posterioris descriptiones apud auctores hic & a C. B. citatos evolvet, inveniet, huic quoque folia maiora, quam vulgari, adscribi; sed inveniet etiam, eorum paucos venarum, plures macularum tantum albescentium mentionem facere: unde novum oritur dubium, num scilicet hæc species ab illa, quæ vocatur Arum maculatum, maculis candidis vel nigris C. B. *pin.* 195. n. 111. ulterius distinguenda sit, quam sola magnitudine, numque hæc differentia constans sit, an clima aut solum varium illam producere valeat. Haud inanis, licet difficilis, labor esset, si omnes notæ peculiæ (præter illas in fructificationis partibus pro generico caractere constituendo obvias) ita simul observentur & annotentur, ut compertum sit, quæ ex se ipso, vel saltém culturæ aut climatis ope, mutabiles, quæve semper constantes sunt; unde demum certo concludere liceret, quæ ex his vel specierum vel varietatum, harumque vel constantium vel mutabilium, notis adscribenda essent. Hucusque scilicet nondum satis declaratum est, quæ notæ ad species quæve ad varietates definiendas perpetuo vel admittendæ vel excludendæ sint.

TAB. LVII.

VERBASCVM foliis lanatis radicalibus, scapo nudo *Lin. Spec. 179. n. 9.*

Verbascum humile Alpinum, villosum, Borriginis flore & folio, *Tournef. I. R. H. 147. n. 14. Ind. plant. H. L. Bat. 619. Boerb. Ind. Alt. I. 228. n. 10.*

Auricula Urſi Myconi Dalech. *Hist. Lugd. I. 837. cum fig.*

Auricula Urſi Myconi villosa cærulea I. B. III. *app. 869. cum eadem figura.*

Auricula Urſi Myconi Lugd. Cortusa Matth. Clus. *Hist. Morif. H. O. II. Sect. V. t. 24. f. 5. cum falsa icone.*

Auricula Urſi flore cæruleo folio Borriginis *Parck. Parad. terr. II.* 236. folio & flore Borriginis *Eiusd. ib. p. 237. f. 3.*

Auricula Urſi Borriginoides seu folio & flore Borriginis *Munt. Aardgew. p. 382. c. fig. Phytogr. p. 23. fig. 113.*

Auricula Urſi folio & flore Borriginis Myconi *R. Vallet Jardindu Roy &c. fol. 14. f. 3. Sweert. Florileg. P. II. t. 4. de Bry Anthol. t. 38. Merian. Floril. renov. & auct. t. 38. figuræ eadem.*

Sanicula



ARUM *venis albis italicum maximum* H. Reg. Paris. p. 24.

a. spadix clavatus integer, b. longitudinaliter dissectus, c.c. cirrhi seu filamenta primi ordinis, d.d. secundi ordinis, e.e. anthera sessiles, f.f. ovula.



4131



VERBASCUM foliis lanatis radicalibus, scapo nudo Linn.

Spec. 179. n. 9.

a. calyx et corolla a facie posteriori, b. anteriori; c. corolla dissecta et explanata cum staminibus; d. stamen separatum a facie posteriori, e. laterali, f. in magnitudine aucta; g. calyx cum ovario et stylo; h. ovarium transverse dissectum; i. idem in magnitudine aucta; k. pericarpium duplex maturum a facie laterali cum calyce persistente; l. idem diductum a facie interiori, m. unum pericarpium a facie interna ubi dehiscent; n. a facie externa; o. idem transverse dissectum, p. in magnitudine aucta; q. r. semina in magnitudine naturali et aucta.



VERBA ET



CAR. AL. DE. ZIDROZ.
HERBARIUM OF THE UNIVERSITY OF CALIFORNIA
PACIFIC DIVISION
HERBARIUM OF THE UNIVERSITY OF CALIFORNIA
PACIFIC DIVISION
HERBARIUM OF THE UNIVERSITY OF CALIFORNIA
PACIFIC DIVISION



CORALLODENDRON foliis ternatis, cau-ermi, floribus clausis, leguminibz no- le simplicissimo in-dosis.

a. Floris calyx, b. corollae clausa, c. eadem infimo in latere dehiscens, d. stamina ex hiatu prominentia, e. leguminis petiolus, f. legumen maturum, g. idem uno in latere dehiscens, h. semen exemptum, i. ejus hilum, k. semen transverse sectum, 1. 1. 1. floris ala, 2. 2. 2. 3. 3. carina, 4. 4. 4. stamina, 5. 5. 5. staminum vagina, 6. 6. 6. stylus, 7. 7. 7. germen.



1. 1011. 102



SOPHORA arborescens, foliis pinnatis, pinnis numerosissimis ovatis vil-
 losis, caule simplici, leguminum nodis valde distinctis.

a. flos integer; b. calyx; c. vexillum; d. ambae alae; e. ambo carinae segmenta; f. stamina et g. germen calyci b. adhuc inclusum;
 h. decem stamina et i. germen a calyce denudatum; k. k. stamen longius breviusq. separatim; l. germen cu' stylo brevi et stigmate obtuso; m. legu-
 men maturum; n. idem, valva altera ablata, cu' seminibus denudatis; o. valva ablata a facie interna; p. semen.

Sanicula Alpina foliis Borraginis villosa C. B. pin. p. 243. n. IX. H. R. Parif. Ic. plantar. Morif. H. O. II. 558.

Expos. a. Calyx & corolla a facie posteriore; b. corolla, cum foramine pro styli transitu remotis staminibus & stylo, a facie anteriore, c. corolla dissecta & explanata cum adherentibus staminibus, d. stamen separatim cum filamento & anthera a facie posteriore, e. a facie laterali, ut filamentum insertio pateat, f. a facie posteriore in magnitudine aucta, g. calyx cum ovario & stylo, h. ovarium transverse dissectum cum binorum loculamentorum cavitatibus, i. idem eodem modo in magnitudine aucta, k. pericarpium maturum duplex seu in duo loculamenta a se invicem secedentia divisum a facie laterali cum calyce persistente & stylo horum loculamentorum uni adherente & simul persistente, l. eiusdem pericarpium duo loculamenta diducta a facie interiore seu contigua, m. unum loculamentum a facie interiore, ubi dehiscit, n. a facie exteriori, o. idem transverse dissectum cum eius cavo semina, eius lateribus adherentia, continente, p. idem in magnitudine aucta, q. semina in magnitudine naturali, r. aucta.

Nota. Huius plantae mentionem iam fecimus in explicatione tab. XII. superiore, ubi eadem Meadiæ congener nobis visa est propterea, quia ex citatis figuris (quæ omnes viles sunt, si excipias illam Muntingii, Parkinsoni, Valleri & imprimis H. R. P. a NIC. ROBERTO & CHATILLON repræsentatam) nulla huius ipsius plantæ floris partium omnium, & multo minus pericarpium structuram delineavit, neque Dn. EHRETUS easdem imagini totius plantæ sigillatim tunc adposuit, plantæ habitus vero illi Meadiæ valde similis est & a Verbasci reliquis speciebus hac nota longissime recedit. Postquam autem laudatus EHRETUS rogatus singularum fructificationis partium figuras nobiscum communicavit, errorem facile cognovimus, & vi characteris earundem partium persuasi nunc sumus, hanc plantam, antea nobis nunquam visam, omnino Verbasci generi adscribendam esse.

TAB. LVIII.

CORALLODENDRON foliis ternatis caule simplicissimo inermi, floribus clausis, leguminibus nodosis.

Corallo dendron humile, spica florum longissima, radice crassissima *Catesby Carol. p. 2. t. 49.*

Corallo dendron Carolinianum floribus spicatis coccineis, radice crassissima *Miller, Gard. Dict. edit. VI.*

Coral Caroliniensis, hastato folio Petiverii (*Hort. succ. n. 82. qui prostat in Raii Hist. Pl. T. III. append. p. 241. seqq.*) *Dill. H. Elth. p. 107. t. 90. f. 106.*

Erythrina foliis ternatis, caule simplicissimo inermi *Linn. H. Cliff. 354. Spec. p. 706. n. 1. Roy. Prodr. H. Lugd. 373. Miller. Gard. Dict. Edit. VII.*

Expos. a. Floris calyx monophyllus ad oras levissime dentatus, b. corolla penitus adhuc clausa, c. eadem in infimo latere dehiscens, d. stamina ex hiato prominentia, e. leguminis petiolus, f. legumen maturum ad singula seminum loculamenta tumidum, g. idem uno in latere dehiscens & semina manifestans, h. semen exemptum, i. eius hilum, k. semen transverse sectum, ut substantia eius pateat.

Nota. Floris structuram internam eiusque partes separatas Dn. EHRETUS huic imagini non addidit, nec nos talem florem in natura obtinere potuimus ad hunc defectum supplendum; leguminis maturi vero exemplar laudatus Dn. MILLERUS pariter nobiscum communicavit. Si figuras citatas cum nostra conferimus, levis quædam differentia notanda venit. In nostra namque foliorum partes ovatae in mucronem extenuatum abeunt; in Dilleniana & Catesbyana vero apicem versus, & in hac ad basin etiam, magis sinuata delineantur, adeoque hastæ omnino similes sunt: ceterum hæ figuræ inter se conveniunt. DILLENIVS suæ figuræ addidit floris partes internas singulas sigillatim delineatas, quas complementi gratia nostræ adsculpendas curavimus: 1. 1. indicant ambas alas, parvas ad vexilli basin reconditas, stylum atque stamina obvolventes, convolutas teneras, coloris purpurascens, 2. 2. sunt carinæ partes duæ eiusdem coloris, stamina & pistillum pariter cingentes, tam ad basin quam in apice incisæ & facile a se invicem secedentes, 3. 3. eadem partes divisæ, 4. stamina decem, quinque longiora & totidem breviora, medium versus a summitate coeuntia & vaginæ 5. instar, pistillum ambientia, apicibus seu antheris parvis oblongis flaventibus terminata, 6. pistilli stylus simplex oblongus acuminatus purpureus, medium versus crassior & virefcens, qui deinde fit leguminis petiolus, 7. pistilli germen seu legumi-

nis rudimentum stylo insidens. Quia A. citatus harum partium colorem tantum descripsit, nos easdem etiam tales, quales invenimus, exhibemus. Exteriores floris partes, nempe calyx & corolla tubulosa cum vexillo reflexo, litteris a. & b. iam indicatae sunt. Dilleniana huius stirpis imago caret leguminis seminisque figura, Catesbyana vero imagini illa addita est tum adhuc clausa, tum hians cum seminibus in situ suo, quæ ambæ figuræ a nostris non differunt; hæc præterea radicem integram napiformem coloris flavescentis, depingit, cuius caput cum plurium caulium ex eo provenientium primordiis Dilleniana quoque indicat. Ceterum fructificationis partium omnium characterem exhibet LINNÆVS *Gen. Plant. Edit. V. n. 762*, cum quo conferri potest ille a MILLERO l. c. designatus.

TAB. LIX.

SOPHORA arborefcens, foliis pinnatis, pinnis numerosissimis ovatis pilosis, caule simplici, leguminum nodis valde distinctis.

Arbori Coral affinis non spinosa, fraxini folio rotundiore, foliis & ramulis pubescentibus *Sloan. Cat. Jamaic. p. 144. Itiner. f. Hist. Vol. II. p. 40. n. XIII. tab. 187. fig. 3. Raii Hist. Dendrol. p. 108. n. 5.*

Expos. a. Flos integer, b. calyx, c. vexillum, d. ambæ alæ, e. ambo carinæ segmenta, f. stamina & g. germen calyci adhuc inclusa, h. decem stamina & i. germen a calyce denudata, k. k. stamen brevius longiusque separatim, l. germen cum stylo brevi & stigmate obtuso, m. legumen maturum, n. idem valva altera ablata cum seminibus denudatis, o. valva ablata a facie interiore, p. semen exemptum.

Nota. I. Figura, qua hanc arbusculam repræsentavit SLOANE, nostræ imagini per omnia similis est; sed floris analysis in partes & leguminis (quod A. ut ipse fatetur non vidit) figura deficit. Iptius arboris brevem descriptionem, a RAO l. c. latine redditam, SLOANE ita concinnavit: „ Huius arboris „ virgæ cortice lanuginoso albicante integuntur; ligno est molli, „ medulla ampla, folia furculos undique cingunt 7. 8ve uncias longa, pinnata, pinnis rhachi mediæ petiolo $\frac{1}{10}$ uncia „ longo intercedente adnexis, rotundis seu ovatis, singulis in „ transversum seu diametraliter $\frac{1}{10}$ uncia partem extensis, „ utrimque lanuginosis & albicantibus, impari costam terminante. Virgarum summitates ad 4. vel 5. dig. spatium in „ florum papilionaceorum spicas exeunt, ut in aliis congenitibus, quorum singuli calyce albo sustinentur. Semina eorumque receptacula non observavi, adeoque, quid de iis dicam, non habeo. In mediterraneis insulæ Iamaicæ observavi. „ II. Galega? fruticosa foliis subrotundis pinnatis, spicis simplicibus terminalibus *Browne civil and natural history of Jamaica p. 289. n. 5. t. 31. f. 1.* (qui A. idem SLOANE nomen pro synonymo agnoscit) folium tantum unicum separatim, floris autem partes singulas sigillatim delineat & siliquæ etiam figuram addit. Huius stirpis flos eiusque partes cum nostra figura satis conveniunt, ut & folii pinnæ, siliqua autem per totam longitudinem signata est fascia eminente, ad seminum loculamenta minus tumet, semina separata non globosa, oblonga potius, apparent: eorum florisque coloris nulla fit mentio in descriptione. Characterem huius stirpis hic A. his verbis definit: „ 1. Perianthium „ campanulatum, levissime dentatum, fere truncatum; 2. Corolla „ quasi leguminosa, pentapetala irregularis; superius subovata, „ lateralia oblonga æqualia, unguibus tenuibus incidentia, infima ad „ apices agglutinata; 3. stamina: filamenta decem, basi levissime „ adnata, inde libera, antheræ cordatæ; 4. Pistillum: „ sustentaculum breve, germen oblongum, stylus brevis, stigma „ obtusiusculum; 5. Pericarpium: legumen longum torosum; „ 6. Semina plurima oblongo-ovata. „ Ex staminibus liberis satis apparet, hanc stirpem non ad Galegæ (ut BROWNE interrogando suspicatus est) sed ad Sophoræ genus pertinere: Galega namque habet filamenta decem ultra medietatem coalita (vid. *Linn. Gen. pl. Ed. V. n. 770*. Sophora vero, ex obs. LINNÆI l. c. n. 41, in omnibus cum papilionaceis & diadelphis convenit, præterquam quod filamentis distinctis & separatis gaudeat. Stirpis descriptio hæc est latine verba: Hæc fruticosa planta crescit præcipue in locis humilibus prope mare & ascendit plerumque ad 6. vel 7. pedum altitudinem. Coloris est profunde cinerei, profert plures siliquas longas

formæ rotundo - cylindricæ, sed circa semina intumescences. Suspicio, annon folia huius plantæ præbeant bonæ notæ Indigo. Quum huius stirpis legumina seminaque (dummodo matura fuerint) pinnarum quoque color profunde cinereus a nostris figuris haud leviter differunt; nostra præterea stirps arbor est, hæc ut frutex describitur: quæritur, an una eademque sit species, an alia, an saltem varietas? III. Corallodendron folio Pseudo-Acaciæ subtus tomentoso flore luteo *Plum. Cat. ad calcem eiusd. Novor. Plantar. americanar. gener. p. 21.* Inter icones huius auctoris a BVRMANNO *Plantar. Americanar. (Plumerii) fascic. V. p. 91. t. 101.* publicatas, lineis tantum periphericis, ut omnes, delineatur & a BVRMANNO recte vocatur Sophora foliis pinnatis, foliolis cordatis subtus tomentosis, spica simplici. Hæc figura repræsentat pinnarum foliola ad apicem magis acuta & in basi valde incisa, adeoque omnino cordata; flores non satis distinctos nec eorum partes separatas, & legumina ad feminum intercapedines minus contracta. Etsi ergo in reliquis nostræ imagini satis similis sit, ipsique SLOANEI æque ac BROWNEI nomen ut synonymum iungatur; dubium tamen superest, annon pariter rectius, si non pro distincta specie, pro varietate saltem agnoscenda sit. IV. Phaseolo affinis arbor indica Coral dicta polyphyllis non spinosa, foliis mollibus subhirsutis *Pluk. Almag. p. 293. Phytogr. t. 104. f. 3.* Hæc arbor BVRMANNO synonymum est suæ Sophoræ; sed ipse iam annotavit, folia quinque tantum monstrare pinnas. Tota etiam figura est imperfecta: neque enim ex floribus vera eorum structura cognosci potest, neque leguminis figura addita est. V. Yztacpatli VIII. *Hern. p. 451.* (quod nomen suæ plantæ iungit PLVKNET) figura minus adhuc completa repræsentata est: caret namque & spica florifera & legumine; radice uero napiformem & folia singula cum pinnis quinque delineat & describit, unica insuper pinna in latere, ut videtur in magnitudine naturali addita, vere cordata est.

Exemplar leguminis maturi, cuius figuram imagini Ehetianæ adpingendam curavimus, iterum benevolæ communicationi Dn. MILLERI debemus,

TAB. LX. & LXI.

CEDRVS foliis rigidis acutis perennantibus, conis subrotundis erectis.

Cedrus foliis rigidis acuminatis, non deciduis, conis subrotundis erectis *Plant. sel. Tab. I.*

Expos. Tab. LX. *a.* iuli gemma, *b.* iulus cum calyce pronascens, *c.* idem per longitudinis medium dissectus, *d.* in magnitudine aucta, *e.* iulus perfectus, *f.* eius calyx persistens, *g.* calyx separatus a facie interiore seu superiore, *h.* iulus separatus & per longitudinis medium dissectus, *i.* eius axis, *k.* k. stamina aliquot separata, *l.* stamen in magnitudine aucta, cum filamento *m.* perbrevis, anthera *n.* magna, & *o.* eius extremitatis squama operculi loco inserviente, *p.* anthera transverse dissecta, *q.* iulus aridus, *r.* huius stamen a facie superiore, *s.* in magnitudine aucta, *t.* a facie laterali, *u.* inferiore, *x.* in magnitudine aucta, *y.* pars pollinis, quem continet, *1.* conus iunior, *2.* eius calyx, *3.* calyx separatus a facie externa seu laterali, *4.* interna seu superiore, *5.* eiusmodi conus per longitudinis mediū dissectus, *6.* eius axis, *7.* conus pars inferior, *8.* eius axis pars denudata, *9.* squamula separata a facie inferiore, *10.* superiore cum binis feminum rudimentis, *11.* conus paullo adultior cum calyce reflexo adhuc persistente, pedunculo cum ramo continuo & duobus foliorum fasciculis, *12.* conus maturi pars inferior, cuius squamis singulis semina duo incumbunt, *13.* eius axis a squamis denudatus, *14.* squamarum una separata cum binis feminibus, *15.* bina unius squamæ semina separata, *16.* 16. feminis granum, *17.* 17. eius ala amplissima.

Expos. Tab. LXI. *a.* foliorum fasciculus, thecæ communi inclusus, *b.* folium a theca separatum, *c.* idem transverse dissectum, *d.* *e.* conus ex monte Libano per medium longitudinis divisus a facie interna & externa, *f.* semina squamis interiecta, *g.* *g.* eius pedunculus ab arboris ramo avulsus, *h.* *i.* talis conus in Anglia natus, pari modo divisus, ab utraque facie, *k.* *k.* semina, *l.* pedunculus, * baculus vertici alligatus, *m.* *n.* *o.* *p.* *q.* squamæ cum feminibus minus perfectis coni in Anglia nati.

Nota. Huius arboris celeberrimæ ramum, cum cono maturo & ramorum turionibus in magnitudine naturali in tabula I. iam repræsentavimus & in explicatione huius tabulæ aliquot synonyma indicavimus, quibus sequentia adhuc iungi possunt:

Cedrus Rauwolf. Itin. P. II. p. 280. f. 33. Bellon. observ. L. II. C. CX. cum fig. Matth. Comment. in Diosc. edit. Ven. 1570. p. 108. cum fig. Epitom. p. 44. c. fig. Cammer. Epit. 57. c. fig. Tabern. Edit. Bas. 1664. p. 1352. c. fig. Cedrus Phœni-

cea Renealm. Spec. Hist. Pl. 27. Cedrus Phœnicia nostra & Matthioli Lugd. 36. c. fig. Cedrus Libani Ger. 1352. Cammer. Herb. (Kreuterb.) 336. c. fig. Barrel. ic. 499. Edwart. Ornithol. (Nat. History of Birds) P. IV. p. & t. 188. Cedrus magna Dod. 867. c. fig. Portæ Phytognom. L. IV. c. VII. Cedrus magna conifera Libani Park. 1532. c. fig. Cedrus maior montis Libani Matth. comment. in Diosc. Edit. Venet. 1565. p. 126. c. fig. Cedrus Libani & Palestinæ excelsa Lob. obs. 630. c. fig. Advers. 448. c. fig. Cedrelate Plin. H. N. Libr. III. c. 58. & Libr. XXIV. c. 5. Cedre du Liban de la Roque Voyage de Syrie & du mont Liban p. 68. seqq. c. fig. Cedro dagli Hebrei & nelle sacre Lettere Anguill. 43. Aeres S. Script. Hilleri Hierophyt. P. I. C. XLII. p. 377. seqq. aliorumque. Berofsch & Beroth S. Script. Ol. Celsi Hierobot. p. 74. seqq. Arz, Arzara Arabum Sim. Januens. Clav. sanat. Matth. Silvat. Pandect. Scerbin iudem ibid. Ol. Celsi Act. lit. & Sc. Suecia Vol. III. a. 1733. p. 53. Scherbin. id. ibid. & eiusd. Hierobot. p. 74. Scerbin, Alscerbin Avic. Canon. I. Libr. II. tract. II. cap. 164. Pinus foliis fasciolatis acutis Linn. Spec. p. 1001. n. 6. Larix foliis acutis perennantibus conis obtusis Mill. Gard. Dict. edit. VII.

Omnes hi citati auctores, qui huius arboris figuram exhibuerunt, eius ramum tantum cum uno vel altero cono repræsentarunt, nemo vero totius arboris habitum, multo minus eas partes, quæ characterem declarant, descripsit vel delineavit. LOBELIVS quidem & de la ROQUE trunci partem addiderunt, sed valde imperfecte, & plurimi conos pendentes ipsi adfinxerunt. Quum ergo compertum habuimus eandem arborem, primum ex seminibus ex ipso Libano monte petitis educatam & nunc copiose propagatam esse in Anglia, Dn. EHRETVM rogavimus, ut omnibus his nostræ curiositati satisfaciatur, quibus, (iis scilicet, quas tabula LX. sistit) obtentis, ad ductum harum figurarum historiam Cedrorum Libani composuimus, & Novorum Actor. Acad. Cæs. N. C. Tomo primo Obs. C. I. p. 409. seqq. inseruimus, quam iisdem verbis & iconibus bibliopola seorsim excusam ulterius evulgavit hoc titulo: D. CHRISTOPH. IAC. TREW Cedrorum Libani historia earumque character botanicus cum illo Laricis, Abietis Pinique comparatus. Accedit brevis disquisitio, an hæc arbor sit illa ipsa in sacro Codice præ omnibus celebrata & vel Aeres vel Berofsch dicta: itemque an Græcis botanicis fuerit cognita. Cum tabb. æn. II. Norimb. impensis Wolfg. Schwarzkopffii, 1757. 4to. In hac historia simul contra celeberr. OL. CELSIVM sustinimus, Cedrum Libani esse omnino Aeres S. S. Hic namque auctor multis argumentis Actor. litt. & scient. Suec. I. c. p. 50. & Hierobot. p. 106. demonstrare conatus est, Aeres S. S. & Ers Arabum (quæ ipsi una eademque est Arbor) non posse esse Cedrum Libani, potissimum propterea, quia 1) testimonio omnium eorum, quibus eam observandi occasio fuit, omnes in Libano hinc inde adhuc superflites caudicem tam brevem & ramosum supra humum tam longos & crassos ostendant, ut earum trunci neque ad navium malos fabricandos, neque ad tanta ædificia (qualia, præter templum Hierosolymitanum, palatia regia aliaque fuerunt) struenda nequitiam idonei fuissent, ad quæ tamen, testantibus innumeris S. S. locis, Aeres inservit; 2) quia Ers Arabum est Pinus. Reliqua argumenta (quæ in nostra Cedrorum Libani historia p. 18. seqq. recensuimus) hic omittimus, quia hanc controversiam hic repetendi & ulterius ventilandi nec animus nec locus est. Binis tamen argumentis memoratis, simulque Censuræ Gættingensi (Gættingische gelehrte Zeitung 1757. n. 123. p. 1169. seqq.) quædam harum tabularum explicationi adponere non incongruum erit. Quod ad argumentum I. attinet, in historia nostra iam asseruimus atque etiam ex auctoribus p. 15. seqq. citatis probavimus, Cedrum Libani tam brevem & a ramis tam enormibus mox ab humo difforem redditum caudicem sua natura ac præcelsa meta ascendere, nisi causæ accidentales id impediunt, licet illæ quoque Cedri, quæ teste MILLERI Dictionario a. 1683. tres tantum pedes altæ circa alveum horti Chelseani hinc inde plantatæ (ex quibus unius maioris habitum, quo a. 1748. gaudebat, tab. LX. monstrat) eandem monstruositatem exhibeant.

Noto



CEDRVS foliis rigidis acuminatis non deciduis, conis subrotundis erectis Plant. sel. tab. 1.

a. juli gemma; b. julus cum calyce prorsus; c. idem per longitudinis medium dissectus, d. in magnitudine aucta; e. julus perfectus, f. ejus calyx persi-
stens; g. calyx separatus a facie interiore; h. julus separatus et per longitudinis medium dissectus, i. ejus axis; k. k. stamina aliquot separata; l. stamen
in magnitudine aucta cum filamento m. per brevi, anthera n. magna et o. ejus extremitatis squama; p. anthera transverse dissecta; q. julus aridus; r. stame-
a facie superiore, s. in magnitudine aucta, t. a facie laterali, u. inferiore, x. in magnitudine aucta, y. pars pollinis quem continet; 1. conus junior, 2. ejus
calyx; 3. calyx separatus a facie externa, 4. interna; 5. ejusmodi conus per longitudinis medium dissectus, 6. ejus axis, 7. ejus pars inferior, 8. axis denu-
datus; 9. squamula separata a facie inferiore, 10. superiore; 11. conus paullo adultior; 12. conus maturi pars inferior, cujus squamis semina incumbunt; 13. e-
jus axis; 14. squamarum una separata cum binis seminibus; 15. bina unius squamæ semina separata, 16. 16. semen, 17. 17. ejus ala.



[Faint, illegible text, likely bleed-through from the reverse side of the page.]



CEDRVS foliis rigidis acutis perennantibus, conis subrotundis erectis.

a. foliorum fasciculus thecae comuni inclusus. b. folium a theca separatum. c. idem transverse dissectum. d. e. conus ex monte Libano per medium longitudinis divisus a facie externa et interna. f. f. Semina. g. g. Coni pedunculus. h. i. talis conus in Anglia natus, pari modo divisus ab utraque facie. k. k. Semina. l. pedunculus. * Baculus vertici alligatus. m. n. o. p. q. squamae cum seminibus coni in Anglia nati.



1872

1872

Noto notius namque est, Pinum e. gr. nostratem (quæ est Pinus silvestris vulgaris Genevensis *J. B. I. p. 253. & Tournef. l. R. H. 586.*) si in silvis densis, nostræ regionis frequentibus, fenescit, caudice gaudere recto atque tam alto, ut Batavi sæpius tales pro navium malis ædificiorumque sudibus seu pedamentis inde petierint; eandem vero, si solitarie procrevit, quales pariter apud nos ad vias & silvarum margines haud raro occurrunt, in caudicem irregularem, ramis crassis & longis ab imo ad cacumen usque cinctum, abire Cedris monstrosis, pari modo crescentibus, omnino similem. Ratio etiam est in promptu: si enim eiusmodi arbores confertim nascuntur, densitas illarum impedit, quo minus rami inferiores incrementum capere queant: in causa potius est, ut hi rami sponte sua, teste experientia, arescant & omne stirpis nutrimentum in caudicis augmentum impendatur; neque vero idem contingit, si harum arborum solitariarum rami inferiores studio amputentur, (quod MILLERVS de Cedris duabus Chelseanis adducit, quæ post talem purgationem vix dimidiam magnitudinem reliquarum adeptæ sunt), quia vulneratus caudex multum nutrimenti sui perdit, potissimum vero ob cicatrices vulnorum in cortice (per quem solummodo augmentum arboris succedit) succi nutritii progressus turbatur. Quis autem probare poterit CELSII *Hierobot. p. 125.* sententiam, hodie Cedros in Libano non reperiri nisi paucas rarasque, ergo nec illas, a mundo condito pronatas, ante SALOMONIS tempora & Saracenorum devastaciones ibidem crevisse copiosiores densiusque confitas? Ut autem omne dubium tollatur, numne Cedrorum iuniorum caudex aliter iam dispositus sit, quam in Pinu; denuo rogavimus Dn. EHRETVM, ut nobiscum etiam communicet delineationes aliquot earum variæ ætatis, id quod pro humanitate sua etiam a. 1759. præstitit, ex quibus adultiorem tab. LXI. sistit, cuius habitum ad ductum duarum Cedrorum 20. circiter pedes altarum (quas in prædio Bulsdrode Ducis Vindelici Portland invenit) repræsentavit. Qui ergo huius Cedri habitum absque præiudicio considerat, inveniet, eius caudicem ab illo Pini nullatenus differre, & si mutatur, id ex causis tantum accidentalibus indicatis, forsitan etiam ex aliis in libero ære iniuriis, contingere posse. Quod ad alterum argumentum attinet, certum est, Aeres Hebræorum, & Ers Arabum significare Pinum; non minus autem certum est, iisdem vocibus etiam indicari Cedrum, quia non solum Arabum interpretes barbari supra citati, SILVATICVS & JANVENSIS, Arz interpretati sunt Cedrum, verum etiam P. a. S. T. (Pater a S. Trinitate *Orientalische Reisebeschreibung Francof. 1671. 8vo L. III. c. 2. p. 168.* ut & GABR. BREMOND (*Viaggi fatti nell' Egitto superiore & inferiore &c. Opera del Sign. GABRIELLE BREMOND, Parisiense, da lui scritta in francese &c. in Bologna 1680. 8vo min. lib. II. c. XXIII. p. 317.*) testantur, incolas hodie adhuc Cedrum vocare Ars, id quod etiam de voce Aeres, iisdem incolis non ignota, testatur SCHVLZIVS in Historia nostra p. 19. sub finem citatus. Insuper amicus quidam Dn. G. W. BAVRENFEIND, Norimbergensis (socius itineris litterarii, quod MONARCHA DANIÆ munificentia vere regia in orientales regiones, ad investigandas res quoque naturales, easque præcipue, quæ nonnullis S. S. locis dubiis lucem quandam afferre queant, institui haud ita pridem iussit) in litteris Cairo d. 8. Julii 1762. datis ex ore Dn. Professoris FORSSCAAL laudati itineris pariter Socii & Botanici, nos certiores fecit, extra dubium positum esse, Ers vel Arz, quod secundum Arabes Auctores uni tantum arborum generi proprium est, veram esse Salomonis Cedrum, quia huius nomen Hebraicum idem est, & affinitas linguæ Hebraicæ atque Arabicæ probat, hanc affinitatem haud esse accidentalem. Ex his patet, vocem Ers & Ars vel Arz minime esse nomen specificum sed genericum plurium arborum refiniferarum seu coniferarum; hinc etiam CELSIVS *Hierobot. p. 107.* concedit, 10v Ers Arabibus esse nomen generale. Neque absolum erit, si vocem Germanicam Hartz, & Hartzbaeume (quæ pariter plures arbores refiniferas comprehendunt) ab eadem voce Arz deducamus, & forsitan rectius, quam a voce Germanica Hart (quæ silvam altam significat) vel Græca ἑρῆν, ut docet IO. LEONH. FRISCH *Teutsch - Latein. Wörterbuch, Berlin. 1741. 4to* voce Hartz: notum namque est, seculo præcipue XIII.

stirpium nomina arabica in Germania quoque facta fuisse notiora. *

Variam vocis Aeres significationem ipse CELSIVS *Hierobot. p. 126.* docet, dum ex BVXTORFIO adducit, Rabinos 20, Talmudicos vero 10. duntaxat numerasse Arafim species, cum quo conferatur HILLERVS *l. c. p. 379.* ubi refert, Rabinos septem earum fingere species, additque, eos illis Pinum, Piceam, Abietem & Cupressum adnumerare, qui præterea p. 378. nomen Hebraicum Aeres & Arabicum Araza, vel Azara aut Arzon ab uno eodemque etymo derivat & docet, hoc nomen quamlibet denotare arborem coniferam. Nemini hinc mirum videbitur, S. Codicis interpretes LXX. nomen 10v Aeres æque ac Berosch, reddidisse nunc Cupressum, nunc Pinum, Abietem, Juniperum, nunc solummodo lignum Libani, quæ loca singula indicavimus in nostra historia sæpius citata p. 19.

In genere notamus, veteres omnium nationum in determinanda vorum, præcipue rerum naturalium, certa significatione, maxime fuisse incurios, unde etiam *l. c. p. 28.* asseruimus: stirpium historiam ex veterum monumentis ad nostra usque tempora conservatis petendam tam ieiunam & densissimam caligine involutam esse, ut verus nominum usus atque significatus adhuc incognitus sit, si pauca illa excipias, quibus aliqua saltem vel ipsius stirpis vel eius constantis characteris descriptio addita est. Quare etiam *l. c. p. 20.* monuimus: „ si „ ullibi Aeres de alia arbore, quam de Libani Cedro, explicari potest, id certe de illa EZECH. c. XXXI. nequit. „ Ibi enim Propheta, Pharaonis maiestatem adumbrans, eam „ arboris cuiusdam (quam Aeres montis Libani v. 3. 8. vocat) „ præ reliquis excellentis imagine repræsentat, quacum nulla „ alia arbor, certe ex coniferis hucusque cognitis, ramorum „ copia, crassitudine & inprimis longitudine, ut & frondium „ densitate pulchritudineque, nec non umbra amœnissima æque „ ac amplissima convenit, quam Libani Cedrus, quæ omnibus „ illis attributis *l. c. v. 3- 8.* decantatis uberrime respondet, „ cuius habitus recensitus tam peculiaris est, ut ab omnibus „ stirpibus, ipsisque aliis coniferis, & sigillatim a Berosch „ (cuius rami illis 10v Aeres haud comparari posse *l. c. v. 8.* „ expressis verbis additur) absque ulla hæsitazione distingui „ queat. „ Si quis producere poterit Abietem vel Pinum cum illa descriptione in omnibus convenientem, sententiam nostram mutabimus. Licet ergo AVICENNA alique Arabes Cedrum vocarint Serbin vel Scerbin, hoc nomen considerandum tantum est ut specificum, quo illam ab aliis 10v Ers vel Aeres speciebus distinxerunt: illo enim ævo haud insolitum fuit, tum diversas species diverso characterè præditas uno comprehendere nomine generico, tum veras species unius generis diversis signare nominibus. Ipse ABVL FADLI (cuius historiæ Pini CELSIVS totam suam sententiam novam & omnibus contradicentem superstruxit) interprete CELSIO *Hierobot. p. 107. seqq.* non solum docet, Arsan esse arborem Zanavbar eiusque tres esse species, marem nempe & feminam maiorem minoremque (ex quibus, secundum CELSIVM, mas est Pinus vulgaris seu Genevensis; femina maior Pinus fativa seu Italica; & femina minor Cembro Italarum) verum etiam addit, feminam minorem vocari quoque Tannub; cur ergo per Sherbin & Scerbin non etiam intelligi potest alia 10v Arson species? Neque Hebræi & Arabes tantum hoc vitio obscuritatis laborabant, ut unum idemque genus diverso nomine, verum etiam species unius generis diversis nominibus genericis designaverint, sed etiam alii populi, imo ex his pariter illi, qui stirpium recensitioni ex professo, ut aiunt, operam dederunt. Qui de his certior fieri cupit, vel saltem consulat CASP. BAVHINI Pinacem, ubi in omnibus

* Ceterum de cognatione plurium vocum diversissimarum linguarum conferri meretur OLAVI RVDBECKII fil. specimen usus linguæ Gothicæ in eruendis atque illustrandis obscurissimis quibusdam S. S. locis, addita analogia linguæ Gothicæ cum Sinica, nec non Finnicæ cum Ungarica, *Upsalæ 1717. in 4to.*

nibus fere paginis huius assertionis exempla inveniet & sigillatim observabit, non solum p. 490. Cedro coniferæ seu Libani hoc nomen datum esse, sed etiam p. 488. Thuyæ seu Arbori vitæ, stirpi peculiaris plane generis, & p. 487. stirpibus bacciferis, quas alii Oxycedri, alique rectius Juniperi nomine distinxerunt; sic etiam alia Pini species dicebatur Pinaster, alia Picea, alia Mugo, aliaque Taeda *ibid.* Vt species eiusdem nominis generici distinguerent, sæpe eas sine sufficiente ratione in mares & feminas diviserunt, frequentius autem notam a patria vel loco natali desumptam petierunt. Hinc Cedrus conifera appelebatur quoque Cedrus Libani, Palestinae, Syriae; Cedrus baccifera vero Phoenicea & Lycia, quo epitheto LOBELIVS Thuyam quoque salutavit. De Pinu l. c. p. 491. pariter constat, eius species distinctas fuisse in urbanam, sativam, domesticam, Italicam, silvestrem, Genevensem, montanam, maritimam, Idæam &c. unde patet, sæpius laudati SCHVLZII distinctionem nostræ Hist. p. 23. in Aeres simpliciter ita dictam & Aeres Libani satis superque fundatam esse: videturque & XXIX. v. 5. idem indicare, dum ibi legitur: vox Domini confringit Cedros, immo Dominus confringit Cedros Libani. Nemo sane ante CONR. GESNERVM & ANDREAM CAESALPINVM (qui sæculo XVI. vixerunt) de certis atque naturalibus generum æque ac specierum notis propriis cogitavit, & ne hos quidem mox alii secuti sunt, immo hoc sæculo demum statutum est: quemadmodum non convenit, stirpes, iisdem characteribus gaudentes, diversis signare nominibus genericis, ita etiam non convenire, stirpes characteribus differentes uno comprehendere nomine generico, quibus addendum, pro nominibus species distinguendis nunc etiam certas regulas præscriptas esse.

Ceterum in hac controversia haud quæritur, an Aeres Libani vocari possit Abies vel Pinus, sed quænam ea sit huius vel illius species, illa ipsa arbor, quæ a SALOMONE ad templi aliorumque palatiorum constructionem ex Libano petita fuerit? Eam esse Cedrum vulgo sic dictam, absque ambagibus probari nobis saltem videtur ex eo, quod Aeres Libani SALOMO e regione alius territorii petierit & magnis sumptibus e longinquo afferri curaverit, quum tamen Aeres simpliciter sic dictum, seu Pinum, e proprio territorio vel saltem longe propius reperire potuisset: teste namque ipso CELSIO l. c. p. 125. 126. 127. & 132. non solum ubique, verum etiam in ipsa Judæa p. 127. 133. prostant pineta. Ad hoc argumentum sententiam novam tenentes respondere quidem possent, in monte Libano vetustiores & hinc grandiores tunc temporis reperiundas fuisse, quam in aliis regionibus: sed an hoc probari & ad hanc controversiam tollendam sufficere possit, aliis diiudicandum relinquimus. Spes est, peregrinatores illos Danicæ societatis supra laudatæ, aliquando hanc quoque controversiam observationibus suis soluturos esse.

Considerato fructificationis partium characterē, nemo negabit, Cedrum & Pinum (ad quam LINNÆVS *Gen. Plant. edit. V. n. 956. & Syst. Nat. edit. X. p. 1274. Laricem & Abietem* quoque retulit) iulorum seu florum flamineorum characterē omnino inter se penitus convenire; sed negandum est, in reliquis partibus nullam patere differentiam. Vt enim taceamus, foliorum dispositionem & coni figuram esse plane aliam, coni quoque structura notabiliter differt: in Cedro & Larice coni squamæ sunt tenues, simplices & planæ vel saltem parum excavatæ; in Pinu equidem etiam sunt simplices, sed crassæ & angulares; in Abiete alba & rubra vero sunt æterum quidem tenues & planæ vel leviter excavatæ, sed duplices, quas differentias in *Actis Ac. Cæs. & nostra Cedrorum historia* figuris illustravimus. Solum ergo modo Cedrus & Larix foliorum dispositione & coni figura atque structura eadem gaudet. Hinc TOVRNEFORTIVS Cedrum Laricis generi adscripsit, nos vero putamus; si coniungendæ sint, Laricem rectius vocandam esse Cedrum, quia nomen hoc antiquius & magis celebratum est.

Quæ ad probandam nostram sententiam allatis superaddere possemus, reservamus auctiori D. V. nostræ Cedrorum

Libani historiæ editioni vel supplemento, ubi etiam assertum nostrum de Pini vulgaris, vel confertim vel solitarie crescentis, habitu vario, figuris iam paratis illustrabimus, simulque demonstrabimus, & pariter figuris ad ipsam naturam factis probabimus, DAPPERI relationem (*Syria descr. edit. Bat. lingu. Amstel. 1678. p. 45. b. & Germ. lingu. ibid. 1681. p. 38. b.*) de Cedri Libani radicibus debilibus per terræ superficiem dispersis & plerumque nudis, intelligendam esse tantum de radicibus summis & lateralibus, non autem de inferioribus in profundum descendentibus (quas observare haud potuit) eodem plane modo, ac in Pinu & Abiete formatis, unde illud quoque CELSII argumentum, quod ex comparatione radicum harum arborum p. 116. & p. 118. formavit, robur suum amittit.

TAB. LXII. & LXIII.

MAGNOLIA foliis ovato-oblongis, ad basin & apicem angustis, utrinque virentibus.

Magnolia amplissimo flore albo, fructu coccineo *Catesb. Car. II. p. 80. t. 80.*

Magnolia foliis ovato-lanceolatis *Lim. H. Cliff. 22. Spec. 536. varietas. 8.*

Magnolia foliis lanceolatis, petalis exterioribus dependentibus *Lim. Syst. edit. X. T. II. p. 1082.*

Expos. Tab. LXII. α. α. α. petala tria exteriora, β. β. β. plura interiora, γ. fructificationis partes in situ.

Expos. Tab. LXIII. 1. 1. 1. 2. 2. Gemmæ involucrum, 3. 3. post huius involucri casum se manifestantia duo puncta elevata seu glandulæ petioli folii, 4. his punctis adhuc adhærens gemmæ involucrum, a folii petiolo solum, 5. idem involucrum a petiolo separatum, 6. gemma nondum aperta, 7. floris alabastris denudatus, 8. 8. floris spatia, 9. spatia adhærens vestigium, 10. 10. puncta alba pedunculis floris, 11. floris alabastris expansioni proximus, 12. 12. 12. floris petala tria exteriora calycem mentientia, a. ovarium seu pericarpium ovata figura cum b. b. staminibus & c. c. pistillis, d. stamen separatum a facie externa, e. a facie interna cum duabus antheris f. lateraliter adhærentibus, g. ovarium verticaliter dissectum, h. pistillorum axis, i. i. puncta seu vestigia flaminum delapsorum, k. k. duo pistilla separata, l. l. eorum styli, m. germen transverse, n. verticaliter dissectum, o. p. q. eadem partes, ut k. l. m. n. lente optica auctæ, r. seminum seu baccarum rudimenta, s. fructus seu strobilus maturus cum baccis. Huius tabulæ expositio conferenda est cum ipsius D. EHRETI descriptione notæ sequenti inserta, in qua tamen quædam, ad floris seu eius gemmæ involucrum pertinentia, nobis videntur obscura, quæ aliter exponere non ausi sumus.

Nota. Arborem hanc, quæ speciosissimo flore superbit, floresque suos in Anglia d. 31. Maji 1760. primum curiosorum spectaculo exhibuit, Dn. EHRETVS invenit in Dn. IAC. GORDON, hortulani curiosissimi, horto in Mile End haud procul a Londino sito, cuius descriptionem cum floris fructusque partium expositione nobiscum communicavit hisce verbis latine redditis: Hæc arbor habitu suo ovatam figuram referens, inter 7. 8ve pedes alta, in immo 6. circiter digitos circumferentiæ crassa, totaque ab humo ad cacumen usque ramis instructa est, quorum 13. florigeri erant. Primus ramus, ad pedem supra humum egressus, unum proferebat florem, secundus septem, tertius tres, quartus iterum tres, quintus quatuor, sextus, septimus, octavus, nonus, decimus & undecimus, singuli unum, duodecimus duos, decimus tertius seu ultimus, ex latere cacuminis ortus, iterum unum, in summa 27. flores, omnes ramum terminantes. Rami vestiti sunt cortice ex bruno rufescente, hinc inde albis punctis conspurcato. Lignum in ramis abscissis aromaticum spirat odorem saporemque habet Myrto non absimilem, & medulla gaudet magna albaque. Folia, quæ hieme cadunt, omnia ex ramorum proveniunt extremitate, variæ magnitudinis; maximorum quorundam longitudo quindecim & latitudo septem ferme superabat digitos. Eorum figura ex oblongo ovalis & petiolum versus angustior est; medium percurrit costa insignis, ex qua multæ egrediuntur venæ laterales, quarum in uno latere a petiolo usque ad apicem viginti sex numeravi: omnia folia hieme cadunt. Vt floris omniumque eius partium characterem observare & accuratis sistere potuissim figuris, bis intravi hunc hortum. Prima vice die 27. Maii 1760, quo tempore florum globi tantum apparebant. Sciendi cupidus, quomodo hi globi membrana exteriori seu gemmæ involucro vestiti sint, omnia hæc gemmæ involucra iam delapsa inveni, unico globo excepto, cuius gemma hoc tegmine adhuc tecta erat, quem *fig. 1.* repræsentat. Omnes reliqui rami, nullis florum globis præditi, tales offerebant gemmas, quales *fig. 2.*



MAGNOLIA foliis ovato oblongis ad basin et apicem angustis, utrinque virentibus.
 a. a. a. tria petala exteriora, b. b. b. petala interiora, c. ovarium.





1.1.2. gemma involucrum, 3.3.3.3. duo puncta seu glan-
dula, 4. gemma involucrum adhaerens, 5. idem solutum et
delapsum, 6. gemma nondum aperta, 7. alabastrum, 8.
spatha, 9. g. ej. adhaesionis vestigium, 10. 10. puncta alba
peduncululi, 11. alabastrum expansioni proximus, 12. 12. 12.
tria petala exteriora, a. ovarium, b.b.b.b. stamina, c.c.c.c.
c.c. pistilla, d. stamen a facie externa, e. interna, f.f. anthe-
ra, g. ovarium verticaliter dissectum, h.h. pistillorum axis, i.i.
staminum vestigia, k.k. duo pistilla separata, l.l. eorum stylis
m.m. germina, n. germen transverse, o. verticaliter dissectum,
p. seminum rudimenta, q.r.r.s.t.u.x. eadem partes in magnitu-
dine aucta, y. flos, z. strobilus.

Hæc characteris explicatio conferenda est cum illa p. 31, col. a. et secundum hanc emendanda expositio p. 30, b.


LIBRARY

TORONTO UNIVERSITY

LIBRARY

LIBRARY

LIBRARY



PLANTAE

SELECTAE

QVARVM IMAGINES

AD EXEMPLARIA NATVRALIA

LONDINI IN HORTIS CVRIOSORVM NVTRITA

MANV ARTIFICIOSA DOCTAQVE PINXIT

GEORGIVS DIONYSIVS EHRET

GERMANVS

OCCASIONE HAVD VVLGARI COLLEGIT

NOMINIBVS PROPRIIS NOTISQVE SVBINDE ILLVSTRAVIT

ET PVBLICO VSVI DICAVIT

D. CHRISTOPHORVS IACOBVS TREVV

MEDICVS NORIMBERGENSIS

IN AES INCIDIT

ET VIVIS COLORIBVS REPRAESENTAVIT

IOANNES IACOBVS HAID

PICTOR ET CHALCOGRAPHVS AVGVSTANVS

* * * *

DECVRIA VII.

A.R.S. MDCCLXV





HERBARIUM



MONARDA floribus capitatis et verticillatis, caule acute angulato, foliis lanceolatis serratis glabris Buttn. enumer. plant. Hort. Cui. 226.

a. a. flos separatus, b. b. epus calyx, c. c. corollae tubus, d. d. limbus ringens, e. e. labium superius erectum, f. f. f. duo stamina, g. g. stylus, h. h. epus stigma bifurcatum, i. i. labium inferius reflexum, k. k. labium superius separatum a facie interiore, l. l. labium inferius separatum trifidum a facie interiore, m. m. ambo stamina a tubo separata cum antheris in magnitudine naturali, n. n. aucta, o. o. stamen cum antheris in magnitudine naturali, p. aucta, q. q. q. q. cum antheris hiantibus, r. calyx separatus cum stylo, s. idem calyx verticaliter dissectus cum quinque denticulis, t. ovarium, v. stylus separatus, x. ovarium separatum, y. quatuor ovarii semina in magnitudine naturali, z. aucta, 1. transverse dissecta, 2. semen perfectum a facie exteriori, 3. interiore, 4. verticillus calycum persistentium, 5. ejusmodi calyx separatus.

fig. 2. ostendit. Hæ, quando dehiscunt, primum a petiolo tantum se separant, & quando cadunt, in petiolo relinquunt duo puncta fig. 3. glandulis ferme similia. Figura 4. repræsentat eiusmodi gemmam a petiolo solutam, sed punctis adhuc adhærentem. Figura 5. ostendit delapsam & fig. 6. nondum apertam gemmam. Hac gemma delapsa demum adparet ipse floris alabastrus fig. 7. quem ambit involucrium seu spatha, quæ oblongo-ovatum folium refert, alabaistro tumente se solvit, cadit & ferme gemmæ formam habet, uti fig. 8. docet. Hoc involucrio delapso, eius vestigium fig. 9. reliquum manet. Omnes florum pedunculi albis punctis fig. 10. dense congestis obfiti sunt. Figura 11. repræsentat floris alabastrum perfectum & paullulum iam explicatum. Hi alabaistri tribus gaudent petalis externis, quæ tripartitum quasi constituunt calycem coloris ex rubente viridique mixto amœni: hæc petala non, ut docet D. LINNÆVS *Pl. Gen. n. 610.* (quam notam vero in *Syst. Nat. ed. X. p. 1082.* omisit) cadunt. His meas abrumpebam observationes & disquisitiones ultiores usque ad d. 31. Maii, quo tempore hanc arborem denuo adii & duodecim penitus explicatos flores simul reperi, quorum unius imaginem mitto. (*vid. tab. LXII.*) In his floribus novem - duodecim & plura numeravi petala, a quibus calyx colore facile distingui potest (*vid. tab. LXIII. 12.*) Diameter perfecte expansi floris novem, immo in nonnullis decem & undecim digitis respondet. Propius adstanti interdum afflant hi flores odorem gratum, qui vespere superveniente pedetentim augetur ita, ut ad viginti pedum distantiam fortiter persentiretur: tunc temporis aura erat tranquilla, alias ulterius adhuc percipi potuisset. Odor similis est magnæ copię Liliorum alborum.

Vt plenum huius floris characterem examinare potuifsem, Dn. GORDON ramum florigerum abscindebat, quem lætus domum portabam & sequentia observabam. *Tab. LXIII. a.* repræsentat ovarium seu pericarpium ovale, floris medium occupans (*conf. tab. LXII. c.*) in quo octoginta stamina *b. b.* & quinquaginta pistilla seu capsularum feminalium germina *c. c.* numerabam. Duo stamina separata, unum *d.* a facie externa, alterum *e.* a facie interna, ostendunt, & in hoc, antherarum loco, duos longos tractus laterales *f. f.* qui farinam seu pollinem continent. Ovario seu pericarpio *g.* a vertice ad basin discisso, omnia confundebantur ita, ut nihil distincte obtulerine, quare singula pistilla separabam ab axe *b.* qui axis coniformis est, superius paullulum acuminatus. Inferiori eius parti, punctis *i. i.* signatæ, inserta erant stamina, quæ omnia flore accrescente cadunt; *k. k.* sunt duo capsularum rudimenta seu pistilla cum suis stylis *l. l.* & germinibus *m. m.* separata; unum horum germinum *n.* superius ad capsulæ initium transverse, unumque *o.* perpendiculariter dissectum depingitur. Sunt hæc germina non carnosæ, sed interius cava, seminumque primordia *p.* adhærent eius parti superiori, quorum quatuor distincta reperi. Multas pari modo examinavi eiusmodi capsulas, ut de seminum numero certus fierem, & semper inveni eundem. Has ipsas partes lente optica auctas sistunt *q. r. s. t. v. x.* quibus antea expositæ clarius repræsentantur, uti etiam stylus assurgens & lateraliter reflexus, multis punctis seu globulis splendentibus & crystalli quasi in modum pellucidis obfusus. His iungo, quando hæ capsulæ seminiferæ in latere styli per capsulæ dorsum *t.* leniter deorsum dissecantur, tegumentum earum facile extendi posse & quatuor seminum rudimenta perspicue adparere. Fructum maturum seu strobilum obtinere haud potui; repræsentat autem illum Dn. CATESBY in sua historia, cui titulus: *the natural History of Carolina, Florida and the Bahama Islands Vol. II. t. 80.* Hactenus Dn. EHRETVS.

Haud incongruum erit, ex citato Dni CATESBY opere iungere historiam eiusdem stirpis, quam in eius patria seu loco natali *p. 80.* annotavit his verbis latine redditus:

Hæc arbor (Anglice Umbella Tree nominata) altitudine ascendit ad sedecim vel viginti pedes, cuius truncus raro 5. digitos crassitudinis suæ diametro excedit; cortex albus est, lignum molle & spongiosum, folia plerumque triginta digitos longitudine & quinque circiter digitos in latitudinis medio æquant, circuli in modum ita disposita, ut umbellam quandam repræsentent. Ex medio eiusmodi foliorum circuli provenit flos, qui est albus ex decem vel undecim petalis compositus, ex quibus tria exteriora sunt pallide viridia, & antequam flos explicatur, reliqua petala includunt; flore autem penitus

explicato dependent modo, hic (*tab. nostræ LXIII. fig. y.*) repræsentato unde LINNÆVS huius speciei nomen formavit. Structura ovarii, capsularum feminalium &c. adeo conveniunt cum iisdem partibus Magnoliæ altissimæ, (*vid. nostram tabulam XXXIII.*) ut mihi videantur figuræ taliter, qualiter hic (*tab. nostræ LXIII. fig. z.*) sistuntur, sine prolixiori descriptione sufficere, ad ideam inde formandam. In Virginia nullibi vidi plures, quam duas vel tres harum arborum in uno loco crescentes; in Carolina autem frequentiores reperiuntur, in solo pinguiori (*in rich Land*) provenientes: adpropinquante hieme folia deliciunt.

Qui Dn. EHRETI & CATESBY descriptiones & figuras inter se confert, deprehendit notabiles differentias in corticis colore, foliorum magnitudine, & floris petalorum trium exteriorum colore situate.

Vt hæc magis perspicua fiant, Ehretianæ tabulæ LXIII. addimus figuram Catesbianam tum floris, tum fructus maturi seu strobili: illius *fig. y.*, huius *fig. z.* cum baccis partim cellulis adhuc inclusis, partim ab illis solutis & ex filis suis pendentibus, de quo conferatur nostræ tabulæ XXXV. *fig. 2.* & descriptio *p. 9.* illius speciei, quam CATESBY superius citat in sua historia. Ehretiana floris figura *tab. LXII.* multum recedit a Catesbyana, secundum quam hæc stirps a LINNÆO *Syst. Nat. edit. X. p. 182. D.* vocatur Magnolia foliis ovato-lanceolatis, petalis exterioribus dependentibus, & nomine triviali tripetala, quo nomine eam iam antea *Plant. Spec. p. 536.* inter Magnoliæ foliis ovato-lanceolatis varietates recensuit.

Tertia hæc est Magnoliæ folio ovato lanceolato secundum LINNÆVM varietas (*conf. tab. super. IX. & XXXIII.*) dummodo stirpes constantis characteris specifici appellare decet varietates. Huius præterea folia oblongo-ovata & in utroque extremo paullulum tantum acuta sunt.

TAB. LXIV.

MONARDA floribus capitatis & verticillatis, caule acute angulato, foliis lanceolato-ferratis, glabris
Buttn. Enumer. Plantar. Horti Cui. p. 226.

Monarda floribus capitatis subdidynamis caule acutangulo *Linn. spec. p. 22. n. 2. Mill. G. Dict. Ed. VII.*

Monarda caule acutangulo capitulis terminalibus *Linn. H. Cliff. 495.*

Expos. a. Flos separatus, *b.* eius calyx, *c.* corollæ tubus, *d.* limbus ringens, *e.* labium superius integrum, angustatum, erectum, stamina & stylum obtegens, *f.* duo stamina, æqualia, corollæ tubo longiora, *g.* stylus longitudine stamina superans, *b.* eius stigma bifurcatum, *i.* labium inferius reflexum, *k.* labium superius separatum, a facie interiore, ob latera revoluta concavum, in apice emarginatum, *l.* labium inferius separatum & explanatum a facie interiore, trifidum, lacinia media longiore, angustiore in apice emarginata, lacinias laterales brevioribus latoribus & obtusis, cum binis staminibus tubo adhærentibus, *m.* ambo stamina a tubo separata, cum antheris subdidymis sibi invicem contiguis in magnitudine naturali, *n.* aucta, *o.* unum stamen cum antheris subdidymis, *p.* in magnitudine aucta, *q.* cum antheris iam hiantibus & pulverem seu semen explodentibus, *r.* calyx separatus cum stylo ovario adhuc insistentem, *s.* idem calyx verticaliter dissectus & explanatus, cum quinque denticulis suis, uno superiori maiori, quatuor lateralibus minoribus, *t.* ovarium fundo calycis adhærens, *v.* stylus separatus ab ovario, *x.* ovarium a calyce separatum, *y.* quatuor ovarii semina, duo perfecta totidemque abortiva in magnitudine naturali, *z.* aucta, *1.* transverse dissecta, *2.* semen perfectum & maturum a facie exteriori, *3.* interiore, *4.* verticillus calycum persistens, *5.* eiusmodi calyx separatus.

Nota. Elegantissima hæc planta Virginie seu Americæ septentrionalis indigena est, ubi incolæ foliis (quæ trita gratum reficientemque spirant odorem) utuntur loco Theæ, quam Osvego Tea appellant, quo nomine vero etiam salutantur folia alterius speciei, Origani Canadensis nomine nota. Radix est perennis caulis annuus, ut MILLERVS *l. c.* docet. Laudatus BUTTNERVS in Catalogo citato indicat, cl. GRONOVIVM hanc plantam, ex Pensilvania acceptam, Europæ alumnam reddidisse, eamque in eius horto 1739. primum floruisse: quibus addit eundem Auctorem illam aliasque plurimas, quas nondum vidit curiosa Europa, in nova Floræ suæ editione descripturum esse; sed altera Floræ Virginianæ editio Lugd. Bat. 1762. in 4to recusa, non continet memorata, immo ne quidem inter Monardas huius & prioris editionis a. 1743. in 8vo

excusæ occurrit nomen specificum nostræ conveniens. Post acceptam EHRETI picturam n. I. hanc ipsam plantam ex semine in libero ære educavimus, quæ autem floris colore insigniter differrebat, quare huius partem adpingendam, simulque fructificationis partium structuram addendam curavimus. Num color floris notabiliter distinctus climati an culturæ tantum adscribendus, an constantis varietatis character sit, aliis diiudicandum relinquimus. MILLERVS describit flores coloris intense rubri, BVTNERVS vero plantam splendidissima sua purpura elegantem dicit, qui etiam Monardam flore albo, bracteis ex albo & viridi variis addit.

TAB. LXV.

SOPHORA foliis ternatis sessilibus: foliolis subrotundis glabris *Linn. spec. 373. n. 5. Mill. Gard. D. ed. VII. Gronov. Floræ Virg. edit. alt. p. 64.*

Cytisus foliis fere sessilibus, calycibus squamula triplici auctis *Linn. H. Cliff. p. 355. n. 4. Clayt. & Gronov. Fl. Virg. Edit. I. p. 82. Miller. Gard. Dict. Ed. VI. n. 23.*

Cytisus procumbens Americanus, flore luteo, ramosissimus, qui Anil suppeditat *Pluk. Almag. 129. Phytogr. t. 86. fig. 2. Ebrat. tab. I. & III. fig. 3.*

Expos. a. Flos integer separatus cum calyce, *b.* vexillum, *c. c. alæ, d. d. carinæ partes, e.* calyx cum germine & staminibus sigillatim receptaculo insertis, *f.* stamen separatum, *g.* calyx cum germine aucto, ubi, uti in *fig. a. & e.* ad calycis fundum eius squamula triplex *b.* quodammodo indicatur.

Nota. Hæc est illa Cytisi seu rectius Sophoræ (conf. tab. LIX.) in explicatione species, cuius supra t. LV. p. 26. mentionem fecimus. Brevem eius descriptionem dat laudatus MILLERVS l. c. his verbis latine redditus: Huius plantæ natale solum est Virginia & Pensilvania: ex utraque hac regione accepi eius semina. Ex eadem planta aliisque olim in America pararunt mercis illius, Indigo dictæ, speciem vilem, antequam vera Indigofera planta ibidem introducta fuit. Radix est perennis, varios excludens caules pedem circiter altos, qui ramorum tenuium magnum numerum spargunt, quos investiant folia ex tribus lobis ovalibus glabrisque composita, petiolo coniuncta, uti alia trifoliata, arte ramis adhærentia. Flores mense Julio proveniunt in ramorum extremitatibus in brevi spica, (secundum EHRETI citatam & nostram figuram potius laxè seu sparsim dispositi) ex genere papilionaceorum lutei, quibus sæpe succedunt siliquæ brevès tumidæ, quæ æstate fervida maturitatem adipiscuntur in Anglia: rami ad radicem usque pereunt autumnis. Plantam hanc genuinam Sophoræ esse speciem, non solum testantur LINNÆVS atque MILLERVS itemque GRONOVIVS locis citatis, verum etiam nostræ tabulæ figura *e.* id probat, cui EHRETVS illustrationis gratia hæc subscripsit: „distinguantur hæc plantam a congeneribus staminibus, quæ omnia ad receptaculum libera sunt., De hoc characterè generico peculiari conf. explicatio t. LIX. p. supe. 27. LINNÆVS H. Cliff. l. c. hanc plantam inter Cytisi species recensens plura collegit & exhibuit eius synonyma, quæ hic repetita forent supervacanea, idque adhuc magis, quoniam A. ipse postea *Spec. p. 739. n. 3.* horum synonymorum plantas separavit & ad Cytisi species remisit, nostram vero *p. 373. n. 5.* Sophoræ speciebus adscripsit & nomina tantum ex PLVKNETIO, GRONOVIO atque EHRETO citata ut synonyma retinuit. His adhuc addimus, neminem ex his quoque citatis auctoribus describere vel delineare siliquam per intercapedines tumidam, seu ad semina nodosam, qualem tamen LINNÆVS *Gen. Plant. p. 175. n. 456.* inter Sophoræ characteres indicat & nostra quoque tabula *LIX. fig. m. n. o.* repræsentat. PLVKNET ipse siliquam, quam suæ figuræ iunxit, eadem figura & eadem tantum magnitudine delineat, quæ in nostra apparet: sed hoc fructus discrimen in systemate Linnæano, soli flori superstructo, genus non mutat. D. GRIFFITH HUGHES in sua historia naturali insulæ Barbadae (*Natural History of Barbados Lond. 1750. fol.*) huius plantæ nullam facit mentionem, sed *p. 203.* tantum indicat the Indigo-Weed (Weed denotat Anglis plantam silve-

strem & Zizaniam) quam vero non describit nec delineat, cuius rationem dat his propemodum verbis: in huius insulæ mercaturæ infantia merx indigo, ex hac herba parata, usu venibat; sed postquam sacchari mercatura reddebatur quæstuosior & vicini nostri Galli, mercem Indigo viliori pretio divendebant, hæc mercaturæ pars abolita fuit, quare e quadraginta circiter retro annis indigo hic locorum non amplius præparabatur, hinc necessum haud duxi, hanc plantam & mercis indeparandæ methodum describere. Hoc confirmat CLAYTON. l. c. hac nota: „tentarunt, ex hac planta smegma Indigo dictum conficere, re, verum successus minime respondebat., Addit præterea hoc synonymum: „Spartio affinis trifoliata ramosa, „foliis parvis subrotundis glaucis: flore flavo; „caulibus glabris lentis flavescentibus, ad finem „foliis destitutis; siliqua brevi tumida, duo vel „tria semina reniformia continente; radice „perenni, vere turiones Asparagi instar emittente.,

TAB. LXVI.

RHODODENDRUM foliis nitidis ovalibus, margine acuto reflexo *Linn. Spec. 392. n. 3.*

Ledum lauro-cerasi folio *Eiusd. Amœnit. Acad. II. 200.*

Chamærhododendron, Lauri folio, sempervirens, floribus bulatis corymbosis *Catesb. Car. III. p. 17. t. 17. f. 2.*

Expos. a. Perianthium quinquepartitum, quod in hac imagine non, nisi aliqua ex parte in alabastris seu floribus nondum apertis, in conspectum venit, sigillatim vero non repræsentatum est, *b.* floris corolla, penitus expansa, monopetala limbo patente, in quinque segmenta rotundata divisa, *c. c. c. c. c.* stamina decem corollæ segmentis breviora, ad singula corollæ segmenta bina, cum filamentis filiformibus lateraliter inflexis & antheris ovalibus filamentis inflexis, *d.* pistilli germen orbiculatum retusum cum stylo filiformi, pariter inflexo, staminibus paululum brevioribus & stigmatibus globosis obtusis, *f.* capsula seminalis ovata, subangulata cum stylo & perianthio persistentibus, *g.* eadem transverse secta, quinque locularis, *b.* semina numerosa minima.

Nota. Elegantem & ferme eandem huius stirpis florentis imaginem iam exhibuit CATESBY l. c. in nostra tamen omnes partes, præcipue capsulæ seminalis, maiori cura repræsentatæ sunt. Descriptionem huius stirpis ille addidit sequentibus verbis latine redditus: Arbor hæc ad sedecim circiter pedes ascendit, folia producens semper virentia, figura illis Lauro-cerasi similia profunde viridia atque splendentia. Flores proveniunt in corymbis seu fasciculos collecti, quorum nodi seu gemmæ, autumnis comparentes, teguntur perianthio (potius involucro) squamoso-conico, materia repleto viscosa, quæ illud defendit contra severum hiemis frigus. Verno tempore ampliata hæc gemmæ dehiscunt & excludunt viginti pluresque flores monopetalos in quinque segmenta divisos, singulos pediculo dimidium pollicem longo inflexos. Hi flores explicati apparent albi, propius autem considerati pallide rubent, qui color in floribus cadentibus magis adhuc pallet. Vnum ex quinque his segmentis seu petalis longius & magis concavum est reliquis & ex maculis flaventibus, viridifluentibus & purpurascentibus mixtis varium, quæ maculæ formantur a materia quadam viscosa super extremitatibus tenuissimorum pilorum expansa. Convexa facies eorumdem petalorum etiam mixta est colore ex viridi flavescente. Pistillum surgit ex floris centro, capitulo scarlatino ornatum & decem staminibus circumdatum, quorum tria longiora, septem breviora sunt, quorumque farina exit ex apertura parva rotunda in eorum summitate. Elegans hæc arbor ornamentum est regionum maxime occidentalium & a Pensilvania remotissimarum, & crescit in solo valde sterili, vel in declivitatibus rupium montiumque ut & ad rivorum littora, in locis maxime umbrosis. Plures eiusmodi arbores iuniores ex Pensilvania missæ sunt a D. BARTRAM, qui illas primus detexit; sed nulla earum flores produxit, & licet ab aliquot iam annis plantatæ fuerint, exiguum tamen ceperunt augmentum, videnturque solæ ex stirpibus Americanis, quæ nostro solo climatique adfuescere recusant.

Hinc procul dubio MILLERVS hanc speciem in Dictionarii sui editione VII. penitus omisit. In sexta quidem n. 5. recenset Chamærhododendron Americanum semper virens,



SOPHORA foliis ternatis sessilibus: foliolis subrotū,
dis glabris Linn. Spec. 373. n. 5.

a. flos integer cū calyce, b. vexillum, c. c. alae, d. d. carinae partes, e. calyx cum germine et stami-
nibus, f. stamen separatum, g. calyx cum germine aucto, h. h. calycis squamula triplex.






RHODODENDRUM foliis nitidis ovalibus, margine acuto re-
flexo Linn. Spec. 392. n. 3.

a. a. a. a. perianthium, b. b. floris corolla, c. c. c. c. c. stamina, d. d. pistilli germen cum stylo, e. e. styli stigma, f. capsula cum stylo et peri-
anthio a. persistentibus, g. capsula transverse secta, h. semina.



HERBARIUM




PLANT. LXXXI




PETIVERIA Linn. H. Cliff. 141.

a. flos perianthio adhuc inclusus, b. explicatus in magnitudine naturali, c. aucta a facie interiore, d. exteriori et laterali, e. e. perianthii, um, f. f. f. f. f. f. f. petala persistentia, g. g. g. stamina, h. petalum separatum cum duobus staminibus, i. pistillum, k. fructus immaturus, l. fructus a corolla separatus, m. n. idem paullo maturior in magnitudine naturali, o. aucta cum involucri cornibus hamatis, p. semen denudatum, q. ejus nucleus.



ON
DE
SEVILLA



LYCIUM foliis oblongo-lanceolatis sine ordine, ramorum spinis rarioribus.

a. a. corolla explicata, b. calyc bifidus, c. corolla a facie interna dissecta, d. d. corollae tubus, e. e. corollae segmenta, f. f. f. stamina, g. h. germen et stylus cum stigmate globoso, i. corolla a facie externa, k. stamen cum anthera didyma in magnitudine aucta, l. idem stamen cum anthera biloculari transverse secta, m. germen, n. stylus et o. stigma in magnitudine aucta, p. germen maturius transverse. q. longitudinaliter sectum, r. seminis rudimentum, singula in magnitudine aucta.

virens, floribus dilute carneis, purpureis maculis notatis: sed plura non addit, quam quod huius speciei aliquot plantæ nunc crescant in horto Ducis ARGYLL in *Whitton* prope *Hounslow*.

TAB. LXVII.

PETIVERIA *Linn. H. Cliff. 141. H. Vps. 91. Actor. Stockholm. 1744. p. 287. t. 7. Mill. G. D. Ed. VI. & VII. Burmann in expos. icon. Plumenianar. p. 213. Hill History of Plants p. 393.*

Petiveria foliis oblongo-ovatis, spicis longioribus terminalibus *Browne civil and natural History of Jamaica p. 274.*

Petiveria Solani foliis, loculis spinosis *Plum. gen. 50. Icon. a Burm. edit. p. 213.*

Verbenæ aut *Scorodonie* affinis anomala, flore albedo, calyce aspero, Allii odore *Sloan. Cat. Jamaic. 64. Itiner. I. p. 172. Rai. Suppl. 287.*

Expos. a. Flos perianthio adhuc inclusus, *b.* explicatus, uterque in magnitudine naturali, *c.* in magnitudine aucta a facie interiore, *d.* exteriori & laterali *e. e. e.* calyx seu perianthium, *f. f. f. f. f. f.* petala non caduca sed persistens, *g. g. g.* stamina sex cum suis antheris simplicibus, *h.* petalum separatum cum duobus staminibus adherentibus, *i.* pistillum seu potius eius germen, *k.* fructus a corolla separatus in statu mox post floris explicationem, *l.* fructus maturior, *m. n.* maturus uterque in magnitudine naturali, *o.* aucta cum capsula seu involucri cornibus hamatis, *p.* fructus maturus, unicum continens semen, *q.* semen denudatum compressum in summitate emarginatum, *r.* seminis nucleus denudatus.

Nota. Planta hæc vilis, neque ob venustatem neque ob usum singularem commendata, locum in hac collectione tantum obtinuit ob raritatem suam & characterem peculiarem. In India occidentali quidem, præcipue in Iamaicæ & Barbatae insularum regionibus, valde communis, immo zizanæ instar molesta est; in Europa vero non, nisi in curiosorum botanophilorum hortis culta reperitur. Totius plantæ descriptionem dedit SLOANE *Hist. seu Itin. I. p. 172.* quam RAIUS latine redditam suæ *plantar. histor. Supplemento seu tomo III.* inseruit, LINNAEVS vero hinc inde emendavit in *Hort. Cliff. & Vpsal.* item in *Actis Stockh. de quibus Actis* notamus, eadem ex Suecica lingua in Germanicam ab ABRAH. GOTTH. KAESTNERO versa proflare hoc titulo: *der Koeniglich. Schwedisch. Academie der Wissenschaften Handlungen &c.* ubi Vol. VI. p. 289. seqq. & t. IX. reperiuntur, quæ de hac planta agunt. Cum horum auctorum descriptione conferri possunt MILLERVS, BVRMANNVS, BROWNE, HILL. locis citatis. Docent hi, omnes huius plantæ partes validum & ingratum Allii odorem spirare, ipsam plantam perennare & semper virere, immo tempestatum siccitati adeo resistere, ut, quando aliæ plantæ a solis fervore comburuntur, hæc vegeta persistat, unde bestia, alio pabulo deficiente, ea vesci coguntur, quæ vero illarum carnes, & vaccarum lac, tam ingrato foetenteque odore inficit, ut ad usum culinarem plane inservire nequeant. Hinc, quia eius qualitates ad intimas animantium partes penetrant, LINNAEVS suspicatur, ex hac planta parari posse remedium penetrantissimum; sed BROWNE observatio monet, cautissime eius usu procedendum esse: annotat enim l. c. omnium eius partium minimam particulam masticatam, os tanto ardore afficere, ut lingua inde nigra, arida asperaque reddatur eodem modo, quo in febribus malignis adparet. Figuram foliorum atque ramorum, tum florigerorum tum seminiferorum, publicavit BVRMANNVS inter icones Plumerianas tab. CCXIX. eadem vero partes maiori cura delineatæ sistuntur in *Actor. Stockh. tabula IX.* citata, nemo autem, quantum scimus, easdem vivis coloribus illustratas repræsentavit. Characterem primus notavit & nomen genericum adstruxit PLUMIER *novor. generum plantar. Americanar. p. 50. t. 39.* sed imperfecte; accuratius autem illum definivit LINNAEVS *Gen. pl. n. 417.* & emendatum in *Actis Stockh. l. c.* ubi etiam singulas partes, characterem formantes, exhibuit delineatas, ex quibus figurar. nostras i. k. l. n. o. mutuavimus, ab ipso EHRETO (ut in earum explicatione ibidem notatur) delineatas, in nostra vero imagine omittas: conferri meretur characteris definitio MILLERI, atque BVRMANNI. Characterem BROWNE l. c. his verbis (quæ, quum hoc opus non omnium versatur in manibus, transcribere haud supervacaneum duxi-

mus) indicavit: „ Perianthium: Perianthii sessilis vicem „ suppleat squamæ tres, lineares, erectopatentes, laterales. „ Corolla: squamas inter & spicam emergit flos tetrapetalus, persistens: petalis lanceolatis, angustis, iuventute albidis, erecto - patentibus, senectute erectis, virentibus. „ Stamina: filamenta sex, quorum duo ceteris breviora sunt „ & opposita; Antheræ subrotundæ. Pistillum: germen „ subhirsutum, breve, obtusum; styli quatuor, tenues, setacei, „ reflexi, stigmata acutissima. Pericarpium: capsula coriacea, oblonga, obtusa, compressa, unilocularis, bicornis; „ singulis fetis binis, rigidis, reflexis, munitis. Semen: „ unicum oblongum, ad apicem appendicula ligulata reflexa „ instructum. „ Ceterum nec harum partium, nec ipsius plantæ iconem addidit. Præter fructificationis partes depictas & descriptas citati auctores indicant quoque germinis stylos quatuor. LINNAEVS *Gen. pl. l. c.* describit illos subulatos, in linea recta positos, stigmatibus persistentibus præditos; & in *Syst. N. ed. X. n. 417.* recenset Petiveriam inter hexandrias tetragynias, semine uncio apice aculeis reflexis, & in *Act. Stockh. l. c.* ex propria observatione definit pistilli germen rotundum pilosum quatuor styli instructum, & pericarpium appellat capsulam inferius angustiore oblongam, ad latera bursæ pastoris instar compressam, intus cavam & in summitate quatuor uncis reflexos exhibentem; hi autem styli unice, quoad differentiam & figuram accuratius distinctione, descriptione delineationeque adhuc egent, (dicuntur namque apices, & perianthii & styli, reflexi, pilosi præterea germinis atque stylium exiguorum delineatio in magnitudine aucta multum lucis adfusura esset) quod nos præstare haud possumus, quia floris vivi examinandi occasio nobis nondum contigit. JACQVIN in sua nuperrime edita *selectarum stirpium Americanar. historia p. 101.* his verbis indicat „ Petiveriam (octondram) floribus octandris: Planta fruticosa, tripedalis, odoris alliacei, Petiveriæ alliaceæ, nunc in „ hortis botanicis satis vulgari, adeo similis, ut nihil, quod addam, habeam; sinon, esse flores octandros omnes staminibus „ inæqualibus; & corpus penicilliforme, quod germini adfidet, „ in hac esse rubrum, in alia album. Habitat frequens in Martinica aliisque Caribæis, Floret fere integrum annum. „ Figuram non exhibuit.

TAB. LXVIII.

LYCIVM, foliis oblongo-lanceolatis, sine ordine, floribus solitariis petentibus alaribus ramorum spinis rarioribus.

Expos. a. a. a. corolla explicata patens, *b.* calyx bifidus separatus cum quinque denticulis, uno maiore, & quatuor lateralibus minoribus, cui inhaeret stylus, *c.* corolla a calyce separata a facie interna longitudinaliter dissecta, *d. d. d.* corollæ tubus brevis, *e. e. e. e.* quinque corollæ segmenta, singula ungue albo notata, *f. f. f. f. f.* quinque stamina cum suis filamentis tubo adnatis atque antheris, *g.* germen in fundo tubi situm, *h.* stylus simplex corolla longior cum stigmate globoso, *i.* corolla a facie externa, *k.* stamen cum sua anthera didyma in magnitudine aucta, *l.* idem stamen cum anthera biloculari transverse dissecta, *m.* germen, *n.* stylus & *o.* stigma in magnitudine aucta, *p.* germen maturius transverse, *q.* longitudinaliter dissectum, *r.* seminis reniformis rudimentum, singula in magnitudine aucta.

Nota. Duas Lycii species iam tabula XXIV. superiore exposuimus, quarum character conferri potest. Huius speciei imagini EHRETUS subscripsit: *Lycium. Linn. Gen. Jasminoides Sinense Halimi folio & facie Act. Paris.* & sequentem iunxit descriptionem. Inveni apud DV HAMEL *Arb. p. 306.* figuram, quæ cum hac valde convenit, & Dn. MILLERVS describit etiam in septima sui Dictionarii editione quandam speciem, quam *Lycium foliis ovato-lanceolatis, ramis diffusis, floribus solitariis patentibus alaribus, stylo longiore vocat.* Descriptio sua de huius stirpis crescendi modo bona est: id tantum adnoto, hanc, quam ego sisto, in ramis hinc inde, rarius tamen, aculeis munitam & folia meæ speciei, in stirpe adhuc tenera, altero tanto maiora esse, quam ea, quæ mea imago repræsentat: folia namque tunc, quando rami flores producant, minora evadunt. Flores huius stirpis amoenissimo colore purpureo superbiunt, & in eorum centro adparet stella candida pentagona; *fig. a. c.* a facie externa vero *fig. i.* corolla pallide rubet & splendet. Calyx monophyllus & bifidus est, ad oras in unum segmentum maius & duo minora divisus *vid. fig. b.* Figura c. monstrat corollam apertam & expansam, cum quinque staminibus tubi late-

lateribus adcretis. Stamina filamenta omnia ad basin suam villis dense obsita sunt, *vid. fig. k. l. in magnitudine aucta*. Germen seu Pericarpium *fig. m, p. q. in magnitudine aucta representatum*, subrotundum & biloculare *fig. p.* est, multaque continet semina reniformia *r.*

Recensetur a DV HAMEL l. c. (*Traité des arbres & arbrustes Tome I. p. 306. n. 3.* Iasminoides Sinense Halimi folio & facie *Act. Acad. R. Paris. & n. 4.* Iasminoides Sinense Halimi folio longiore & angustiore, & *tab. 121.* utriusque addit figuram ligno excisam, quarum prior eadem est, quæ in *Act. Paris. l. c.* occurrit, floris fructusque vero partes delineatæ sunt a sinistris peculiaris tabulæ æneæ parvæ, fronti huius generis præfixæ, quas suo Lycio Sinensi *n. 3.* (ut explicatio huius tabulæ *p. 305.* docet) tribuit, cuius nomen in *Actis Paris. citatis*, ad annum usque 1757. evolutis, invenire haud potuimus. Num huius A. quartæ speciei nomen & icon alibi prosteret, nos pariter latet: eius figura, quam citata *t. 121.* a sinistris eiusdemque floris & fructus partes in frontispicii tabula ænea a dextris sigillatim delineat, multum a priori differt, neque vero cum illis nostræ tabulæ convenit: folia namque multo angustiora & vere lanceolata sunt; corollæ limbus quidem patet, sed tubus multo longior est, præcipue autem calyx delineatur & describitur tantum bifidus, fructus itemque delineatur cylindrico - conicus & semina rotundiora. In *Actis Paris. (Histoire de l'Acad. Roy. des Sc.) année VIII. edit. Paris. p. 318.* indicatur Iasminoides Africanum Iasmini aculeati foliis & facie, quibus additur: an Rhamnus alter fol. falsis flore purpureo *C. B. Pin. 477.* Rhamni prioris altera species *Chuf.* cuius figuram sistit tabula *12.* cum omnibus floris fructusque partibus separatim & sigillatim representatis in magnitudine maiori, quarum explicatio reperitur *p. 317.* Hæ icones omnes ab illis nostræ tabulæ multum differunt & similiores sunt istis, quas nostra tabula *XXIV. fig. 2.* representat, si excipias baccam, quæ in nostris tabulis simplex, in *Actis citatis* gemina adparet. Eam Lycii speciem, supra ex MILLERI Dictionario citatam, laudatus A. Ed. VII. *n. s.* indicat & his describit verbis latine redditis: hæc species sponte sua crescit in China, unde eius semina haud pridem in Angliam venerunt, plantæ vero ex illis educatæ nunc in variis hortis coluntur, quas nonnulli agnoverunt pro Thea. Crescit ad magnam altitudinem infirmis, irregularibus, diffusisque ramis, qui fulcimento opus habent, sine quo super humo repunt: mensuravi aliquot horum ramorum, qui uno anno ad duodecim circiter pedes longitudine pervenerunt. Infima folia longitudine quatuor digitos superant & in medio tres digitos lata sunt, læte viridia & teneræ consistentiæ, situata sine ordine ubique in ramis; dum furculi longitudine augentur, magnitudo foliorum diminuitur & superiorem partem versus unum digitum longitudine & quartam eius partem latitudine non excedunt, ramisque ubique arte adherent. Flores proveniunt solitarii ex omnibus iuncturis in superioribus ramorum partibus, exilibus brevibusque pedunculis insistentes; sunt coloris saturate purpurei & brevi gaudent tubo, limbus patens latius se expandit, quam in omnibus antecedentibus (scilicet quas A. recenset) speciebus, & stylus multo longior est floris tubo. Floret hæc species mense Augusto, Septembri & Octobri. Durabilis est hæc stirps & folia sua retinet usque in mensem Novembrem. Facile propagatur radicibus suis serpentibus, quæ in magna distantia spargunt turiones & refectæ stirpis partes sub terra tam facile emittunt radices, quam illæ Salicis. In hac descriptione spinarum seu aculeorum nulla fit mentio.

Ex his inter se collatis liquet, nostram plantam, si non pro specie, peculiari pro varietate tamen agnoscendam esse: nam a Milleriana differt spinis, & a Parisina foliis, quæ in illa secundum Actor. Gallic. & du HAMEL figuram sunt valde angusta, qualia pariter se sistunt in utraque figura nostræ tabulæ *XXIV.* Ceterum, quum nullam descriptionem iconemve cum hac nostra stirpe accurate convenientem invenimus, synonyma addere haud potuimus.

TAB. LXIX. & LXX.

LAVRVS foliis integris trilobisque *Linn. H. Cliff. 154.*

n. 1. Mat. med. 65. n. 193. Spec. I. 371. n. 10. Syst. N. ed. X. p. 1010. n. 10. Gron. Fl. Virg. 46. Ed. II. 62. Roy. Lugd. B. 227. n. 6. Wachend. 259. n. 7. Colden. Noveb. seu Act. Vpsal. 1743. p. 119. n. 94. Mill. Gard. Dict. ed. VI. n. 11. ed. VII. n. 10. du Hamel Arb. I. 350.

Laurus flore a fructu remoto in eadem planta, foliis integris & trilobis *Kram. 141.*

Cornus odorata folio trifido, margine plano, Sassafras dicta *Pluk. Almag. 120. Catesb. Car. I. p. & t. 55. Mill. G. Dict. ed. III. -- V.*

Sassafras *Monard. simpl. med. p. m. 355. Rai. Hist. II. 1568. Ger. 1525. Park. 1607. Cæsalp. p. 59. Herm. H. L. B. 537.*

Sassafras arbor *Monardi Dalech. H. Lugd. 178. b. Pluk. Phytogr. t. 222. fig. 6.*

Sassafras arbor ex Florida ficulneo folio *Baub. Pin. 431. b. Munt. Aardgew. p. 110. fig. 110.*

Sassafras sive lignum Pavani *Baub. Hist. I. 483.*

Sassafras, Sassepes & Sassafragia *Fonst. Dendr. p. 218.*

Saxafras *Pomet. Hist. gen. des drogu. 110.*

Xylomarathrum *Zorn. Botanolog. p. 608.*

Pavame Indorum Sassafras Gallorum *Monard. l. c. 356. & Palameh Floridanorum Collect. Itinerum edit. Germ. Vol. XV. p. 21.*

Palame Floridanorum *Charlevoix Hist. de la Nouv. France T. 1. p. 29.*

Anhuypitanga & Anhuiba seu Sassafras maior *Pis. 146. Winauk C. B. pin. 431. b. Winauk Virginienfibus, Fonst. 218. & Winanke Parkins. 1606.*

Expos. Tab. LXIX. representat arbusculæ vel fruticis huius habitum omnem, & a latere in magnitudine naturali *a.* folium integrum *b.* bilobatum & *c.* trilobatum.

Tab. LXX. sistit in magnitudine naturali ramulum florentem, flores & fructus. *a. a.* est folium integrum a facie superiore, *b. b.* inferiore, *c. c.* folium trifidum a facie superiore, *d. d.* inferiore, *e. e. e.* squamæ seu stipulæ gemmæ floriferæ, *f. f. f.* foliolum lineare, *g.* flos masculinus seu stamineus cum sex petalis seu potius corollæ segmentis & novem staminibus, *b.* eiusmodi flos cum totidem segmentis atque staminibus & præterea cum stylo *i.* & stigmate vario sed sine germine, *k.* idem stylus (an potius stamen monstrosum) a flore separatus, *l.* novem stamina a corolla separata, *m.* duo stamina separatim cum suis antheris ab utraque facie, *n. n. o.* glandulæ filamentis staminum adnatæ, *p.* ejusmodi glandula separata, *q.* alia glandula cum brevi filamentum proprio, *r.* flos femininus seu pistillatus a tergo, cum pedunculo suo proprio, *s.* idem a facie anteriore cum quinque segmentis, totidem staminibus & pistillo perfecto, *t.* eiusmodi flos cum sex segmentis, totidem staminibus, glandulis & pistillo perfecto, *v.* pistillum separatim cum germine, stylo & stigmate, *x.* glandula separata cum brevi filamentum proprio, *y.* racemus pedunculorum cum fructibus maturis recentibus, *z.* cum fructibus siccatis, *1. 1.* bacca recens, *2. 2.* eius calyx seu cupula, *3.* cupula siccata, *4.* talis a bacca separata a facie laterali, *5.* a facie interna cava baccam excipiente, *6.* bacca siccata separata, *7.* eius nux, *8.* nux putamen dimidium a facie interna cum nucleo, *9.* a nucleo liberatum, *10.* nucleus separatus.

Nota. Observatio de arboribus Sassafras dictis Londini cultis earumque floris charactere, quam Dn. EHRETVS cum Academia Cæsarea N. C. communicavit, quamque hæc in Novor. Actor. suorum Tomo II. Nro LXXXII. p. 326. publicavit, occasionem nobis dedit, non solum in scholio ibid. p. 327. addito illa iungendi, quæ in siccis foliis novellis floribusque huius stirpis ex patria sua allatis ipsi notavimus, verum etiam conscribendi ejusdem stirpis præstantissimæ æque, ac in Europa rarissimæ, historiam generalem, ex observationibus plurimorum auctorum dispersis collectam, quæ ejusdem Tomi appendici p. 281 -- 317. ejusque epitome p. 318. insertæ sunt; ex quibus



LAVRVS foliis integris trilobisque Linn. H. Cliff. 154. n. 1.

a. folium integrum, b. bilobatum, c. trilobatum.





LAVRVS foliis integris trilo-
bisque Linn. H. Cliff. 154. n. 1.

a. a. a. a. folium integrum a facie superiore, b. b. inferiore, c. c. c. folium tri-
fidum a facie superiore, d. d. inferiore, e. e. e. e. squama seu stipula gemma
forigera, f. f. f. foliolum lineare, g. flos masculinus cum sex segmentis et no-
vem staminibus, h. ejusmodi flos cum stylo i. sine germine, k. idem stylus a flo-
re separatus, l. novem stamina a flore separata, m. m. duo stamina separata,
n. n. n. o. glandula, p. glandula separata, q. alia cum brevi filamentum proprio, r.
flos femininus a tergo, s. idem a facie anteriore cum quinque segmentis, t. cu sex
segmentis, v. pistillum separatum, x. glandula separata cum brevi filamentum pro-
prio, y. fructus maturi recentes, z. siccati, 1. 1. bacca recens, 2. 2. ejus cupula,
3. cupula siccata, 4. talis separata a facie laterali, 5. a facie interna cava, 6.
bacca siccata separata, 7. ejus nucis, 8. hujus putamen a facie interna cu nucleo,
9. a nucleo liberata, * nucleus separatus.



bus potiora iisdem pene verbis hic repetimus, & figuris coloratis illustramus; ceterum illos, qui plura scire desiderant, ad Acta citata ablegamus.

Stirps hæc indigena est plerarumque Americæ meridionalis æque ac septentrionalis regionum: e. gr. Floridæ, (ubi integræ eius silvæ) Brasiliæ, Canadæ, Carolinæ, Virginie, & valde copiose Novæ Franciæ, Luisianæ, Pensilvaniæ, Novæ Jersey, Novæ Georgiæ & Coldenhamiæ in provincia Novebaracensi. Crescit in locis maritimis & solum amat macrum fabulosumque, parum humidum.

Europæis illam primus circa annum 1569. notam fecit MONARDVS, Hispanensis medicus, cuius simplicium medicamentorum ex novo orbe delatorum, quorum in medicina usus est, historiam ex Hispanico sermone in latinum transtulit CAROLVS CLVSIVS, Antvverpiæ variis annis & formis editam (vid. Act. cit. p. 281. sequ.) MONARDVS etiam huius stirpis descriptionem & iconem, sed utramque imperfectam, publicavit & docuit, Floridæ Insulæ incolis antiquitus notum fuisse huius arboris ligni usum medicum, ab iisdem eundem etiam didicisse Gallos & postea ab his Hispanos, qui deinde idem lignum, ut mercem quæstuosam, in Europam transferre cœperunt. Curiositatis gratia hanc ipsam stirpem in Europa Grœningæ 1655. primus, quantum scimus, coluit sed mox iterum perdidit MVNTINGVS, nunc autem in variis hortis Angliæ ad floris usque perfectionem colitur, & quidem tam copiose, ut Dn. EHRETVS in solo horto Dn. GORDONI, hortulani curiosissimi doctique, ultra quinquaginta invenerit; nulla autem harum arborum in Anglia cultarum hucusque fructum perfecit.

Descriptionem & figuram, quam MONARDVS tradidit, solummodo repetierunt auctores, qui post eum huius arboris mentionem fecerunt, quare eius, per sesquiseculum ferme ob usus egregios iam celebratæ, historia parum emendata fuit, si excipias C. BAVHINVM, de LAET, PARKINSONVM, P. HERMANNVM, IONSTONVM & PLVKENETVM, qui singuli vel quædam de floris figura atque structura indicarunt, vel foliorum figuram accuratius delinearunt, quæ additamenta singula in Actis sæpius citatis app. p. 300. sigillatim indicavimus. Tandem a. 1737. Dn. HENR. CATESBY l. c. perfectiores omnium huius stirpis partium descriptiones & figuræ, vivis coloribus illustratæ, in publicum prodierunt.

In variam magnitudinem crescit hæc stirps, sine dubio pro climatis folique diversitate. Magna fit arbor in Florida, Virginia & Canada, unico trunco nudo Pini mediocris forma ascendens ramosque in cacumine expandens. Reperiuntur tamen in ipsa Florida etiam minores, ut MONARDVS ipse monuit, quid? quod MILLERVS affirmavit, eam fruticibus potius esse accensendam, quo pari modo EHRETI figura (tab. LXXIX.) eam, & quidem duplici caudice atque præterea ab imo ad summam ferme ramis instructo, delineat, quorum uterque duodecim tantum pedes altus erat & crassior duodecim digitos circumferentia sua explebat (vid. eius obs. cit. p. 326.) Ne quis autem cogitet, hanc stirpem extra patriam tantum manere nanam, CHARLEVOIX (Histoire de la nouvelle France T. II. P. 2. p. 9.) asserit, hanc stirpem non valde altam esse, eamque nunquam supra radicem diametro pedem superare, fruticem potius tantum manere, seque ad littora fluvii S. Iosephi vidisse plenos agros iisdem obfitos: addit tamen, easdem forte fuisse stolones arborum cæsarum. Radices longe lateque se extendunt & solum haud profunde penetrant. Sunt illæ pro stirpium magnitudine nunc tenues, nunc crassæ brachiataque, paucis fibris donatæ, & permultos protrudunt stolones. Radix trunco præstantior est virtute medica, & cortex præstantior ligno. Folia semper virent, secundum nonnullos vero autumno cadunt, suntque odora, præsertim sicca. Color illorum est viridis obscurior tab. LXX. fig. a. c. quem alii lucidum dicunt; inferior superficies albicat fig. b. d. Suffulta sunt petiolis longis & ordine alternò ramis adherent. Novella sunt integra, ovalia, in extremitate obtuse mucronata seu elliptica tab. LXXIX. fig. a. illa ligni veterioris bilobata b. & trilobata c. omnia glabra ad margines integerrima & tribus nervis seu costis plurimisque venis lateralibus instructa.

Ad ramorum extremitates verno tempore proveniunt florum gemmæ, quarum involucri partes seu stipulæ fig. e. e. e. cadunt, quod involucrum nonnulli commune floris involucrum tetraphyllum perperam appellant. Ex alis foliorum novellorum ut & infra illa oriuntur florum pedunculi longi ramosique, qui racemum constituunt. Cuilibet horum ramulorum adhæret foliolum lineare angustum fig. f. f. f. & ramulis insident flores parvi lutei exigui pentapetali nec raro hexapetali, vel potius monopetali quinquies vel sexies profunde fissi g. b. r. s. t. in fundo tamen integri, id quod non solum monstrat fig. r. verum etiam experientia probavit, dum in his floribus ficcatis & in aqua maceratis segmenta nullatenus solvebantur, nec sine laceratione separari poterant.

De Plantarum genere, cui adscribenda sit hæc stirps, primus cogitavit PLVKENET, qui illam appellavit Cornum: sed LINNÆVS, floribus accuratius examinatis declaravit, eam Lauri speciebus adnumerandam esse, idque omni iure eum fecisse, nos demonstravimus Act. cit. p. 339. Vt autem minus aberremus, non solum, oblata occasione optata, Lauri vulgaris seu ita dictæ regiæ characteres omni accurate possibiliter examinavimus & Act. p. 331-338. exposuimus figurisque illustravimus, verum etiam (quum, ut supra indicavimus, in Anglia fructus haud perficitur) a celeberr. COLLINSONO tales in stirpis huius patria collectos, expectivimus atque etiam obtinuimus, eosque in tab. LXX. fig. t. 3-9. * delineandos curavimus, & insuper, quia hi fructus exsiccatione quoad figuram & colorem valde mutati fuerunt, eorundem statum naturalem ex CATESBY opere fig. y. 1. 2. depictam addidimus, & denique Act. app. p. 344-406. recensuimus quindecim Lauri species genuinas, quas ab aliis indicatas invenimus. Lauri vulgaris stirpem esse diœciam (id est cuius individuum alterum flores tantum masculinos seu stamineos, alterum tantum femininos seu pistillatos, vel potius hermaphroditos i. e. pistillo & staminibus instructos, profert) alii quidem annotarunt, sed nostris observationibus & figuris id demonstravimus Act. app. p. 332-338. Quod autem Sassafras arbor pariter ad hanc stirpium classem pertineat, Dn. EHRETVS demum invenit, figurisque demonstravit Act. citat. obs. p. 326, atque MILLERVS Dict. edit. VII. confirmavit.

Eiusmodi Sassafras florem stamineum repræsentat Tab. LXX. fig. g. b. & pistillatum r. s. t. v. Vterque instructus est staminibus, quorum filamentis in fundo interfertæ iisque brevissimo filamento affixæ sunt glandulæ n. o. incerti numeri, quarum unam separatam sistit fig. p. & cum brevissimo filamento suo q. x. In masculinis stamina plerumque novem fig. l. (ubi a corolla separata) in femininis vero semper sex reperit Dn. EHRETVS (vid. eius obs. cit. p. 326. & 327.) & in femininis simul pistillum fig. s. t. quod separatim cum stylo, stigmate & germine ostendit fig. v. In masculinis equidem pariter invenit stylum, sed sine germine & cum stigmate vario i. k; qui vero stylus stamini monstroso similior nobis videtur.

Floribus marcescentibus foliola angusta f. f. cadunt & fructus seu baccae succedunt. Tunc pedunculi horumque ramuli valde elongantur rubrumque seu miniatum colorem induunt fig. y, quorum extremitas, cum fundo floris concreta, ampliatur fig. 2. 3. & pro excipienda bacca excavatur fig. 5. adeoque cupulam format, simulque rubra fit fig. 2. Baccae primum virides sunt, deinde vero cærulescunt fig. 1. & continent nucem simplicem ovato-acuminatam & leviter compressam fig. 7. nucleo albo bilobato & amaro eiusdem figuræ fig. 8. * foetam.

Sunt, qui aliquot Sassafras species vel varietates indicarunt, nempe 1. foliis crenatis seu potius dentatis, & in tres partes profunde ad petiolum usque divisis; 2.) foliis parvis angustis & tenuibus; 3.) folio Lauri seu minori; 4.) plures ratione saporis, odoris texturæque ligni tantum differentes, de quibus varietatibus videantur HERNANDVS (Rerum medicar. Novæ Hispaniæ thesaurus p. 58.) PISO (de Medicina Brasiliensi tract. IV. p. 98.) IO. BAVHINVS (Hist. plantar. T. I. p. 483.) MVNTINGVS (Waare Oefening der Planten p. 21. Besch. der Aardgew. p. 110. Phytograph. fig. 19. PAVL. HERMANNVS (Cynof. mat. med. ed. Henning. p. 105. edit. Bæcler. p. 222.) MICH. BERNH. VALENTINI (Museum

seum museor. p. 264.) PETIVER (*Gazophyl. nat. & artis Dec. V. p. 95.*) & conferantur, quæ super iisdem annotavimus *Novor. Actor. citator. T. II. Append. p. 323.* Quum vero harum stirpium omnium descriptiones nimis imperfectæ & obscuræ, nec illis figuræ, & præcipue nulli generis characteres additi sunt, de illis plura commemorare superfedemus. Præter has citatas stirpes a CATESBY T. II. t. & p. 28. describitur & depingitur *Cornus foliis Salicis Laureæ acuminatis, floribus albis, fructu Sassafras, quæ stirps, si foliorum figuram & floris colorem excipias, non solum baccis earumque cupulis & petiolis, verum etiam floris figura penitus convenit cum Sassafras. Floris sexum non indicat A. procul dubio ipsi haud cognitum, & baccas describit depingitque virides, forsân nondum maturas: ceterum ligni qualitates tacet & solummodo addit, hanc arborem ordinarie ultra 26. pedes non ascendere, folia esse alterna, eorumque petiolos pollicem longos.*

TAB. LXXI.

I. PVNICA foliis lineari-lanceolatis, caule arbore-scente, flore maiore *Mill. Gard. Dict.*

Punica Linn. H. Cliff. 184. Vps. 122. Mat. med. 37. n. 223. Spec. 472. n. 1. Syst. N. 1056. n. 544. Roy. Lgdb. 267. Hill. Hist. 451.

Punica, quæ malum granatum fert, Cæsalp. 141. Tournef. I. R. H. 636. Boerb. Ind. II. 250. Till. Hort. Pis. 140.

Punica sylvestris Cord. Hist. 184. a. Carid. Pl. d' Aix. 383. Mich. Cat. Pl. H. Cæs. Flor. 77. Segu. Plant. Veronens. II. 310.

Punica sive Granata malus flore simplici Heist. Ind. II. 24.

Punica mala Blackwell Herbal. t. 145.

Punica malus Dalech. H. Lugd. 303. & Punica mala Cord. Hist. 83. b. Ruell. 239.

Malus Punica Gesn. Hort. 267. a. Matth. 193. Dod. Pempt. 794. Cam. Epit. 130. 131. I. B. Hist. 76. a. Magn. Char. 325.

Malus Punica flore simplici H. Eyst. Aestiv. arb. & frut. Fol. 7. f. 1.

Malus Punica sativa C. B. pin. 438. Parck. Th. 1510. Parad. 428. n. I. Magn. H. R. Monsp. 130.

Malus Punica sylvestris C. B. pin. 438. Gerard. 1450. Magn. Botan. Monsp. 173.

Malus Punica spinosior agrestis I. B. Hist. I. 78. b.

Malus Punica sive Granata Park. Parad. 428.

Malus Granata sive Punica Gerard. 1450. Tabern. ic. 1033.

Malus Granata Stapel in Theophr. 393. Parck. Th. p. 1511.

Malus granatus Dorst. 141. simplici flore Parck. Parad. p. 429. fig. 4.

Malum Granatum, Delima Rumph. Amb. II. 94. t. 24.

Malum Punicum Lob. Hist. 563. advers. 419. icon. II. 130.

Granada Heist. Syst. 15. Rupp. 165.

Granata, Punica mala Blackwell Herbal. t. 145.

Granatus flore simplici Heuch. Ind. 21.

II. PVNICA flore pleno maiore *Tournef. I. R. H. 636. Boerb. Ind. II. 250. Garidel Pl. d' Aix. 383. Mich. Cat. Pl. H. Cæs. Flor. I. c. Linn. H. Cliff. 184. var. β. Hall. H. Goett. 112. Zinn. H. Goett. 144.*

Punica Balaustifera I. B. Hist. I. 82. a.

Punica sterilis, sed peregrina in Italia Cæsalp. 141.

Punica sive Granada malus flore pleno Heist. Ind. H. A. Jul. I. 26.

Malus Punica flore pleno R. R. P. H. L. Bat. 404.

Malus Punica sylvestris maior, sive Balaustium maius Park. Th. 1511. Rai. II. 1463.

Malus Punica sylvestris ac sterilis, cuius flos Balaustifera nominatur Dod. 794.

Balaustia Tabern. ic. 1033. H. Eyst. Aestiv. arb. & frut. Fol. 8. f. 1.

Balaustia, sive pleniflores Granati sylvestris Ger. 1450.

Balaustia Hispanica I. B. Hist. I. 82.

Balaustia flore pleno maiore C. B. pin. 438. Boerb. Ind. II. 250.

Balaustium Lob. ic. II. 130. H. Eyst. I. c. descript.

Balaustium maius sive Cyprinum Park. Parad. 429. fig. 6.

Balaustio orientale Cæs. Dur. edit. Rom. 1585. & Ven. 1617. p. 59. ibid. 1684. p. 60.

Granatus flore pleno Heuch. Ind. 21.

Granata, Punica mala Blackw. Herbal. t. 97.

III. PVNICA foliis linearibus, caule frutescente, flore minore *Mill. Gard. Dict. n. 2.*

Punica Americana, nana seu humillima Lign. Tournef. I. R. H. 636.

Expof. 4. a. Cytinus seu flos adhuc clausus, b. b. Perianthium seu calyx semiquinquefidus a facie externa, c. corolla a facie externa, d. a facie interna, e. f. calyx verticaliter diffectus, g. g. corollæ petala quatuor calycis segmentis adhuc inserta, a facie interna, b. petalum quintum separatum a facie externa, i. eius dorsum elevatum, k. k. flaminum inæqualis longitudinis fasciculus extra calycem ex parte prominens, l. l. idem fasciculus parietibus calycis adnatus, m. flamen separatum in magnitudine naturali, n. aucta, ubi filamentum & anthera didyma, o. ovarium, calycis ima parte comprehensum, p. feminum seu granorum rudimenta q. ovarium verticaliter diffectum, r. r. ovarii operculum orbiculare seu germinis vertex convexus, s. stylus brevis simplex cum stigmate capitato, t. t. ovarium calycis segmentis coronatum in fructum seu malum sensim sensimque magnitudine auctum excrefcens, u. u. duo tales fructus maiorem perfectionem consequuti, x. malum perfectum seu fructus maturus, y. talis ex summa maturitate sponte sua crepatus, z. & ① talis verticaliter diffectus, ubi 1. calycis segmentorum seu coronæ facies interior cum flaminum reliquiis aridis, 2. 2. pistilli stilus seu tuba persistens, eius pars inferior seu germinis vertex, ovarii operculum orbiculare & superius convexum formans, 4. 4. eiusdem pistilli per fructus medium ad petiolum usque continuatio, quæ in varias lamellas seu pelliculas dividitur, 5. eiusmodi lamella semipellucida, super granorum loculos expansa, horum loculorum singulos investiens ipsaque granis se intergerens, 6. lateris oppositi loculi cum suis granis denudatis, 7. talis fructus horizontaliter diffectus, 7. 7. loculi novem vel decem & in singulis duplex granorum series, 8. iidem loculi evacuati, 8. separatum granum involucre suo succi pleno adhuc involutum, 9. grani semen seu acinus denudatus, 9. flos punica seu Balaustia maioris plenus seu petalis multiplicatis, 10. talis verticaliter diffectus, 10. petala multiplicata ex flaminum transformatione orta, 11. Pistillum cum stylo, stigmate & germine seu ovario, 12. Punica nana flos a facie laterali & superiore, uterque in magnitudine naturali.

Nota. Hanc imaginem Dn. EHRETVS pinxit, Monte Pessulano, ubi uti in pluribus Gallia Narbonensis atque Italia regionibus hi frutices arboresve ad vias in sepibus arvisque frequentes inveniuntur, id quod etiam PETR. MAGNOLVS Bot. Monsp. I. c. (ubi de Punica sylvestri agit) testatur his verbis: „ recte I. B. Monspeli in sepibus provenire dicit; ea siquidem „ utimur etiam pro vinearum sepimentis. „ & GARIDEL plantas regionis Aquarum Sextiarum recensens, de Punica rariter sylvestri agens hæc addit latine reddita: „ reperitur „ ubique in via Tholonet versus ad quartam milliariis partem „ ab urbe, ab arborum margines, quos Ribos appellant, atque „ aliam infra arva de Monte, au Devens, Molieres pluribusque „ in aliis locis; plantatur etiam pro sepibus struendis ut & in hortis pariter ac prope prædia. SEGVIERIVS I. c. de eadem Punica refert: „ in sepibus omnibus frequens est, cum „ in urbis vicinis, tum in aliis locis ab illa distitis, „ & Mercator per Galliam Narbonensem negotium gerens mihi affirmavit, easdem etiam satis frequentes esse Budiffæ in Lusatia superiore tum in hortis, tum horum sepibus. Dum hanc simplici flore arborem in horto quodam nostratium florentem inveni, floris partes figillatim delineandas curavi; & ut fructus quoque structura pateat, tales maturos a mercatore supra memorato procurandos petii & inter illos unum sponte sua iam hiantem, qua occasione ab illo didici, eos ab arbore iam separatos non amplius dehiscere, sed cum arbore adhuc iunctos ex summa maturitate indeque granorum succi turgescentia. Partes quædam floris fructusque olim propriis insignitæ sunt nominibus. Cytinum iam produxi, quo tum flores adhuc clausi, tum eius calyces notabantur; flores Punica sylvestris a botanicis æque ac medicis vocabantur Balaustia vel Balaustia, quo









PLANT
SELECT